





5, 8. 23





*SIMONIS OCKLEII*  
**INTRODUCTIO**

A D

**Linguas Orientales.**

I N Q U A

Iis discendis via munitur,

E T

**Earum Ufus ostenditur.**

A C C E D I T

**INDEX AUCTORUM,**

Tam illorum, quorum in hoc libello  
mentio fit, quam aliorum, qui harum  
rerum studiosis usui esse possint.

---

Τὸ παλαιὸν χρηστότερόν ἐστι.

---

**CANTABRIGIÆ:**

TYPIS ACADEMICIS.

M D C C V I.

Impensis JOANNIS OWENI Typographi.



5.3.22

THE UNIVERSITY OF CHICAGO

PHYSICS DEPARTMENT

PHYSICS 310

LECTURE 1

LECTURE 2

LECTURE 3

REVERENDO ADMODUM  
IN  
CHRISTO PATRI  
SYMONI,  
Permissione DIVINA  
EPISCOPO ELIENSI.

Cum de edendis, Reverende Pater, his studiorum meorum Primitiis cogitarem; licet beneficia Tua in me collata grato animo recolerem, non ausus tamen fuisssem eas tanto Patrono dicare, nisi prius impetrata venia. Et

## DEDICATIO.

si enim Linguarum Orientalium studium summorum virorum curam mereatur; cum mecum reputarem, quam impar essem cuiquam scribendo, quod Tuo conspectu dignum esset, veritus sum, ne arrogantiae crimen incurrerem. Anxium & ancipitem erexit eximius ille candor, quo studiosæ Juventutis honestos conatus, utcunque imperfectos, excipere soles. Fælicem me, qui, dum alii auctores misere se torquent, & omnes ingenii sui vires exerunt, ut aliquod Elogium comminiscantur, quo Patronos suos ornare queant, istiusmodi Patronum sim, nactus de quo, absque

## DEDICATIO.

que minima adulationis suspitione, summa tuto prædicari possint. Summa inquam: omnia enim alia, utcunque laude digna, veræ pietati & humani generis salutem propagandi indefesso studio saltem secunda sunt: Hæc autem Tibi ab ineunte ætate fuisse propria, ipsa fatebitur invidia. Idcirco, hoc qualecumque munusculum gratum tibi fore confido, non quod, quæ in illo præstiti, illud mereantur, (quod minime mihi adrogare ausim,) sed quod de Ecclesia & Republica literaria bene merendi studio inchoatum sit & perfectum. Cui quantum conferat Linguae Hebrææ cognitio,

\* 3



## DEDICATIO.

gnitio, lubentes fatebuntur  
qui erudita illa Commentaria,  
quibus Sacram Paginam in-  
dies illustrare pergis, semel in-  
spexerunt. Ad quorum utili-  
tatem plenius ac melius per-  
cipiendam, hæc, quæ nunc e-  
dimus, nonnihil conferre pos-  
se speramus; quæ si benigno  
vultu accipere non dedigna-  
tus fueris, calcar addetur in-  
dustriæ meæ, ut acrius & dili-  
gentius iis studiis invigilem,  
quibus Dei Gloriam & Eccle-  
siæ commodum promovere  
possim.

*Paternitati Vestræ*

Obsequentiſſimus Filius

SIMON OCKLEIUS.

JU-

# JUVENTUTI ACADEMICÆ

S.

**D**olendum est omnino, Juvenes exoptatissimi, quod dum aliis literis tantopere invigiletis, in his, de quibus acturi sumus, patiamini vobis socordiam exprobrari: Orientalia inquam studia, sine quorum aliquali saltem peritia, nemo unquam in Theologia vere magnus evasit, imo nunquam evasurus est. Cum enim omnis Theologiæ cognitio in hoc cardine versetur, ut S. Scripturæ verum & genuinum sensum eruere possimus, fieri autem nequeat, ut alicujus Auctoris mentem exploratam habeamus, nisi aliquam ejus, qua scripsit, Linguae cognitionem adipiscamur; necessario sequitur, illi, qui Sacras Scripturas, quemadmodum debet, examinare & intelligere velit, opus esse, ut Hebraeam Linguam, qua scriptæ sunt, habeat perspectam. Necesse erit alioquin, ut alienis oculis fidem habeat, quibus tuto credi non posse, omnis eruditorum consonat experientia, omnia in Versionibus admissa menda plane loquuntur. Cum tamen de hac re

## P R Æ F A T I O.

*in secundo capite fufius differuerim, nolo quæ illic fcripsi, hic repetere. Nolite credere harum literarum Pomoeria adeo efle angufta, ut folis Theologis fructum afferant, aliis vero nihil profint; cum certum fit, multa ex iis hauriri poffe, quæ cuius bonarum literarum ftudiofo utilia effent & jucunda. Nam ut alias Linguas Orientales taceam (eas quoque non contemnendas, fed proprio fructu & utilitate gaudentes) fola Arabica eos Thefauros in fe continet, qui quemvis ad ejus ftudium invitare poffint. Quota enim rerum Orientalium pars nobis innotuit? cum interim habeant Nobiliffimos Historicos, ex quibus ea feliciter erui poffint, quæ alias fruftra quæremus. Nec folos Historicos habent, fed & alia quamplurima, quibus res literaria multum augeri poffit. Quod plurimis exemplis comprobare potui, nifi Doctiffimorum virorum de hac re fcripta, iftum laborem reddidiffent fupervacaneum. Putabunt forfan nonnulli, me eodem nomine à fcribendo abftinere potuiſſe: at injuria. Cum enim mecum reputarem, quam finiftram de his literis opinionem plurimi conceperint, quod earum ignari ſint;*

ni-

## P R Æ F A T I O.

*nihil omittendum duxi, quo vos ad eas excolendas incitarem. Quod nulla alia ratione melius fieri posse mihi persuasi, quam si planam ac facilem eas discendi methodum docerem. Me quoque miserebat illorum, qui magistro destituti hæc studia aggrediuntur, qui sæpe frustra laborant, & quod studendi methodum, & qui libri legendi sint, & quo ordine ignorent, illud pluribus mensibus ægre assequuntur, quod alias paucis diebus superari posset. Hoc itaque egi, ut quæ in legendo observaram & ex eruditorum virorum colloquio hauseram, vobiscum communicarem, quibus animi vestri ad hæc studia aggredienda erigi possint & labor imminui. Methodum itaque planam & facillimam docui; insigniores auctores indigitavi, quo denique ordine legendi sint, monstravi, ut nihil jam deesse videatur, nisi industria vestra.*

*Pudeat nos, gentem per universum Terrarum orbem literarum studio claram, tam paucos habere, qui his studiis sedulo operam navent. Vos autem, quibus Theologica studia curæ sunt, oro atque obtestor, ut has literas excolatis. Rem enim habetis cum Hereticis &*

## P R Æ F A T I O.

*Schismaticis nostris, disputaci hominum genere & importuno, ad quorum pertinaciam frangendam & retundendam arrogantiam, nihil æque confert ac Linguarum accurata cognitio. Neque homini Christiano negligenda est illorum conversio, qui jam per multa secula in Mohammedanismi tenebris plus quam Cimmeriis errant, quam non esse desperandam, mecum agnoscet qui viri Amplissimi Pauli Ricautii Historiam Turcicam legerit, vel etiam Hinckelmanni in Alcoranum Præfationem, qui sua ex Ricautio desumpsit. Sentient forsitan nonnulli operam in his rebus frustra fore collocandam; tum quod experti sint quam arduum sit, homines quoscunque ab istis præjudiciis, quæ à teneris unguiculis, & ut ita dicam, una cum materno lacte imbibierunt, revocare; tum quod audiverint Mohammedanos disquisitionum Religiosarum, esse impatientissimos. Aliter senserunt viri omni exceptione majores: nam neque magnus Grotius argumenta, quæ in Libro De Veritate Religionis Christianæ continentur, Lingua & Rythmis Belgicis concepisset, ut eo facilius nautæ ad has*  
*oras*

## P R Æ F A T I O.

*oras appellentes haberent quæ ad convin-  
cendos infideles essent idonea, nisi speras-  
set, exinde aliquem posse oriri fructum.  
Neque vir ille insignis Boylæus nostras,  
tam morum probitate & vitæ Sanctimo-  
nia, quam eruditione Clarus, eundem  
librum propriis sumptibus Arabice verti,  
& in plagas Orientales mitti curasset;  
Neque Clarissimus Pocockius, qui harum  
Gentium & Linguas & Mores bene ha-  
buit perspectos, operam in isto libro A-  
rabice vertendo inutiliter impendisset.  
Ut alios taceam, statuerat Whelocus no-  
stras Alcoranum Arabicum edere cum no-  
tis Arabicis & Græcis, in quibus Mu-  
hammedis Pseudoprophetæ mendacia &  
ineptias arguere & refutare destinarat;  
quinetiam Seamannus nostras, qui in  
istis regionibus diu degerat, N. T. Tur-  
cice vertit. Hinc patet, Viros tam pie-  
tate quam literis claros hoc consilium  
probasse. Neque nos detertere debet  
quod videamus Missionarios Romanen-  
ses in his Regionibus nonnunquam mi-  
nus humaniter exceptos; duo enim sunt  
quæ illorum in propagando apud externos  
Evangelio successibus quam maxime ob-  
stant; primum, quod ubicunque incide-  
rint*

## P R Æ F A T I O.

*rint in aliquos (utcunque Christianos) à se dissentientes, sive ad Ecclesiam Græcam pertinentes, sive ad illos, quos Protestantes vocant, adeo misere in illos sæviunt, tot machinis & fraudibus illos aggrediuntur, ut non solum religionis, quam profitentur, sinceritatem infidelibus suspectam reddant, verum etiam humanitatem suam. Secundum, quod dum viam ad eternam salutem docere præ se ferunt, tot nugas & offucias sacræ Evangelii veritati immiscent, ut non magis difficile sit Mahumetanis sui Pseudoprophetæ tueri ineptias, quam ipsis, suas. Quam ob rem meritas pœnas dedit Ahmedi Ebn Zin Alabedin, Nobili Persæ, Hieronymus Xaverius, qui propter ineptias & fabulas, quas Historiæ Christi & Speculo Veritatis intertexuit, adeo acriter exceptus est ab illo Persa, ut Philippus Guadagnolus (Ahmedis libro, à Collegio de Propaganda Fide respondendo designatus,) eum expedire nequiverit. Hæc non obstant, quo minus nos felicem in convertendis infidelibus speremus successum, à quibus in alios sævire, & in rebus sacris nugari, alienum est.*

*Hæc*

## PRÆFATIO.

*Hæc de his studiis & instituti nostri ratione breviter dicta sunt, quod si quis me doctior hunc libellum inspicere dignatus fuerit, illum oro, ut erroribus meis ignoscat, & secum reputet, me non sibi, sed Tyronibus hujusmodi subsidio destitutis scripsisse. Vos autem, Juvenes optimi, eas literas excolere pergite, quibus imbuti, Ecclesiæ olim & præsidio esse possitis & ornamento. Quod faxit Deus. Valete.*

---

## INDEX





---

---

# INDEX Capitum.

- CAP. I. *QUA* linguâ usi sint primi homi-  
nes, non satis constare. p. 1.  
II. De utilitate & necessitate Linguae  
Hebraeae discendae. 12  
III. Quâ methodo Linguae Hebraeae stu-  
dium aggrediendum sit, & primò de  
Textu Biblico. 31  
IV. De Antiquitate Punctorum Vocali-  
um & Accentuum Hebraeorum. 44  
V. De Linguâ Chaldaicâ & Versionibus  
in eâ scriptis. De Versionibus Vet. &  
Novi Testamenti Syriacis. 57  
VI. De Textu & Versionibus Samari-  
tanis. 68  
VII. De Rabbinis & quomodo tractari  
debeant. 71  
VIII. De Talmude. 93  
IX. De Judaicis Antiquitatibus. 107  
X. De Linguae Arabicae studio & ejus  
Usu. 115  
Quo-

## Index Caputum.

- XI. *Quomodo instituendum sit Linguae  
Arabicae studium.* 130
- XII. *De Auctoribus Arabicis hactenus  
editis.* 138
- XIII. *De reliquis Linguis Orientalibus,  
Æthiopica nempe, Persica, Armena,  
Coptica, Turcica.* 154
-

# INTRODUCTIO

A D

## Linguas Orientales.

---

### CAP. I.

*Qua Lingua usi sint Primi Homines non satis constare.*

**C**UM de Hebræa lingua nonnulla differere, & qua ratione ac methodo, utilitates, quæ ex ejus studio proveniunt, possint attingi, explicare decreverim, operæ pretium me facturum existimavi, si de ejus Origine & Antiquitate, pro capitis modulo, nonnulla præmitterem, in quo Argumento, me summa cum voluptate versari posse non diffiteor, modo suppetenterent auxilia ad hanc rem plene discutiendam & illustrandam idonea, sed

A cum

cum iis prorsus destituamur, (certam enim derogavit vetustas fidem,) Argumentorum quæ utrinque proferuntur gustum lectori exhibebo, rem ipsam tanquam dubiam & adhuc inexploratam in medio relinquam.

De hac re apud Gentiles scriptores altum ubique silentium; neque, si aliquid scripsissent, admitti deberet, cum omnia illorum scripta Antiquitate Mosis cedant, & cum omnibus notum sit, quali fide res Judæorum, multis seculis recentiorum, retulerint *Trogus*, *Tacitus* alique qui de hac re egerunt. Unicus igitur superest *Moses*, qui facem Nobis præferre potest; at ne ille quidem talem, quæ huic quæstioni tamdiu in tenebris delitescenti, satis lucis affundere possit; illius enim Linguae, qua usi sunt primi homines, nuspiam meminit, aut, quæ fuerit, indigitavit; res Antediluvianorum strictim tangit; nam recensitis Patriarcharum nominibus, ad *Noachum* venit; Linguae mutationis mentionem non fecit, nisi post diluvium cum conderetur Turris *Babel*.

Hinc plerique pro concessio sumunt, nullam Linguae mutationem generi huma-

ma-

## *Linguas Orientales.* 3

mano accidisse ante *Confusionem Babyloniam*, ac proinde *Noachum*, eadem cum *Adamo* dialecto locutum fuisse; de quo tamen dubitari posse, mecum facile agnoscet cordatus Lector, cum secum reputaverit, inter annum *Creationis* & *Diluvii*, intercessisse annos circiter MDCLVI. Quo spatio, longe lateque sparsum fuisse genus humanum, nemini dubium est; certum est etiam, plures ædificatas fuisse civitates, plura climata habitata; unde etiam sequetur, pro locorum distantia, cœli diversa temperie, & cibi quo alebantur genere, diversos quoque mores fuisse superinductos; novas etiam res quotidie inventas, quæ omnia in Linguarum mutatione, magni esse momenti, omnes fatentur: semper enim in fluxu sunt res humanæ, & longo temporis tractu sponte mutantur, etiam cum nullæ acciderint ipsis mutationis causæ extrinsecus allatæ; sic fert rerum humanarum omnium natura, quæ, eandem olim quam nunc rationem obtinuisse credenda est: jam vero videmus, *Linguas Gallicam* & *Anglicanam*, miras brevi tempore subiisse mutationes, cum tamen

neutra illarum gentium ab alia victa sit, quæ res linguæ mutationem inducere solet.

Neque verum est, quod aiunt nonnulli, has linguarum mutationes ex commercio cum aliis &c. solummodo esse ortas: nam licet non diffitendum sit, magnas inde in linguis oriri posse mutationes; esse tamen nonnullas, quæ huic causæ minime queant adscribi omnino agnoscendum est; quales sunt, quod antiqua, quæ adhuc retinemus vocabula, aliter, ac olim scribantur & pronuntientur; quod indies nonnullæ voces obsoletiores evadant, donec tandem prorsus ignorentur; quod novæ quotidie cudantur voces quæ nullam cum alia quavis Lingua affinitatem habent.

Hinc saltem hoc assecuti sumus, viz. non esse rem tam indubitata quam putarunt nonnulli, *Noachum*; eadem cum *Adamo* Dialecto usum fuisse; nam quæ nonnulli comminiscuntur de egregia Dei Providentia, in Lingua Sancta inter *Sethi* & *Semi* fidelium sc. nepotes propaganda, hominum otio abutentium mera sunt deliria; non secus ac illorum somnia qui volunt *Linguam Sanctam*, sc. *Hebraeam*,

*bream*, à *Beatis in Cælo usurpatam fore*: quæ omnia non minus ridicula sunt quam *Goropii Becani* sententia, qui statuit Linguam qua collocuti sunt *Deus & Adamus* fuisse *Teutonicam*.

Neque enim Deo curæ sunt istiusmodi nugæ; sed verentur isti Homines, ne minus honorifice de sacris literis sentire viderentur, nisi linguam qua scriptæ sunt hoc modo extollerent: omissis his, videamus utrum si concedatur, *Noachum*, eadem qua *Adamus* Dialecto usum fuisse, probari possit linguam *Hebræam* esse omnium antiquissimam.

Gen. XIV, 1. Scribit *Moses*, universum genus humanum eadem dialecto, absque ulla pronuntiationis aut significationis discrimine, (hoc enim verba illius textus שפה אחר *saphah ehbad.* & רברים *devarim abbadim* plane significant) usum fuisse; at quæ, vel qualis fuerit ista Dialectus, nullibi meminit; *R. Salomon Yarbhi* ad hunc locum diserte scribit לשון הקדש *Linguam Sanctam*, sive *Hebræam* fuisse qua usi sunt omnes ab *Adamo* usque ad confusionem *Babelis*; sed nullam rationem profert; idem cum *Salomone* sentit *Aben Ezra*; quod ne gra-



tis asserere videatur, ex significatione Propriorum nominum, viz. *Adam, Havvæ, Kain, Peleg*, adstruere conatur; sed horum Magistrorum nihil me movere auctoritas, neque quempiam cordatum movere potest, qui modo illorum scripta paulo penitus inspexit, non enim quod validis rationibus inducti sint, hoc affirmant, sed ut auctoritatem linguæ suæ conciliare possint, si modo admittatur, eam a mundi exordio, ab ipso usurpatam fuisse Deo.

Quod argumentum itaque *AbenEzra* attinet a propriis nominibus desumptum, nihil omnino probat; unde enim novit *Mosem* hæc ex alia lingua non transtulisse; & propria nomina, non prout revera sonabant retulisse, sed per voces Hebræicas, eandem significationem cum illis unde versæ sunt obtinentes, expressisse? Omnino verisimile est *Mosen*, cum Hebræa Dialecto suam Historiam scripsit, sui Lectoris rationem habuisse; quod nullatenus fecisset, nisi propria nomina vocibus significativis expressisset: nam cum Gen. III. 20. dicatur *Adamus nominasse Uxorem suam Havvæ, quod esset Mater omnium viventium*;

## *Linguas Orientales.* 7

*um*; hoc nihil est in Latino sermone, neque enim nominis ratio apparet; dixisset Historicus, si Latine † scripsisset, & nominum rationem lectori suo patefactam voluisset, *Et vocavit Adamus uxorem suam, VIVAM, (vel simile quid) quod esset mater omnium VIVENTIUM.* Idem finge *Mosen* fecisse, nisi aliunde probari possit Linguae Hebraeae supra reliquas antiquitas.

Post confusionem Babylonicam variae ortae sunt Dialecti, ex ipsa nimirum pronuntiationis diversitate; nam cum dicitur Deus confudisse ipsorum sermonem, adeo ut à se invicem intelligi non possent, minime intelligendum esse censeo, quasi Deus nova vocabula unicuique illorum ad sensus exprimendos inspiraverit, (id enim esset valde absurdum, & cujus contrarium abunde probari videtur ex linguarum quæ ex ista confusione, ortae sunt cognatione) sed aliquo modo crispationem linguae mutaverit; forsan contrahendo ejus nervos vel aliter, adeo ut cum post istam confusionem, easdem voces quibus olim usi fuerant, pro-

---

† Vide D. Walsoni Prolegomen. in Biblia Polyglott.

## 8 *Introductio ad*

ferre conarentur, non poterant tamen intelligi, præ pronuntiationis differentia; inde statim nata tanta Linguarum seges quæ brevi tempore per universum terrarum orbem disseminata est; adeo ut singulæ fere nationes Lingua sibi propria gauderent; inde statim ortæ linguæ *Syriaca* sive *Chaldaica*; *Arabica* & *Aegyptiaca*, quemadmodum ex Sacra Scriptura luculenter patet; *Syriacam* enim quod attinet, ejus exemplum habemus *Gen.* xxx. 47. ubi nominat *Laban Syrus* Lapidum acervum יגר סהרות *Teghar sabadutha*, *Cumulum Testimonii*, quæ plane *Syriaca* sunt; Extat etiam exemplum Linguæ *Aegyptiæ*, *Gen.* xli. 45. ubi *Pharob* nominavit *Josephum* צפנת פענח: *Arabismi* autem exempla plurima extant in Libro *Job*, (quem *Arabum Theologum* vocat *Bibliander*) qui à nonnullis antiquior *Pentateucho* esse perhibetur, à pluribus ipsi † *Mosi* adscribitur, ab omnibus valde antiquus esse affirmatur. Quinetiam *Arabismi* auctor esse perhibetur ירח בן יקרן *Tareabh Ben Tokdhan Eberi* nepos quem \* قحطان

† Vide de hac re Huet. *Demonstr. Evangel.*

\* Vid. Pocock *Orat. Carmin. Tograti* prefix. item *Chronolog.*

يعرب *Tarabum Kahhtani filium*  
nuncupant Arabes; unde hujus Dialecti  
antiquitas satis apparet.

Cum itaque tot Dialecti statim à con-  
fusione Babylonica pullularint, ægre dig-  
nosci possit, utra harum sit mater, an ve-  
ro omnes sint germanæ sorores, quarum  
mater interiit, qui nodus adhuc restat  
expediendus.

Si modo constaret Linguam Hebræam  
*Hebero* fuisse vernaculam, (à quo eam  
& *Hebræos* nomen accepisse statuerunt  
nonnulli) non difficile probatu videtur  
eam esse omnium antiquissimam; hoc  
enim posito, sic argumentamur: inter  
*Noachum* & *Eber*, tres solummodo in-  
tercedunt, viz. *Salah*, *Arphaxad*, *Sem*,  
quos quoque eadem Lingua usos fuisse  
valde probabile videtur; neque enim cre-  
dendum est, horum ullos, manum ædifi-  
candæ turri admovisse; ideoque nec pœ-  
nas tanta impietate dignas retulisse: id-  
circo non credendum est *Eberi* Linguam  
aliam fuisse ab illa qua locutus est *Noa-  
chus*.

Rursus, minime putandum est, ædi-

*Sacram D. Ludovici Capelli Bibliis Polyglott Præfix. p. 5. Go-  
lii Annotat. in Alfergan. p. 3.*

ficationem Turris Babylonice à *Semi* nepotibus fuisse inchoatam; *Sem* enim nondum mortuus fuit, (uti nec *Noachus*) erat autem vir pientissimus, & Divino cultui deditissimus; qui omni procul dubio filios ita erudiebat ut istiusmodi facinus admittere nollent; quod si tale quid aggressi essent, certe eos fuisset cohibiturus: potius existimandum est, illud opus ab *Hami* nepotibus fuisse excogitatum, qui maledictus erat, & à Dei timore quam maxime alienus, atque ita, horum linguam confusam fuisse, illorum vero integram ad Hebræos pervenisse.

Hæc sunt illorum nonnulla, quæ pro Antiquitate Linguae Hebrææ adduci possint: quibus responderi potest, opinionem illorum qui arbitrantur populum & linguam *Hebræam* ab *Hebero* fuisse nuncupatos † ab omnibus fere eruditis dudum esse rejectam, qui asserunt, *Abrahamum* עֲבְרָאִי *Hebræum* vocatum fuisse à *Chananeis*, quasi *Transfluvialem*, quod מַעְבֵּר הַנָּהָר *meeber hannahar*, de locis trans fluvium sitis, *Euphratem* sc. in

† Vid. Reverend. Walton, Prolegomenon III. D. Hyde Historiam de Religion. Vett. Pers. Ludovic. Capell, Chronol. Sacr.

## *Linguas Orientales.* II

terram Chananæorum venisset: Deinde dubitari possit, utrum Lingua *Hebraica* ipsi *Abrahamo* fuerit vernacula, an potius *Chaldaica*, venit enim ex *Ur Chaldaeorum* (sic per prolepsin dictorum, vocabantur enim *Chasdim* à † *Chesed Naboris* filio: est autem omnino improbabile, illius familiam alia lingua usam fuisse quam reliqui Chaldæi: credibilius est, *Abrahamum* linguam Hebræam à Chananæis, quibus vernacula fuit didicisse, (fuerunt autem ii, *Chami* posterii;) qui itaque asserunt, in *Semi* familia conservatam linguam sanctam, mire falluntur; Hebraice locutos fuisse *Chananæos*, probatur, cum aliis argumentis, tum ex nominibus propriis quæ urbibus imposuerunt קרית ספר קרית סנה *Kiryath sepher*, *Kyriath sonnab*, *Jehos. xv, 15. 49.* quæ pura puta sunt Hebraica; Hæc efficiunt quo minus facile probatu sit, Linguam Hebræam esse omnium antiquissimam.

Hæc pro gustu sufficiant, hanc vero quæstionem longa indagine ventilare, non est hujus loci.

---

† *Vid. Bochart. Phaleg.*

## CAP. II.

*De utilitate & necessitate Linguae  
Hebraeae discendae.*

**V**ERUM enim verò utcunque se res habeat de quâ superiori capite egimus, perinde est quoad Hebraeae linguae discendae utilitatem & necessitatem: Sive enim Lingua Hebraea omnium antiquissima sit, sive non sit, eodem redit: sunt enim linguae rerum cortices, neque à viro sobrio & mentis compote discendae sunt propter antiquitatem, sed ad rerum utilium quæ in iis continentur cognitionem assequendam. Quod si lingua Serum mater omnium foret, non eo nomine huic linguae discendae operam navanda est, nisi constaret res in ea contentas operæ pretium fore.

Quod cum ita sit, abundè patet, quam necessarium sit linguae Hebraeae studium; hac enim Divina oracula primùm (quod scimus) scripta sunt, quæ certè summam diligentiam merentur; licet enim  
omnia

omnia ad salutem necessaria Novo Fœdere comprehensa sint, nemo tamen, cui sana mens, negare potest, plurima ad religionis Christianæ veritatem adstruendam necessaria è Testamento Veteri esse petenda; quod cum ita se habeat, non exiguam opem Novo T. subministrat Vetus; omnino itaque dignum est, non solum quod perfunctorie & quasi ab aliud agentibus legatur, sed quod ab omnibus eruditis summâ industriâ teratur, ad intimos ejus sensus exsculpendos; maximè verò si consideremus, nobis non solum cum Romanensibus, Socinianis & aliis Hæreticis rem esse agendam, Verum etiam cum Judæis qui T. N. auctoritatem prorsus rejiciunt, & ex solo Veteri convinci possunt; quorum salus omnibus iis curæ esse debet, quibus Evangelium est concreditum.

Cum V. T. intelligentia Christianis admodum sit necessaria, prout ex dictis liquet; sequetur inde necessariam quoque esse ejus, quâ scriptum est, Linguae accuratam cognitionem; absque hac enim fieri nequit, ut ejus sensus investigare possimus: quicumque enim versioni soli innititur, non tam suis videt oculis quam alienis;



alienis ; & hinc fit ut multi varias sibi finxerint opiniones, propter quas mirè sibi gratulati sunt, quæ, sublati versionum mendis nullum in textu originali haberent fundamentum.

Addo, quod si omnibus risui est qui Græci auctoris Latinam solummodò versionem, utcunque accuratam, legere vult ; eo nomine, quod hac ratione auctoris sensum & elegantiam assequi nequit: quale ludibrium Hebraicè doctis debemus, si cariosæ versioni unicè innixi, fontes ipsos neglexerimus? Multa sunt in unaquaque Linguâ, quæ, si in aliam transfundantur, vim omnem & vigorem amittunt, prout quivis eruditus mecum facile agnoscat ; multæ observationes textum accuratè legenti sponte se offerunt, quorum nec vola nec vestigium in versione apparet ; tanti est, ipsas origines explorare ! Unicum hujus rei proferam exemplum ; hoc extat *Jehoshua*, Cap. II, 4. ubi hæc verba occurrunt ותקח האישה את שני האנשים והצפוני quæ sonant, & accepit mulier (sc. Rahab) viros duos & abscondit eum. Hunc textum quoniam juxta nostrum idioma vertere nequibant interpretes, verterunt & abscondit

## Linguas Orientales. 115

*scindit eos.* Rectè quidem, quod sensum attinet, non tamen quoad literalem interpretationem. Quis ergo est sensus ejus *Affixi* singularis, cum antecedens sit plurale? Clare id explicant Doctissimus *Aben Ezra* & *R. David Kimchi*. *Viz.* כל אחד לבדו i. e. *abscondit singulum eorum seorsim*, eo consilio nimirum, ut, si prehenderetur unus, evaderet alter; quæ conjectura non est omnino improbabilis & absona. Intelligunt Hebraicè docti quid velim.

Sed & innumera alia proferri possint, quæ textum legentibus in promptu est animadvertere, quorum cogitatio eorum animum nunquam subibit qui baculo fuculneo, versioni sc. innixi, in harum rerum ignorantia consenscunt.

Pudeat itaque nos, quod dum alias literas tanto ardore prosequimur, Hebræas situ & squalore obsitas jacere patiamur; Quod dum Græcorum & Latinorum librorum editiones accuratissimas quotidie excudi curemus, vix unus aut alter Sacris Literis manum admoveat: Fragmenta profanorum auctorum summo studio colliguntur, dum Hebræica legere vel etiam non legere sufficiat.

—Pu—

—*Pudet hæc opprobria nobis,  
 Et dici potuisse, & non potuisse refelli.*  
 Quasi Hebræis literis suæ deessent  
*Xæles* & elegantix, quasi omnes  
 libri cum Bibliis collati, non infimæ es-  
 sent vetustatis! at inquiunt sufficere Cri-  
 ticornum labores ad omne in his libris  
 necessarium assequendum; Utinam Deus  
 Bone! res ita se haberet: fateor, quod  
 fidem ad salutem necessariam attinet, &  
 bonos mores, fatis esse perspicuum: num  
 eo nomine abjiciendus est Sacrarum Li-  
 terarum cultus? si istiusmodi ratiocina-  
 tio valeret, possemus ab omni veterum  
 lectione prorsus abstinere: nunquid er-  
 go non legendi sunt veteres Medici,  
 quod nostri recentiores accuratiorem cu-  
 randi methodum assecuti sint? num ita-  
 que nobilissimi Auctores, *Aristoteles*,  
*Plato*, *Xenophon*, *Thucydides*, *Polybius*,  
*Tacitus* aliique plurimi omnino abjicien-  
 di sunt, quod constat non ex eorum  
 placitis hodie administrari respublicas?  
 Num ideo quod Novæ bellandi artes  
 repertæ sunt, Antiquorum *Tactica* le-  
 gere lædebit? si ita se res haberet, pro-  
 fecto, relicto omni bonarum literarum  
 cultu, in pristinam & primævam barba-  
 riam

riem relabi in promptu esset; Quod si hæ quas attuli rationes neminem cordatum movent ad veterum lectionem rejiciendam, quanto minus sacrarum Literarum studio debet officere, quod omnia ad salutem necessaria in Novo T. contineantur, quod plurima loca à Criticis fuerint explicata? Quæ ratio suadet, nos in sacris Libris (ab omnibus piis & eruditis summo studio colendis) eam incuriam admittere debere, quam alii in profanis non sustinent? Veterum labores nihil obstant quo minus nos etiam aliquid aggrediamur, imo potius calcar addere debet industriæ nostræ, ut quod illi imperfectum reliquerunt, nos perficere tentemus, erimus alioquin indigni tantis Majoribus: easdem quas illis animi dotes, nobis quoque largitus est Deus, adsit modo industria & indefessum promovendi studium.

Neque verum est quod ajunt, superiorum ætatum Criticos omnem adnotandi & observandi ansam nobis præcidisse, prout cuivis in his literis mediocriter versato facile patebit, reliquerunt nobis, spicilegium dixerim? imo amplissimam messem. Etsi enim plura vo-

B

lumina

lumina Commentariorum in S. Paginam elucubrata sint, pauci tamen eorum Auctores accuratam satis linguarum cognitionem consecuti sunt; De *Patrum* annotationibus non opus est ut aliquid moneam, pauci enim eorum, exceptis *Origene & Hieronymo*, Linguis Orientalibus erant imbuti; unde, miræ & stupendæ extant nonnullæ ipsorum interpretationes: Quod *recentiores* attinet, Hebraice & Chaldaice satis instructi fuerunt eorum nonnulli; sed propter Linguæ Arabicæ ignorantiam, & forsan *Æthiopicæ*, multas difficultates intactas præterire coacti sunt, vel alias majores reddidere, quæ harum Linguarum ope facile potuissent expediri, quemadmodum ex scriptis *Samuelis Bocharti & D. Pocockii*, virorum in his literis κορυφαίων, cuiusvis inspicienti facile patebit.

Verum obijciunt nonnulli, *Se lubenter his literis operam fore collocaturos, nisi earum intelligentia pridem interiisset*; aiunt siquidem, Linguam Hebræam, ex quo primum abductus est *Judah* à *Nebuchadnezzare*, pridem obsolevisse; adeoque tanta temporis intercapedine esse mutatam, ut ne ipsi quidem *Judæi Sacra Biblia*

*Biblia intelligant quibus primum tradita sunt: hoc si verum esset, posset quidem viros etiam cordatos ab his studiis divertere, sed fecus est. Inter hos qui hoc asseruerunt, primas obtinet Isaacus Vossius, LXXII. Interpretum propugnator strenuus, & quasi dixerim, primipilaris, cujus ne quempiam commoveat auctoritas, ut iniquiorem, quam par est, de sacris literis opinionem concipiat; ostendam breviter, illum virum alioquin eruditum, Linguam Hebræam non satis accurate calluisse, & proinde harum rerum judicem esse inidoneum: sed quoniam nollem alienas laudes depeculari, neque mihi gratum sit aliorum lapsis nimis insistere, unicam instantiam proferam, ex qua, hujus quod dico veritas satis patebit; cæ extat p. 44. Dissertationis de LXXII. Interpretibus & eorum Translatione. Ubi ad Exodi XIII, 18. mirum in modum Rabbini insultat, quod vocem חֲמֻשִּׁים *Hbamushim* non secundum LXXII, interpretati sint; Promittit ibi quædam Rabbini in hunc locum deliria, sed quod eorum cordatiores de hac re sentiunt, tacet, quod omnino iniquum est; carpit quoque Hieronymum, virum in*

Hebræis literis versatissimum, quod *Aquila* versionem, cujus sensus & Rabinorum idem est, probaverit: contendit autem, vocem חמשים *Hhamuschim* verti debere, πέμπτῃ γενεᾷ juxta LXXII. Hic autem turpiter se dat vir Doct. prout æquum fuit, hominem ingenio suo nimis fidentem; ignoravit procul dubio, istam vocem חמשים nullibi in tota scriptura, in isto sensu, quem defendit, occurrere; nam *Jehoshua* cap. I. 14. eadem vox occurrit, ubi notat *Masorah* כליש' i. e. *Quater occurrit hæc vox in sacra Scriptura, in eadem significatione*; unde manifestum est *Masorethas* (qui, pace *D. Vossii* dixerim, vocum Hebræarum significationes, longe melius quam ipse, habuere perspectas) hanc vocem in loco *Exodi* supra citato, eodem sensu accepisse quo in *Jehoshua* accipienda est; at in hoc loco *Jehoshua* verti requirit πέμπτῃ γενεᾷ, neque in aliis, ubi occurrit, locis, viz. *Jehoshua* IV. 12. & *Jud.* VII. 11. Quæ itaque ratio suadet, cum vox quater solummodo vicibus in tota scriptura legatur, in quarum tribus nequit verti πέμπτῃ γενεᾷ, necessario, in reliquo loco ita esse vertendam?

Quod

## Linguas Orientales. 21

Quod si concederemus, Israelitas quinta à Jacobo generatione, ex terra Ægypti ascendisse, nihilominus tamen evinci nequit, eam esse vocis *Hhamushim* significationem, quin potius contrarium, ex reliquorum locorum collatione; nam ascenderunt filii Israelis חמשים *Hhamushim* ex Ægypto, & transiverunt Jordanum חמשים *Hhamushim*, ex quibus locis satis apparet, istam vocem non respicere γενεάν, generationem qua exhibant, sed ordinem potius militarem; nam si cum exiverunt *Hhamushim* ex Ægypto, verti debeat πέμπτη γενεά, quomodo verti debuerit, ubi transierunt Jordanum *Hhamushim*? non πέμπτη γενεά, ii enim qui ex Ægypto veniebant in deserto perierunt; ergo, si Quinta generatio ex Ægypto egressa est, sexta Chananæam introiit, qui tamen non minus dicuntur transiisse Jordanum *Hhamushim*, quam qui ex Ægypto venerunt. Jam vero notat *Masorah* hanc vocem quater occurrere, in eadem semper significatione, quæ nequit esse πέμπτη γενεά, quemadmodum etiam constat ex duobus aliis locis ubi eadem vox occurrat: unde patet *D. Vossii* auctoritatem



non eam esse, quæ quempiam movere debeat, in iis rebus quæ sacras Literas respiciunt, quippe qui eas non ipse fatis excoluerat; & tamen hic est, qui omnes pro asinis, ne dicam truncis & stipitibus haberi voluit, qui non secum sentiebant, Sed de his fatis.

Sed neque verum est quod asserunt, Linguæ Hebrææ intelligentiam Judæis intercidisse; nam tametsi fatendum est, ex quo in *Captivitatem Babylonicam* abductus est *Judah*, primævum illum Linguæ Hebrææ nitorem sensim defloruisse, & ad interitum vergere cœpisse, non tamen defuere qui sacram Linguam summo studio excolebant, apud eruditos enim (Sacerdotes sc. & scribas) omnibus aliis rebus semper fuit præhabita: neque hic objici possit, quod tempore *Josie* reperi- tus est liber *Legis*, II Reg. XXII. unde colligi volunt nonnulli, quanta fuerit Judæorum socordia, quod non servarint plura exemplaria; neque quod cum *Ezra* & *Nehemiah* ad restaurandas Hierosolymas redierint, populus *legis* adeo fuit *oblitus*, ut necesse fuerit Sacerdotibus & Legis peritis singula commata Chaldaice exponere. (*Nehem.* VIII, 8.) nam quod  
 poste-

posteriorem instantiam attinet, pro nostra assertione plurimum facit; hinc enim constat, utcunque vulgus Linguae Hebraeae fuisset oblitus, non tamen defuisse eruditos, qui ejus genuinum sensum explicare poterant, quemadmodum ex *Ezra* & *Nehemia* satis est manifestum; unde patet, in gente Judaea semper extitisse homines, qui licet Lingua Hebraea apud vulgus defecerat, illi operam dabant. Quod autem priorem instantiam attinet, viz. *exemplar Legis repertum fuisse diebus Josiae*; Respondeo, Primo, non exinde constare, omnia Legis exemplaria tunc temporis interiisse, sed solummodo illud exemplar, utpote in Templo repertum, caeteris fuisse habitum correctius, ad cuius normam reliqua exigi deberent; praeterea, cum dixit *Hilkias* Pontifex summus, se reperisse Legis exemplar, minime credo, illum ignorasse ubi fuit, etiam regnante *Menasseh*; sed praeter metu impii & idololatri Regis, proferre non ausum fuisse. Secundo, finge rem ita se habere, viz. quod omnia Legis exemplaria tunc fuerint abolita & perdita, illo unice excepto quod *Hilkias* in Templo reperisse perhibetur, (quod tamen nullo mo-

do concedendum est, nam tametsi in diebus Menassch grassata est Idololatria, extitisse tamen homines pios & Dei cultui deditos, cum Sacerdotes & Levitas, tum alios qui operam legi dabant, dubitari nequit) non tamen exinde deduci possit Argumentum, ad eorum Judæorum, qui post *Ezræ* tempora vixerunt, negligentiam probandam: nescio enim quo casu acciderit, ut Judæi, postquam inter eos desierant esse Prophetæ, majori zelo Dei cultum & Legis studium prosecuti sint, quam cum frequentiores nuntios a Deo accipiebant; hoc satis patet ex S. Scriptura, nam à Mosis tempore usque ad captivitatem Babylonicam, nihil apud ipsos idololatria frequentius: non obstante, quod sæpius à Prophetis de hac re fuerint moniti, nec quod Dei vindictam eo nomine frequenter fuerint experti, at post captivos reduces, cum se paulatim subduxerat Numinis afflatus; utcumque aliis urgerentur criminibus, ab idololatria prorsus abstinere, imo gravissima supplicia prius sustinere mallent, quam quibusvis Ethnicorum pollutionibus inquinari se paterentur, quod ex diris illis cruciatibus, quos regnante *Antiocho Epipha-*

*pipbane* perpeſſi ſunt abunde liquet; Legem vero tanto ſtudio proſecuti ſunt, ut ne *minimus quidem apex* mutaretur (ſi modo fieri potuit) curarent.

His addo, omnibus eſſe notum, poſt *captivitatem Babylonicam*, *Linguam Hebræam deſiſſe vernaculam eſſe*, hoc tamen non obſtabat quo minus inter Judæos conſervari poſſet ejus cognitio uſque ad *Ptolemæi Philadelphi* tempora, quibus *Biblia Græce verſa eſſe* affirmant *Eusebius & Joſephus*: Jam inter *Templi Deſtructionem & Ptolemæum Philadelphum* intercedunt Anni circiter tercenti; quod ſi tanto temporis tractu non interciderit, hinc abunde probatur Judæorum in hoc ſtudio diligentia; quam poſterioribus ſeculis minorem fuiſſe, nullo modo probari poteſt.

Quinetiam Salvator noſter *J. Chriſtus*, qui acerrime in *Phariſæos & Legiſperitos* inveſtus eſt, *Legis corruptionem* aut negligentiam illis unquam *exprobravit* (ſed contrarium potius ex ipſius verbis colligi poteſt, qui illos ſæpe reprehendit, quod *omiffis majoribus, Legis minutias ſectarentur*) quod omni procul dubio facturum fuiſſet, ſi iſtiusmodi crimen illis

ullo modo aut jure potuisset intentari; quod cum nunquam fecerit, videtur nec facere potuisse; non enim illis fuisset parsurus (utcunque in alios clemens & misericors fuerit) qui quavis oblata occasione, illorum vitia vellicare solitus est; unde, non incongrue colligi possit, summam ab istius temporis Legis peritis adhibitam fuisse diligentiam, ne quid damni pateretur Textus Hebraicus, quod nullo modo fieri potuisset, absque ejus Linguae cognitione accurata.

Quod si prout ex dictis patet, Hebraeae Linguae cognitio apud *Sacerdotes* & *Rabbinos* ad Salvatoris nostri tempus duraverit, non difficile admodum erit probare, ad hunc usque diem duravisse; statim enim post Christum crucifixum (si non à diebus Ezrae, quod volunt nonnulli) orti sunt *Masorethæ*, quorum labor revera est quod Rabbini dicunt סֵפֶר לַתּוֹרָה *sepes Legis*, hac enim, quantum fieri potuit, caverunt nequid in sacro Textu immutari possit, observarunt quoties unaquæque vox in eadem significatione occurreret, &c. quod impossibile ipsis fuisset, nisi accuratissimam sacrae Linguae cognitionem essent consecu-

## *Linguas Orientales.* 27

secuti : addo hodiernos Judæos illam probe callere, & easdem vocum significationes apud se habere, quas à patribus olim receperunt, licet non diffitear, in multis illos hallucinari, & multa facrum Textum illustrantia ex *Arabismo* esse petenda, quæ locis obscurioribus lucem affunderent, quod plerosque Rabbinos nostros latet.

Huic itaque objectioni amoliendæ, viz. *Quod Linguae Hebrææ cognitio pridem interiit*, manum pro viribus admovimus, nec immerito; quicumque enim hanc semel admiserit, sufflaminantur omnes illius in his literis conatus; restat ut *necessitatem Linguae Hebrææ* discendæ ulterius urgeamus, nimirum ex vitiis quibus scatent hodiernæ versiones.

De LXXII. non opus est ut aliquid moneam, quanta enim sit inter hos, & Hebræum Textum discrepantia, jam pridem omnibus eruditis innotuit; multi de hac re scripti sunt libri, multa orta sunt jurgia, quibus nolo me immiscere; nam cum omnia quibus utimur Biblia, juxta *Hebræum* textum, non vero Græcum sint expressa, ut elucescat Linguae Hebrææ discendæ necessitas, sufficit ut  
osten-

## 28. *Introductio ad*

ostendam, versiones ex Hebræo factas, non adeo esse accuratas, ut ulteriori cura non indigeant.

Neque quæ in *Latina vulgata* occurrunt mendæ, observare operæ pretium est; quippe, eas esse innumeras omnibus constat; mendarum solummodo, quæ in optimæ notæ versionibus apparent, gustum exhibere statui, ut videat Lector, etiam nostræ ætati, aliquid in Lingua Hebræa superesse præstandum; sunt autem optimæ versiones,

1. *Arie Montani versio interlinearis.*
2. *Sebastiani Castalionis versio.*
3. *Junii & Tremellii.* Quibus addam
4. *Anglicanam nostram,*

omnibus his æqualem saltem, si non superiorem; quæ summa cura & diligentia, non ab uno & altero, sed à pluribus eruditis elaborata est; adeo ut affirmare auserim, eam omnium, quæ extant, Bibliorum versionum optimam esse & præstantissimam: non tamen diffitendum est, tam in ea, quam in reliquis, multos errores esse admissos; quorum unum aut alterum tantum proferam, ne Lectorem diutius morer; maxime cum tot animadverterunt viri eruditi: Quin-  
etiam

## Linguas Orientales. 29

etiam nuper prodiit *Auctor*, † qui quæ ex *Criticis* corraferat, *Anglicano sermone* vulgavit; ex quibus, *Lectori* facile constabit, non solum nobis necessariam esse *Novam Bibliorum Versionem*, quod ille contendit; verum etiam *Linguae Hebraeae* accuratam cognitionem.

Gen. II, 8. ישע יהוה אלהים גן בערן מיקדם plerique interpretes exponūt *mikkedem*, per, *Orientem versus*. Quod si ita esset, necesse est, *Mosem* respectum habuisse ad locum ubi ipse fuit cum hæc scripserit, cujus loci respectu, dixerit hortum *Edenis* situm esse in *Oriente*, quod nullus credo: debet verti, *A principio*, ut sensus sit, *Plantaverat autem Deus Paradisum voluptatis à principio*: sic recte animadvertit *Meibomius*; *Quintius* etiam vidit id *Paraphrastes Chaldaeus*.

Gen. XXV, 18. על פני כל אחיו נפל interpretes Anglici sic, *He died in the presence of all his Bretheren*. Male, ni fallor. Vox enim נפל *Naphal* vix hoc significat; (non enim dicitur נפל cecidit, quando aliquis moritur, nisi in Bello occisus sit, tum enim sæpe usurpatur) nam

---

† *An Essay for a new Translation of the Bible.*



# 30      *Introductio ad*

locuta est S. Scriptura de regionibus ab *Ismaelis* filiis inhabitatis, unde subintelligendum videtur גורלו *goralo*, vel simile quid, ut sensus sit, *cecidit fors ejus, vel portio* &c. Huic succentūriantur versiones *Syriaca* & *Arabica*, quarum illa vocem נפול *naphal* reddit, } *Habitavit*,

ואقام בחضرة جميع اخوته & *stetit* (sive *habitavit*) *coram omnibus fratribus suis*: Eodem plane sensu versio *Mauritanica* ab *Erpenio* edita, quæ sic hunc locū vertit, بحضرة جميع اخوته

سكن i. e. *in conspectu omnium fratrum suorum habitavit*; Sic etiam *Targum Onkelos* & LXXII.

Jesaia VI, 12. ורבה העוובה בקרב הארץ  
Anglica versio, *And there be a great forsaking in the Land*, Et fiat magna derelictio in terra; *Verte*, & multiplicentur viduæ in Terra, *and the Widows be multiplied in the Land*; nimirum hoc minatur Deus, se longe viros remoturum, & multas fore viduas; est autem עוובה *Particip. Pabul. Fæminin.* Hanc interpretationem confirmat versus *Exod. XXIII, 29.* à *Masorethis* ad hunc locum citatus ורבה עליך חית השרה & *multipl-*  
*centur*

*centur in te Fere.* Exempla ex aliis versionibus proferre supersedeo, cum, quod brevis esse laborem, tum quod frequentiores in iis occurrant lapsus, quos lector facile animadvertet.

---

C A P. III.

*Qua methodo Linguae Hebraeae  
studium aggrediendum sit; &  
primo de Textu Biblico.*

CUM jam evicerim necessarium esse Linguae Hebraeae studium, praesertim Theologis: methodus qua harum rerum studiosus in his literis uti debeat, restat explicanda, nescio enim unde evenerit, multos ab his studiis, difficultate quae iis inesse arbitrantur deterreri; cum non sit res tam ardua quam à multis, uti nec tam facilis, quam ab aliis habeatur: nos omnia methodo facili & plana, quaecunque ad hæc studia promovenda quicquam

quam conferre visa sunt, hoc capite & sequentibus trademus.

Quicumque igitur his studiis incumbere statuit, *Schickardi* vel *Bythneri* Grammaticam sibi comparare debet; *Bythneri* eo nomine hujus Linguae studiosis commendanda est, quod ei adjuncta sit *Praxis*, in totum *Psalmorum* librum, utilissima; probe novi, quam difficile sit cujuscunque linguae studium aggredi, cum desint quae ad ejus Praxin quasi manu ducant; etsi enim aliquis, omnia Grammatices praecepta memoriter teneat; multa tamen quae *Idioma* spectant, restant investiganda, quae absque *Praxeos* ope, ægre superabuntur.

Addo, Regulas quae in *Bythneri* Grammatica continentur, admodum breves esse & ad rem appositas; fateor eum multa omisisse quae ad hanc linguam ulterius explicandam essent admodum utilia; sed hæc, postquam paululum profecit diligens lector, per se facile deprehendet.

Hanc itaque Praxin, post literarum lectionem, & distinctionem in *Gutturales*, *Labiales* &c. & *Verborum perfectorum* conjugationes perceptas, in manus  
sumas,

## *Linguas Orientales.* 33

sumas, & ubicunque ad *Regulas* in Grammatica contentas referatur, easdem consulas; hinc fiet, ut priusquam Praxin absolveris, totam fere Grammaticam memoriter tenere possis.

His adjicias velim *Buxtorfii Thesaurum*, qui totam rem Grammaticam quasi exhaustit; de *Verbis & Nominibus* quoties aliquid difficile occurrit, eum consulas, maxime in *Syntaxi*, ubi multa observatū digna occurrunt, licet nonnullis in hac re *prolixior*, quam par est, videatur.

*Absoluta Bythneri Praxi*, ejusdem lectio repetenda est, ut *Voces & Regule* altius memoriæ inhæreant; deinde tota comparanda sunt *Biblia*, quorum optimæ editiones sunt quæ sequuntur,

1. *Plantiniana*,

2. *Menasseh Ben Israel*,

3. *Janssonii*, quæ cum Novo Test.

Græc. compingitur,

4. *Arie Montani*, cum versione interlineari.

5. *Josephi Athie*.

6. *Roberti Stephani*, 3. vol. in 4<sup>o</sup>, Charactere nitidissimo; cum notis *Kimchii* in Minores Prophetas.

Harum optima est *Josephi Athie* editio

C

tio

tio posterior, ea viz. quæ rerum summas *margini* habet Latine adscriptas: *Janssonii* quoque editio satis est accurata, sed typis minutioribus est impressa: *Menasseh Ben Israel* editio nitidis typis excusa est, sed quod eam nondum legerim, ideo de ea iudicium ferre nequeo; fat scio, eandem cum *Athiana* & *Plantiniana* existimationem apud eruditos non esse consecutam. *Arie Montani* editio est satis correctæ, sed nolo eam Junioribus commendare, propter interlinearem versionem, quæ subinde fœcundæ solet ancillari. *Roberti Stephani* editio pulchris quidem characteribus est impressa, præsertim *Pentateuchus* & nonnulli *Priores Prophetæ*, sed omnium, quas adhuc recensuimus, est in accuratissima, & pluribus mendis scatet, quæ libri pulcherrimi nitorem turpiter fœdant.

*Pentateuchi* optima editio, est editio *Rozæ*, in qua (prout nuntiabat mihi quidam Rabbinus qui totam relegerat) nulla menda occurrit, neque in *Consonis*, neque in *Punctis Vocalibus*, neque in *Accentibus*.

Quod si quis in his studiis ulterius pro-

progredi velit, ei auctor sum, ut non solum Biblia Hebraica, verum etiam eorundem versiones Orientales sibi emat. Optima editio (ut taceam *Biblia Complutensis*, Regis *Hispaniae*, *Galliae*, de quibus vide Reverendiss. *Waltoni* Prolegomena) est *Polyglottorum Anglicanorum*. Quin ab initio apud se habeat *Biblia Rabbinica*, editionis sc. *Bombergianae* impressae Anno M.DLVIII. vel *Buxtorfianae Basileensis*, in quibus, praeter Biblia Hebraica & Chaldaica, habentur etiam Commentaria *Rabbinorum* maxime celebrium, quales sunt, *R. Schlomo Tarhhi*, *R. Aben Ezra*, *R. Saadiah Gaon*, *R. Levi Ben Gershom*, *R. David Kimhhi*, *Baal Hatturim*. Quae, nisi quod in his Bibliis extent, ægre comparari possunt.

*Bombergiana* horum Bibliorum editio optima est; sed raro comparet, & magno vānit: *Buxtorfiana* vili vānit & ubique fere comparet; unde hoc discriminis acciderit nescio, nisi quod *Bombergianae* cedere habita sit; sed utcumque hæc res se habeat, non tantum inest discriminis inter has editiones quantum vulgo censetur.

Post bene lectam & intellectam *Bythneri* Praxin, Bibliorum lectionem tuto aggredi possis, nec est quod felicem in his progressum tardare possit, modo adsit industria & proficiendi studium.

Incipias itaque à primo Geneseos Capite, neglectis \* *Anomaliis* specialioribus (non enim omnia simul aggredienda sunt) & pergas, donec Pentateuchi finem attigeris; his diligenter lectis, נביאים ראשונים *Prophetarum Priorum, Josue* sc. *Judicum, Samuelis, & Regum* libri nihil in se difficile continebunt, quod non facile superare possis; his adjungas *Chronicorum* libros, deinde reliqua adeas *Hagiographa*, viz. *Ruth, Nehem. Esther, Ecclesiast.* His lectis *Prophetas* ultimo loco legas; quia propter brevem & concisum stylum, & obscurum loquendi modum, multa continent, quæ lectorem paulisper exercitatum requirunt. Omnium autem ultimi legendi sunt *Proverbia & Job*, sunt enim omnium difficillimi, propter frequentes parabolas & similitudines in iis libris con-

---

\* De quibus vide *Sixtini Amama Grammaticam* Martijnio-Buxtorfianam.

tentas: *Job* autem difficultates continet non prima aut secunda lectione superandas; ideo quod plurimis sca-teat *Arabismis* & inulitatis vocibus, quorum genuinam explicationem nemo quod sciam adhuc attigit, nec forte quis-piam unquam affecuturus est.

Hac methodo caute & studiose lectis Bibliis (exceptis iis eorum partibus, quæ Dialecto *Chaldaica* scriptæ sunt) jam sine cortice natate tentes velim; aggre-diaris nimirum lectionem Hebraicam punctis vocalibus destitutam; quæ res adeo mira nonnullis esse videtur, ut vix aliquem extare censeant, qui eam præ-stare poterit.

Observandum est obiter, Judæos No-men τετραξέμματοι יהוה nunquam pro-nunciare, sed per *Elohim* vel *Adonai* semper efferre (quod omnibus notum est) quod etiam à nostris fieri melius est, non ob religionem aliquam, sed quod cum Judæorum conversioni studeamus, illos in rebus leviculis irritare & à nobis alieniores reddere, nec pii hominis est, nec prudentis: illi enim si quem au-diverint nomen יהוה efferre conantem, (veram enim ejus pronunciationem ne-



mo hodie novit) non minus indigne ferunt, quam pius aliquis Christianus, cum audiverit aliquem blasphemias & diras eructantem.

Præcipua hujus Linguæ difficultas in Punctis *vocalibus* & *accentibus* consistit; quapropter Linguæ Orientales non adeo faciles nec perfectæ sunt ac Occidentales, quæ semper appositas habent vocales; nam ubi sententia difficilior occurrit, ægre potest ejus sensus investigari; maxime vero, si forte immista sint nomina Propria vel hominum vel locorum; non enim literis majusculis ad hæc distinguenda nostro more utuntur; & præterea, ipsa nomina Propria, non minus quam Appellativa, significationes sibi habent adjunctas; sententias commatibus & colis nunquam distinguunt: nullæ his admirationis notæ, interrogationis nullæ; unde maxima oritur in legendo confusio, quæ lectori etiam in his rebus versatissimo negotium aliquando facecere possit.

Sed quod Tyronibus in hac re (lectione sc. absque punctis vocalibus) molestiam creare solet, hoc est; quod dum cum Punctis legunt, ad vocum formam  
non

non satis attendant; sufficit iis hanc vel illam vocem Latine posse reddere, licet ejus formandæ rationem prorsus ignorent; caveas itaque tibi, ut huic rei operam adhibeas; ut agnoscas ex qua Conjugatione unumquodque nomen formatum sit: sive ex *Hipbil*, vel *Piel*, vel *Hithpael* &c. regulas præterea memoriæ fideliter mandes, quæ in *Bythneri Lyra* Cap. XIII. & XV. traduntur.

His bene absolutis lectionem sine punctis tuto aggredi possis, nec est quod in ea sælicem desperes successum; exscribas itaque caput aliquod Biblicum absque punctis vocalibus; illud apud te serves hebdomadæ spatio, tantisper dum deferbuerit vocalium, quæ inter exscribendum memoriæ forsitan inhærebant, reminiscencia; deinde idem caput in manus resumas, & quid proprio Marte possis tentes; apponendo sc. Vocales non consulto ullo libro qui eas habet appositas: deinde cum correcto Bibliorum exemplari opus tuum conferas: errores corrige; & totum caput ex Bibliis cum punctis transcribe; ne forte errorum tuorum memoria menti inhæreat; nec te deterreat, si prima vel altera vice opus

tuum mendis scateat, pedentim enim ac lente in his studiis procedendum est; quod si hunc laborem sæpius repetiveris, brevi tempore, ultra quam cogitare possis, proficies.

His rite peractis, & Linguae Hebraeæ genio probe perspecto; Bibliorum reliquam partem, eam viz. quæ in *Chaldaica Dialecto* scripta est, legere possis: *Chaldaico* autem idiomate scripta sunt hæc, Jer. X. 11.

Dan. II. à v. 4. ad finem

III, IV, V, VI, VII. integra.

Ezr. IV. à v. 8. ad finem.

V. integrum.

VI. ad v. 19.

VII. à v. 12. ad 27.

*Bythneri Chaldaica Institutio* nimis brevis est, adhibenda est *J. Buxtorfi Grammatica Syriaca & Chaldaica*, qui non solum quæ ad locorum S. S. Chaldaicorum intelligentiam sufficiunt, complexus est; verum etiam quæ ad legendas *Paraphrases & Talmudem*. Utilis quoque est *Crinesii Grammatica Chaldaica*; omnibus vero in hac re palmā præripuit *Lud. de Dieu*, qui *discrimen* illud, quod inter *Dialectos Syriacam & Chaldaicam* intercedit, accuratissime

tissime complexus est. Legas itaque hanc Bibliorum partem (*Chaldaicam* sc.) quam diligentissime poteris, eandem methodum observando quam in *Hebraicis* supra monui; exscribendo sc. caput aliquod & puncta vocalia adponendo; singularum vocum formas accurate distinguere discas, quo melius, ubi ad *Paraphrastas Chaldaicos* legendos perveneris, styli discrepantiam animadvertere possis: multum enim interest: nam quæ in Bibliis Chaldaice occurrunt, scripta sunt florente adhuc *Babyloniorum* imperio, cum ista lingua summam elegantiam & nitorem esset consecuta; *Chaldææ* autem *Paraphrases* scriptæ sunt à *Judæis* jam è captivitate reducibus, qui Linguam paulatim corruperant; unde omnino necessarium est, ut hoc probe attendat Lector, quo melius de utriusque stylo judicium ferre possit.

Abolutum jam fuisset hoc caput, in quo de iis quæ Textus Biblici studium attinent, tractare decreveram, nisi restaret aliquid de *Accentibus* dicendum, quorum rationem multi ignorant. Probe novi, tam puncta vocalia quam *Accents*, à plerisque tanquam posteriorum

rum Rabbiorum commentum rejici; sed æquum est, ut id nobis probent.

Integrum sit ipsis sua sententia gaudere; eandem quoque nobis largiantur veniam; Interim quoniam Hebræi codicis *Accentibus* ornati & instructi nobis traditi sunt, æquum est, ut de iis pauca dicamus.

A nonnullis habentur *Musices antiquæ* notæ, quibus elevatio vel depressio vocis indicatur; ego potius sentio ad distinguendum sensum fuisse adscriptos, & vicem *Commatis, Coli, Periodi* &c. supplere; quod aperte indicat eorum *consecutio*, quemadmodum cuilibet legenti apparebit.

Ut itaque horum rationem assequaris; legas *Casparis Ledeburii* שרשרה המקרא *Catenam Scripturæ*, in qua traditur varia accentuationis *consecutio*, adductis plurimis exemplis, quibus regularum, quas proponit, veritatem confirmare nititur. Quod si istum librum comparare nequeas, utaris *Robertsoni Manipulo*, in quo inter alia habes succinctam Accentuationis doctrinam quam ille ex *Ledeburio* & *D. Wasmuth* transcripsit. Huic, postquam in Rabbinis satis profece-

## Linguas Orientales. 43

feceris, adjicias tractatum שער הגנינות i. e. *Portam Accentuum*, quæ claudit Masoram magnam finalem in Bibliis *Venetis & Buxtorfianis*: *R. David Calonymum*, qui *R. Abrahamæ de Balnes Grammaticæ* tractatum de Accentibus addidit; *Eliam Levitam* aliosque Grammaticos Rabbinicos.

Quod Lexicon attinet, scripsit *Pagninus Thesaurum Linguae Hebrææ*, *Mercerus* quoque aliique huic rei operam navarunt, sed juniorum usui accommodatissimum est *Johannis Buxtorfi Lexicon*, qui in eo scribendo, *Kimchii* librum שרשים *Schoraschim* compilavit, quemadmodum etiam ejusdem מכלול *Michlol* opus Grammaticum cum *Thesaurum* suum Grammaticum scripsit. Hujus Lexici optima editio est quæ impressa est *Londini* Anno MDCXLVI, cum quod nitidius & correctius cæteris sit excusa, tum etiam quod ei annexa sint ראשי תיבות *Capitula Dictionum, Abbreviaturæ* sc. *Rabbinicæ*, quæ in ipsorum scriptis adeo frequenter occurrunt, ut absque hujusmodi subsidio, parum in lectione Rabbinica quispiam profecerit.

CAP.

## CAP. IV.

*De Antiquitate Punctorum vocalium & Accentuum Hebraeorum.*

QUONIAM inter eruditos magna de Antiquitate *Punctorum & Accentuum* orta est controversia; ne quid prætermisisse videamur, quod jure à nobis expectari poterat; nonnulla etiam de hac re prælibare visum est.

Eruditi hic in duo dispescuntur agmina; quorum prius *Puncta Vocalia & Accentus* ipsi Textui esse coævus, imo ab ipso *Mose* fuisse traditos acriter contendit: alterum, Rabbinorum posteriorum esse commentum; à *Masorethis* vero *Tiberiensibus*, annis post Natum Christum circiter sexcentis excogitatum fuisse constanter affirmat. De utraque opinione pauca dicemus.

Prior opinio, viz. *Puncta vocalia & Ac-*

## *Linguas Orientales.* 45

*Accentus ipsi Textui esse coævos*, apud Judæos semper obtinuit. At cum *Judæos* dico, non omnes intelligo, sed *Rabbanitas* solummodo; quid enim de hac re sentiant *Karraitæ* prorsus ignoro: Quod ut melius capias, scias velim † duo extare Judæorum genera; *Rabbanitas* sc. & *Karraitas*; Priores non solum *Legem*, *Prophetas* & *Hagiographa*; verum etiam omnes *Seniorum traditiones*, *Talmud*, *Puncta vocalia* & *Accentus*, *Cabbalam* &c. tanquam ab ipso Deo Mosi è monte Sinai tradita, ambabus ulnis amplectuntur: *Karraitæ* vero, traditiones Judaicas, quæ in *Talmude* continentur, adeoque omnes illorum *Glossas* & interpretationes rejiciunt. Scripturas solas recipiunt, quas etiam prout ipsis visum fuerit, interpretantur. Hi, quod in nostris plagis raro appareant, (sunt autem in *Russia* & *Tartaria*, circa montem etiam *Atlantem*, referente *Leone Africano*) nec multa penes nos extent ipforum scripta, ideo quid de hac re sentiant, nobis minus est compertum. Quod si constaret *Karrai-*

---

† Buxtorf. *Synagog. Judaicæ*. Morini Exercitat. criticæ.



*tas* quoque *Punctis Vocalibus & Accentibus* usos esse, hinc abunde constaret illorum Antiquitas; eo nomine quod hoc hominum genus se Rabbiorum commentis illusos iri minime patiantur.

Reliqui Judæi puncta Vocalia & Accentus non minusquam ipsum *Legis Textum à Mose* traditos fuisse contendunt, quæ opinio in illorum Scholis & Synagogis diu invaluit, donec primum *R. Aben Ezra*, postea vero *Elias Levita* Germanus litem movere cæperunt. Quorum ille annis abhinc circiter DL. hic vero CC. floruit. Utrique in istiusmodi rebus fatis eruditi, utrique in hac re hæresiarchæ.

Hi contendebant, Accentus & Puncta, Judæis, dum adhuc florerent Hierosolymæ, omnino esse ignota; eo nimirum nomine, quod Judæi in legendo Hebræo Textu adeo essent versati, ut istiusmodi subsidiis minime indigerent, postea vero cum deletæ essent Hierosolymæ, ac Lingua Hebræa indies interire cæperat, hæc Puncta & *Accentus* à recentioribus Rabbinis demum fuisse excogitados, ne Sacra Lingua funditus & radicitus intercideret.

Hæc

## *Linguas Orientales.* 47

Hæc est sententia *R. Aben Ezra* & *R. Elie* quibus licet ob hanc occasionem litem æternam intenterint Judæi; non tamen defuere inter Christianos, qui hanc duorum Rabbīnorum amplexi sunt sententiam; inter quos primas obtinent *Ludovicus Capellus*, & *Johannes Marinus*, quorum hic in Grammatica Samaritana aliisque scriptis contra punctorum vocalium & Accentuum antiquitatem non minus ingeniose quam doctè disse-rit; illius vero *Arcanum Punctationis Revelatum* plerosque adeo cepit, ut pauci restent qui in ejus sententiam pedibus non eant.

Sed utcunque plerosque fautores sibi comparaverit nova hæc opinio, non defunt tamen viri eruditi, qui ejus contrarium affirmare audeant: quorum primus qui huic rei manum admovit, est eruditissimus *Buxtorfius P.* qui in sua *Tiberiade* sive *Commentario Masorethico*, omnibus vel saltem præcipuis Argumentis solide respondit, quibus sententiam suam adstruere conati sunt *R. Aben Ezra* & *Elias Levita*.

Hunc subsequutus est *Johannes Buxtorfius F.* qui *Capellum* acerrime excepit propter

propter *Arcanum Punctuationis Revelatum*. Inter hos tota lis pendet, horum itaque libros compares, quibus lectis ipse pro te judicare possis.

Argumenta quæ utrinque proferuntur, discutere, non est instituti nostri; non enim hujusmodi res accurate ventilare nobis proposuimus, sed tantum lectori in his studiis hospiti facem quodammodo præferre & quasi manu ducere: unum itaque vel alterum Argumentum breviter proponemus, deinde ulterius pergemus.

I. Qui puncta Vocalia & accentus Textui esse cœvos negant, hinc opinionem suam adstruere conantur, viz. *quod Codex Samaritanus iis destitutus sit*. Cui responderi possit, in antiquis Hebraicis codicibus non reperiri puncta, imo in nullis eorum, qui à Judæis in Synagoga leguntur, hinc tamen non colligi possit, nulla apud Judæos extare puncta. Quod si non valeat posterius, ergo nec prius.

II. In Hebræo Textu frequenter occurrere *Matres* quas vocant *Lectionis*, sc. ׁ ׂ (quibus addunt \* nonnulli ׃ & ׄ) quæ quoniam non sunt de *Radice Verbi*,

---

\* Vide *Johan. Morin. Grammat. Samarit. cap. xiv.*

nec voci formandæ ullo modo inserviunt, ideo apponuntur ut lectorem punctis omnino infuetum ad veram pronuntiationem dirigant. Sic<sup>N</sup> inservit exprimendo *Kametz*, ' *Schurek* & *Cholem*, ' *Chirek* &c. cui Argumento sic respondeo. 1. Licet hæ literæ ' ' <sup>N</sup> nonnunquam redundare videantur, vel saltem ad lectionem veram in libris punctis destitutis indicandam esse appositæ; non tamen inde sequi, has vocalium vicem subire ac proinde Hebræum Textum punctis Vocalibus antiquitus fuisse destitutum: neque enim huic usui sufficere possunt, mira enim orietur in legendo difficultas: Quod si <sup>N</sup> valorem *A* vel *E* semper obtineret; si ' *I* semper exprimeret, si ' *O* & *U*, multo probabilior foret hæc argumentatio, sed cum longe aliter se res habeat, quemadmodum omnes norunt qui has literas salutarunt, nihil ex hoc argumento tuto concludi posse manifestum est. <sup>N</sup> Sed ut ' *Yod* enim nonnunquam cum *Schva* vel *Pathach* scribitur, vel etiam alio quopiam vocali, eodem modo se habent reliquæ literæ *Quiescentes* unde minime illis solis inniti debeat aut possit aliquis, ut veram lectionem assequatur, maxime

D

vero

véro cum nonnunquam *quiescant*, alias *moveantur*, nunc *Vocalium* vicem sustineant; nunc *Consonantium*.

II. Si vocalium vice fungerentur quas vocant *Matres Lectionis*, Cur non omnibus vocibus adscriptae sunt, cum constet nullam vocem absque vocalibus pronuntiari posse? At innumera in Bibliis occurrunt quæ illis prorsus destituuntur, non sola *Nomina* intelligo, (illorum enim multa esse quæ *Matres lectionis* non recipiunt, omnes norunt) verum etiam alias voces quæ cum *Matribus lectionis* nonnunquam scribi solent, prout constat ex *Masoretharum* adnotationibus, qui voces *Defective* (i. e. absque *Matribus lectionis*) scriptas diligenter observarunt. Omnino impossibile est, ut veram harum vocum lectionem aliquis unquam adsequatur, nisi prius cum punctis legere assuetus sit: postquam vero in hac Palæstra bene se exercuerit, non diffiteor illi non minus in promptu fore libros iis destitutos legere, quam illos qui ea habent adposita.

Hoc solummodo assero, impossibile esse illi qui primum legere didicerit, punctis carere: Quomodo enim absque

voca-

vocalibus legere possit? Hæc res humanarum virium limites longe excedit; quis enim adeo felicem consecutus est memoriam, ut ejusdem vocis, diversas significationes & pronuntiationes (quarum nullum extat vestigium, ideo quod ista vox eodem modo semper scribatur) simul capere possit? res exemplo fiet manifestior. Hæ tres literæ אִמֶר absque punctis scriptæ varie pronuntiari possunt, adeo ut varia significant: vel enim legere possis אִמֶר *Dixit*, vel אִמֶר *Dic*, vel אִמֶר *Dicens*, vel אִמֶר *Dicam*. Eodem modo רִבֵר quæ diversas obtinet significationes pro varia Punctationis ratione.

Ex. gr. רִבֵר *locutus est* רִבֵר  
 רִבֵר *loquens* רִבֵר  
 רִבֵר *verbum* רִבֵר  
 רִבֵר *pestis* רִבֵר  
 רִבֵר *loquere* רִבֵר  
 רִבֵר *dictum* רִבֵר  
 pih. רִבֵר *locutus est* רִבֵר  
 רִבֵר *perdidit* רִבֵר

Si cui hæc vox occurrat sine punctis, quid sit obsecro de *Matribus lectionis*, aut quale lectori subsidium ferent de hujus vocis pronuntiatione anxio & anticipiti? respondebit fortasse nonnullus,

id ex sensu & Orationis contextu clarum fore. Possit quidem ita fieri, modo claro & distincto stylo utatur Auctor, quod si concise & obscure scribat adeo ut ejus sensus investigari nequeat, de vocum singularum pronuntiatione & significatione misere se torquebit Lector.

Hæc ut melius capiat adhuc inexercitatus lector, unicum exemplum in Lingua vernacula subjiciam. Finge itaque libros nostros absque vocalibus scribi. Qua ratione ac methodo Præceptor uti debet, qui discipulum suum, horum librorum lectionem docere aggreditur? Verbi causa, si occurrant hæc litteræ *Bll*, quid hinc exsculpet Tyro? cum certum sit eam vocem ita scriptam diversas vocales posse accipere, quæ omnes in nostra Lingua significationem obtinent: monendus est istam vocem cum *Pilam* designet, scribi debere per vocalem *a* & pronuntiari *Ball*: cum *Campanam*, per *e*, & pronuntiari debere *Bell*; cum *Avis rostrum*, per *i*, & pronuntiari *Bill*. Cum *Taurum*, per *u* scribi debere, & pronuntiari *Bull*.

*Sine*

<i>Sine punctis</i>	<i>Cum punctis</i>
<i>vocalibus.</i>	<i>vocalibus.</i>

<i>Bll</i>	<i>Pila</i>	<i>Ball</i>
<i>Bll</i>	<i>Campana</i>	<i>Bell</i>
<i>Bll</i>	<i>Avis rostrum</i>	<i>Bill</i>
<i>Bll</i>	<i>Taurus</i>	<i>Bull</i>

Annon hujusmodi difficultates Tyronis cujuspiam menti tenebras offusuræ sunt, maxime vero cum non in una aut altera voce sed in singulis fere similes, & sæpe majores experturus sit? Idem finge de Lingua Hebraica, (eadem enim est ratio) cujus lectionem si quis absque punctis unquam doceri posse contenderit, me quidem habet adhuc contrasentientem.

III. Aiunt, *In MSS. Hebraeis vetustioribus non extare puncta, ideo recentiorum Rabbiorum esse commentum.* Vtrum quis hujusmodi argumentationem ferre potest, *Desunt in libris antiquis, Ergo, cum hi libri scriberentur, non extabant.* Horum MSS. auctoritas nihil contra antiquitatem punctorum probat, cum vix ullum supersit Bibliorum Hebræorum exemplar quod ante annos abhinc octingentos scriptum sit; at pun-



Etā longe ante hoc tempus apud Judæos  
 extitisse omnibus in confessio est, un-  
 de miror *Isaacum Vossium* inter ea quæ  
 ad punctorum antiquitatem convellen-  
 dam attulit, hæc scripsisse; *Hoc tantum*  
*addam, vidisse me plures quam bis mille*  
*codices Hebraicos manu exaratos, nullum*  
*tamen unquam vidisse exemplar apicibus*  
*istis notatum quod non sex seculis esset*  
*recentius.* Quid hinc colligi possit à vi-  
 ro Doctiss. ad sententiam suam adstruen-  
 dam non satis video; nihil enim probat  
 hoc Argumentum, quod nimis probet.  
 Non enim possumus hoc modo argu-  
 mentari, *Nullus liber qui sexcentorum*  
*annorum ætatem superat, punctis est in-*  
*signitus, Ergo, Puncta à Masorethis Ti-*  
*beriensibus qui tredecim abhinc seculis*  
*floruerunt, inventa sunt:* sic enim nulla  
 erit inter Antecedentem & Consequen-  
 tem connexio. Sic itaque debet insti-  
 tuti argumentatio, *Nullus liber qui sex-*  
*centorum annorum ætatem superat, pun-*  
*ctis est insignitus, Ergo puncta non an-*  
*te sexcentos abhinc annos inventa sunt.*  
 Quod plane falsum est, & quod nemo  
 unquam adfirmavit. Qui enim antiqui-  
 tatem punctis maxime omnium dero-  
 gant,

gant, agnoscunt, ea † decem abhinc seculis à *Masorethis* textui fuisse appositā.

Sed me reprimo, non enim hanc rem tractare statui. Hoc itaque caput claudet sententia *Casparis Ledebubrii* & *Johannis Gravii*, quorum ille in præfatione שלטון המקרא *Catena scripturæ* hæc habet. “ *Controversiam de antiquitate*  
 “ *Punctorum non evolvi, quia excedit in-*  
 “ *stituti mei limites, nec paucarum pagi-*  
 “ *narum est, confirmor autem indies in ea*  
 “ *sententia, qua Origo eorum ad ipsos sa-*  
 “ *crorum voluminum scriptores refertur;*  
 “ *illique nova plura atque valida fulcra*  
 “ *subministrare queo. Argumenta con-*  
 “ *traria* CL. LUDOVICI CAPELLI  
 “ *Antagonistarum facile principis, non*  
 “ *tanti sunt roboris quanto pinguntur.*  
 Gravius vero, in Præfatione *Binis A-*  
*bulfedæ* Tabulis Geographicis à se edi-  
 tis præmissa sic scribit. “ *At quod no-*  
 “ *stris ridiculum videtur, Arabibus, Per-*  
 “ *sis, Turcis, quin & Hebræis & Syris*  
 “ *plane necessarium est, qui non sicuti*  
 “ *Græci & Latini vocales eadem linea*

† Vide *Morin. Exercitat. Bibl.* is enim statuit *Masorethas* *Talmudistis* esse recentiores.

“cum consonis connectunt, sed extra li-  
“neam vel supra vel infra locant, aut  
“omnino festinandi studio abjiciunt; in-  
“de maxima in legendis eorum libris dif-  
“ficultas, major in intelligendis labor,  
“& insuperabilis præcipue in hominum  
“locorumque nominibus errandi necessi-  
“tas, quod quam absonum sit primi &  
“prudentissimi legislatoris sapientiæ, vi-  
“derint illi qui Mosem legem scripsisse si-  
“ne vocalibus enixe contendunt. Hæc il-  
le vir Doctissimus, quibus in præsentia  
assentior; nolo tamen aliquid temere af-  
firmare, quod si posthac sententiam  
meam mutare mihi visum fuerit, nollem  
ut quispiam ea quæ hic scripsi mihi ex-  
probret.

---

C A P. V.

*De Lingua Chaldaica & Versionibus in ea scriptis: De Versionibus Vet. & Novi Testamenti Syriacis.*

**E**O unde digressus sum revertor, ut Tyronem meum erudiam, qua ratione ea horum studiorum pars, quæ restat exantlanda, feliciter possit absolvi, Non enim pro *Rabbino* aliquis habendus est qui *Biblica Hebraica* legit: restant multa alia legenda, antequam aliquem in his studiis gradum consequi possis.

Quæ ut facilius attingas, lectis iis quæ supra monuimus, tempus monet ut ad legendas *Paraphrases Chaldaicas* sive *Targumim* te accingas; quæ parum difficultatis in se continebunt, cum istius Dialecti gustum ex *Daniele* & *Ezra* semel perceperis,

D 5

Tres

Tres autem extant in Legem Paraphrases; *Onkeli*, *Jonathanis*, & ea quæ specialiter vocatur *ירושלמי* *Terushalmi* si-  
ve *Hierosolymitana*, utpote à Judæis Hie-  
rosolymitanis vel saltem in Palæstina de-  
gentibus scripta. De singulis pauca di-  
cemus.

Inter has Paraphrases optima & ma-  
ximo judicio elaborata est quæ nomen  
*Onkeli* præ se fert; ejus enim stylus ter-  
fior est & elegantior, & qui ad *Danie-  
lem* & *Ezram* propius accedit: nec tot  
Judaicis referta est fabulis, quot in *Jo-  
nathanis* in legem atque etiam in Pro-  
phetarum & Hagiographorum Para-  
phrastibus reperiuntur: Hebræo Textui  
pressius insistit, & magis ad verbum red-  
dit, refectis longis istis & ridendis ex-  
positionum ambagibus, quibus scatent  
reliquæ Paraphrases (licet ipse quoque  
*Onkelos* nonnunquam nugetur) hanc  
itaque primum legas, deinde ad reliquas  
pergas.

Quod ætatem hujus paraphraseos at-  
tinet; non facile est eam definire; hæc  
enim omnia à Judæorum fide pendent,  
quos nemo ignorat, pessimos esse om-  
nium quotquot unquam scripserunt  
Chro-

Chronologos. Quidam asserunt, *Onkelon*, tempore *Hillelis* senioris, annis ante Christum circiter XL. floruisse; verum nonnulla sunt quæ assensum meum cohibent; ex quibus est, quod *Hieronymus* harum rerum investigator indefessus, (qui etiam *Rabbinorum* opera in Linguis Hebræa & Chaldæa discendis usus est,) minime ignoraturus fuisset, si talis suo tempore extitisset Paraphrasis; at ejus nunquam in suis scriptis meminit, quod procul dubio toties oblata occasione facturum fuisset (quemadmodum etiam *Epiphanius* & *Origenes*) si modo istiusmodi Paraphrasin extare comperisset. Hunc scrupulum eximere conatur *D. Waltonus* in *Prolegomen.* XII. quæ tamen ibi adduxit mihi minus satisfaciunt; ipsum adi.

*Jonathan*, is nempe qui vertit *Piores Prophetas* (nam iste *Jonathan* qui legem vertit recentissimus est nugator) *Onkelo* censetur coævus, at videtur ejus stylus esse corruptior.

*Targum Hierosolymitanum* peculiarem sibi habet Dialectum, quæ multum à *Babylonica* differt. Cujus hæc res in causa est, quod cum Judæis concedere-  
tur

tur ex captivitate Babylonica in patriam redeundi copia, multi eorum reverti re-  
 nuebant; facultates enim quas in Ba-  
 bylonia acquisiverant, gratiores habe-  
 bant, quam iis relictis in Judæam rever-  
 ti; nihilominus Scholas erigebant & A-  
 cademias, in quibus *Legis & Traditio-*  
*num* studio operam navabant: hi inter-  
 rim qui Hierosolymas reversi sunt, licet  
 Linguam Chaldaicam domum secum ab-  
 duxerint, paulatim tamen non nihil va-  
 riationis irrepsit, & deflectere cæpit il-  
 lorum sermo ab illo nitore & elegantia  
 qua locuti sunt Judæi apud Chaldæos  
 adhuc degentes: hinc orta est duplex  
 Dialectus, prima *Babylonica*, ea nimirum  
 qua usi sunt Chaldæi, & Judæi apud illos  
 habitantes, in qua *Daniel & Ezra*,  
 postea vero *Onkelos & Jonathan* (licet  
 non pari elegantia) scripserunt; altera  
*Hierosolymitana* viz. ea qua usi sunt Ju-  
 dæi in patriam reduces: hac scriptum  
 est *Talmud Hierosolymitanum*, de quo suo  
 loco infra agemus. Legas itaque *Targum*  
*Hierosolymitanum* quam cautissime, ut  
 percipias & mente capias differentiam  
 quæ inter has duas Dialectos intercedit,  
 sic facilius posthac evadet Talmudis  
 Hiero-

Hierosolymitani lectio, qui liber est admodum intellectu difficilis.

*Hagiographorum* Præphrases attribuantur cuidam *Josepho*, quem *Cæcum* appellant, sunt autem incerti Auctoris, vel forsan plurium, quicunque eas scripsit, *Onkelo* antiquitate & iudicio cedit.

Ante omnia compares *Buxtorfii Lexicon Chaldaicum Talmudicum & Rabbinicum*, Opus XXX. annorum, quod ad hæc studia abunde sufficiet.

Harum Paraphrasium optima editio est, quæ extat in Bibliis nostris Polyglottis; plurimi sunt hæ paraphrases sive *Targumini* apud Judæos, ita tamen ut cum antiquas de *Messia* Prophetias eodem modo quo Christiani, interpretentur (quod earum antiquitatem asserere nonnullis videtur) earum auctoritatem rejicere audeant. Hoc ego expertus sum, nam cum in Epistola ad eruditum Judæum, objicerem, hæc verba Gen. XLIX, 10. עַד כִּי יָבֹא שִׁילֹה *Donec venerit Schilo*, ab *Onkelo* versa esse עַד דְּנִתִּי בְּשִׁיחָא דְרִינָה הִיא מַלְכָּתָא וְלֹהִי יִשְׁחַמְעוּן עִמָּמִיא. i.e. *Donec venerit Messias, cujus est regnum, & illi auscultabunt gentes.* Respondit יֵשׁ לָנוּ בִּירוּשָׁיִם יְשׁוּנִים גַּם הָרָשִׁים



הרשים המספיקים לנו נגר פירושים וקנים  
 i. e. ממנו אף שלא יספיקו לאחרים וולחנו  
*Habemus interpretationes antiquas, tum  
 etiam novas, quæ nobis citra antiquiores  
 satisfaciunt, licet aliis præterquam no-  
 bis minus satisfaciant.*

Lectis Paraphrasibus, adeas *Novi Te-  
 stamenti Versionem Syram*, hæc enim Lin-  
 gua eadem fere est cum Chaldaica; dif-  
 fert autem in literarum figura & non-  
 nullis vocum & particularum affectioni-  
 bus, quas in *Ludovici de Dieu Gram-  
 matica* supra memorata habes traditas:  
 habent etiam Syri multas voces sibi pe-  
 culiaries, quæ in Scriptoribus Chaldaicis  
 nunquam reperiuntur; has docebunt  
 Lexica & frequens lectio.

Grammaticam Syriacam primus scrip-  
 sit *Georgius Amira* Maronita è monte Li-  
 bano, sed eam nunquam adhuc mihi vi-  
 dere contigit. Scripsit etiam Gramma-  
 ticam luculentissimam in eorum gratiam  
 qui V. T. versioni Syriacæ incumbunt, vix  
 longe Doctissimus D. *Beveregius*, nunc  
 Reverendus admodum Episcopus Afa-  
 phensis. His adjecere possis *Erpenii  
 Grammaticam Syriacam*, item *Myricæi,  
 Dilheri Rudimenta Linguae Syriacæ*;  
 qui-

## Linguas Orientales. 63

quibus subjunxit *Eclogas sacras, Cellarii excerpta Vet. & Novi Testamenti Syriaci cum Latina interpretatione nova & annotatt.* Ejusdem *Glossarium Syro-Latin.* *Portam Syriæ &c.*

Ediderunt etiam Linguae Syriacæ Rudimenta *Abrahamus Echellensis & Isaacus Sciadrensis* Maronitæ è monte Libano, verum omnia in Lingua Syriacâ, hi enim in suorum gratiam scripserunt, quibus ista lingua est vernacula, ideo à nostris non adeundi sunt hi libri, nisi eum in legendis Syriacis bene profecerint.

Lexicon Syriacum extat *Crinesii*, item *Trostii & Buxtorfii F.* sed nullum horum V. T. Versioni Syræ legendæ sufficit. Multo locupletius est *Ferrarii* Jesuitæ *Lexicon Romæ* impressum quod ille Maronitarum quorundam Romæ degentium ope absolvit. Huic adjicias *Castelli Lexicon Heptaglotton*, qui multa in Lexico Ferrariano desiderata supplevit.

Primus qui Novum Testamentum Syrum curavit imprimendum, is fuit *Cl. Widmanstadius* post quem multa alia exemplaria juxta ejus editionem excusantur, Unum prodiit ex officina *Christophori*

*phori Plantini* at Typis Hebraicis, alium edidit *Trostius*, alii quoque editiones ornare, quibus tamen omnibus defuit *Apocalypsis* & Epistolæ quatuor, viz. *Petri* secunda, *Johannis* secunda & tertia, & epistola *Judæ*. *Apocalypsin* è tenebris eruit *L. de Dieu*. Epistolas vero Clariss. *Pocockius*, adeo ut in Regis Galliarum Bibliis prodierit tota Versio Syriaca Novi Testamenti, quæ postea in nostris Polyglottis recusa est. Ex quibus minutiori forma editionem imprimi curavit *Guthbierus* duobus voluminibus in octavo, cui subjunxit Lexicon breve in Novum Testamentum Syriacum.

V. T. versionem Syriacam in Europa primus vulgavit *Gabriel Sionita* Doctissimus Maronita, qui etiam illi vocales & puncta Diacritica primus adscripsit, libri enim MSS. iis erant prorsus destituti. Hæc versio primum in Bibliis Regis Galliarum exhibita est, postea in nostris Polyglottis. Nulla extant certa vestigia quibus harum versionum antiquitas possit investigari. Ideo unusquisque prout sibi visum fuerit libere pronuntiat: quidam *N. T. Versionem Syriacam* si non ipsis Apostolis saltem illorum coævis ad-

judi-

judicant, quod evinci credunt ex styli puritate. Aliter sensit *Isaacus Vossius*, atque, manifestum hoc esse novitatis indicium, quod in ea reperiantur, infimæ Latinitatis vocabula, qualiter *Matth.*

XXVII, 65.) — *Κεστυνορε*, quaestuarii, nec putat *hodiernum* quod vulgo legitur *exemplar* quinque aut sex seculis esse antiquius. Eodem modo Veterum quoque Testamenti versionem tractat, quam recentem esse probare nititur (dissertationis suae p. 89.) ex Graecis quae in ea reperiuntur vocibus, quales sunt *γένος*, *δείζωμα* &c. quod nihil omnino probat, nam post victas ab Alexandro Orientales plagas, Graecam linguam late disseminatam fuisse & cum victarum gentium linguis (quod semper accidit) permixtam, omnes norunt: quinimo eo processit, ut non solis rebus exprimendis Graeca vocabula apposita fuerint, verum etiam sub *Antiocho Epiphane*, viri etiam Graecis nominibus appellari affectarint. *Ioseph. Antiquitat.* lib. 12. Ὁ μὲν ἐν Ἰησοῦς Ἰάσωνα ἑαυτὸν μετωνόμασε, ὁ δὲ Ονίας ἐκλήθη Μενέλαος. *Iesus itaque (vel Joshua) cognominavit seipsum Jasonem, Onias vero vocabatur Menelaus.*

E

## Quis

## 66     *Introductio ad*

Quis dubitare possit ex tanta cum Græcis victoribus consuetudine, Græcas voces Linguae Syrae sicut etiam aliarum gentium linguis fuisse immixtas? Sed non opus est ut his diutius immorer, cum etiam in libris Hebraicis Vet. Testamenti extent nonnulla Græcæ Linguae vestigia, quæ tamen contra illorum γρηγορίαν & antiquitatem minime probant. 2. Chron. II. 16. occurrit vox רפסודות *Rapsodoth*, quæ procul dubio Græca est. Audi Grotium in hunc locum, ubi ait רפסודות *Rapsodoth*. “*Ex Græco* “*ῥαψῳδία, quod contexturam carminum* “*significat, translatum ad ratium contex-* “*turam. Non Esdræ tantum sed & Da-* “*nielis temporibus Græca quaedam voca-* “*bula in Hebræum Chaldæumque sermo-* “*nem commercio penetraverant. Unde* patet ex hoc argumento nihil contra versionum antiquitatem concludi posse. *Kestunore* autem est ipsa vox, per quam Syrus interpres vertit Κεστῳδῶν; tamen si videatur aliquo modo referre *Questionarius*, oportebat tamen Virum Doct. probasse vocem *Questionarius* eandem significationem unquam obtinuisse cum voce Κεστῳδῶν; quod cum non fecerit, ni-

hil

hil sequitur unde *Novi Test. Vers. Syriacæ* antiquitas labefactari possit.

Mirum est, quod jactitarunt *Syri* de Vet. Testamenti Versionis Syriac. antiquitate, aiunt siquidem Salomonis tempore factam fuisse in usum *Hirami Tyri* Regis, quæ puræ putæ sunt ineptiæ, nec refutatione indigent, sed hæc ab ipsis dicuntur, ut auctoritatem versioni quibus ipsi utuntur conciliare possint. Sed æquum est ut nobis probent, *Hiramm* Phœnicum regem eadem lingua usum fuisse, qua scripti sunt libri quos Syriacos vocamus; ego quidem nullus credo talem unquam extitisse versionem, nulla enim suadent, dissuadent multa, neque enim ulla versione opus fuit *Hiramo*, si Divina oracula legere studuisset, erat enim Lingua Phœnicum, si non eadem cum Chananæa sive Hebræa, saltem proxima. Credenda est illa versio, quæ in nostris Bibliis extat à Christianis Orientalibus fuisse scripta, at à quibus, vel quo tempore, non est facile judicatu.

## CAP. VI.

*De Textu & Versionibus  
Samaritanis.*

**S**AMARITANI sunt illarum gentium colluvies, quas abductis in Captivitatem decem tribubus, ex *Hamath, Avah, Sepharvaim & Cutha*, in terram Israelis transtulit *Salmanasser*, II Reg. 17. Legem solam recipiunt, (neglectis Prophetis & Hagiographis) quam, non iisdem Characteribus quibus utuntur Judæi, scriptam habent, sed antiquis illis, quibus ante captivitatem usos fuisse Judæos volunt eruditi. Characteres enim quibus hodie imprimuntur libri Hebraici, Assyrii sunt, quos in captivitate didicere Judæi, & semper utuntur, Antiquiores illos Samaritanis relinquentes.

Hos inter & Judæos est internecinum odium, adeo ut dicant Judæi, *Cuthæo bene precanti noli respondere, Amen.* Proscelytos

felytos illorum non recipiunt Judæi, uti nec *Karraitarum* vel *Sadduceorum*.

Vocantur *Cuthæi*, ex regione *Cutha*, unde primum venerunt. *Cutha* autem idem est cum *Cush*, quæ vox in plurimis versionibus vertitur, *Æthiopia*, sed perperam, *Cush* enim nunquam denotat *Æthiopiam* in tota Scriptura, quod inter errores Versionum merito reponi potest.

Textus Hebræo-Samaritanus punctorum vocalium & accentuum ornatu omnino destituitur, alias nihil differt ab Hebræo Textu, sunt enim eadem voces, exceptis exemplariorum discrepantiis nonnullis, quas collegit *Johannes Morinus*, quæ etiam in Bibliis nostris Polyglottis exhibentur.

Præter Textum hunc Hebræum, habent Versiones in Linguis Vernaculis, Samaritana, sc. & Arabica, (at omnia Characteribus Samaritanis:) Quemadmodum Judæi, suas paraphrases; Samaritana Dialectus, Hebrææ Lingux & Chaldææ valde affinis est, quædam habet sibi propria, quæ nec in Hebræa nec Chaldæa occurrunt, nonnulla *Arabica* interspersa. Miratur *Morinus*, unde fie-



ret, quod Dialectus Samaritana propius ad Hebraicam accedat quam Chaldaea: vel Hierosolymitana, cujus rei hanc rationem reddit *Waltonus*, *Prolegom.* XI, 20. Viz. *Judaeorum moram longam in captivitate, ipsorum linguam magis mutasse ab Hebraica in Chaldaicam quam reliquorum qui abducti non erant, quod est omnino verisimile.*

Textum Hebræo-Samaritanum, versionem etiam Samaritanam primus edidit *Johannes Morinus* in Bibliis Parisiensibus, scripsit etiam *Grammaticam Samaritanam*, in qua formas vocum peculiare complexus est, cum vocum indice, quem auxit *D. Castellus*. Idem *Morinus* edidit *Exercitationes in Pentateuchum Samaritan.* Contra hunc scripsit *Simeon de Muis* Ling. Hebr. Professor Parisiensis, & *Johan. Henric. Hottinger.* *Exercitat. Antimorinian.* quos libros adeat, quicumque de hac re plura scire desiderat.

C A P. VII.

*De Rabbinis & quomodo tractari debeant.*

**E**XPLICATO jam quibus mediis Linguæ *Chaldaicæ* peritia attingi possit, restant de *Rabbinis* nonnulla adjicienda, quorum multiplex est apud eruditos usus: quibus ea quæ de Lingua *Chaldaica* dicere statueram præmisi, eo nomine, quod frequentes in *Rabbinarum* scriptis occurrant Chaldaismi, frequentes præterea citationes ex *Talmude Masora & Targumim*, quæ lectori Linguæ *Chaldaicæ* imperito, multam exhibitura sunt molestiam.

Quod si omnia quæ supra monuimus rite peregeris, *Rabbinarum* lectio sponte sequetur, utuntur enim plerumque vocibus Biblicis nisi urgente necessitate nova novis rebus affingere vocabula coacti sint.

E 4

Obser-

Observandum est autem in legendis Rabbinis, frequentes occurrere abbreviationes; ad quas intelligendas, semper ad manum sint *Buxtorfii Abbreviat. Rabbiniæ*. Duæ vel plures literæ simul junguntur ut videantur esse unica vox, cum singulæ illarum singulas voces repræsentent, e.g. הקנה i. e. הקנה הוא *Sanctus Benedictus ille*, i. e. Deus. רבי שלמה ירח i. e. רבי *Meibomius* ait multas in Vet. Testamento extare vocum Abbreviaturas, quales in *Rabbino- rum* scriptis occurrunt; libet ex illo specimen exhibere: de voce *Selah*, quæ sæpe in *Psalms* occurrit, & quæ omnibus interpretibus crucem fixit, hæc habet, “*Sciendum est סלה non esse vocem significativam ut multi arbitrati sunt, sed* ראשי תיבות *vocum* “*capita seu initia; hoc est notas quas vulgo abbreviaturas vocant, ideoque cum* “*virgulis duabus suprapositis scribendum* סלה *singulæ enim literæ vocem significat, ut sit למעלה השר* *Redi sursum* “*Cantor: Canendo non perge deorsum, sed* “*converte cantum ab imo sursum, bis ultimi* “*man*

## Linguas Orientales. 73

“mam canendo ad signum usque continua.  
 “Cantus igitur repetitio his notis præcipi-  
 “tur, non vulgaris, ab initio incipiendo  
 “& capite Psalmi, sed ab imo quo cantan-  
 “do perveneras. Qui peculiaris repetiti-  
 “onis modus Hebræis, peculiarem car-  
 “minis compositionem requirebat. Hæc  
 ille.

Idem, ad Jesaïæ cap. XXIX, 16. “pri-  
 “ma vox הִפְכֶם videtur quidem significa-  
 “tiva esse, mutatio vestra, aut legendo  
 “הִפְכֶם mutare vos) sed absurdus sensus  
 “& qui sequentibus verbis non respondet,  
 “indicat notas esse integri versus: pri-  
 “ma enim litera notat interrogativum  
 “ה num? Secunda verbum פָּעַל faciens.  
 “Tertia, לִי vas. Quarta voculam ךּ sicut.  
 “(nam significantes particula suam notam  
 “habent) ultima מַעֲשֵׂהוּ opus ejus, sensus  
 “ita & carmen restituitur, sed plenius si ad-  
 “datur ה'ִי־ה'ִי erit, quod forsitan exciderat, an-  
 “tequam notis signaretur hic versus, aut  
 “etiam scripta fuere primum הִפְכֶם.  
 Sic vero scripsisse Jesaïam.

הפעל כלי יהיה כמעשהו  
 אם כחמר היצר יחשב  
 כי יאמר מעשה לעשהו לא עשנו  
 ויצר ליצרו לא הבין

Num

*Num faciens vas erit sicut opus suum,  
An tanquam lutum figulus reputabi-  
tur?*

*Ut dicat opus factori suo, non fecit me,  
Et quod formatum est, formatori suo,  
non intellexit.*

Ingeniosa admodum sunt hæc, si non vera, vera autem esse suadet sensus & connexio. Sunt tamen nonnulli, qui ne minimum apicem in S. Textu mutari sinunt, neque conjecturis locum relinquunt, quod Judaicam sapit superstitionem.

Ut ad Rabbinos, de quibus agere cæpi, revertar, incipiendum est à facilioribus: at primo comparanda sunt necessaria ad *Rabbinorum* lectionem subsidia; alioquin frustra erit, qui in his studiis, iis destitutus versabitur. Ante omnia comparandum est *Buxtorfii Lexicon Rabbinicum*; opus omnium quotquot in isto genere prodierunt absolutissimum, licet potuerit posterorum industria huic quoque nonnulla addere.

Deinde adhibendæ sunt *Concordantiæ Hebraicæ Buxtorfianæ*; absque his, parum in *Rabbinis*, multo minus in *Masora* proficies. Hi enim scriptores, quoties

quoties Textum aliquem citant, nec li-  
brum ullum nec caput, multo minus  
comma indicant, sed propriis verbis in-  
ternectunt, nulla interposita distinctione,  
unde incredibilis oritur Tyroni difficul-  
tas; quod ego, quando in his studiis pri-  
mum versari cæpi, non sine ingenti tæ-  
dio expertus sum. e. g. prima quæ oc-  
currunt in *R. Schlomoh Tarkhi* Com-  
mentario in *Pentateuchum* verba, hæc  
sunt לא היה צריך להתחיל התורה אלא  
לא היה צריך להתחיל התורה הזה לכם  
ex his nullum potui ex-  
sculperè sensum; quocunque ea versa-  
rem & volutarem, eodem redibat; erant  
siquidem mihi prorsus insuperabilia:  
ignorabam in istis verbis citari *Exod. XII.*  
1. quod cum postea didicissem, planus  
& perspicuus apparuit verborum sensus,  
qui est, *Non fuit necessarium* (Mosi) *in-*  
*choare legem nisi ab* (his verbis) *hic men-*  
*sis vobis* &c. Huic similia multa occur-  
rebant, & cuilibet Concordantiis de-  
stituto sufflamen objicient.

gam

gam itaque in Tui gratiam brevem illorum Rabbiorum catalogum qui Latine versi sunt; quibus diligenter lectis, cujusvis Rabbinus, sive impressi, sive Manuscripti, sive punctis ornati, sive iis destituti lectionem feliciter aggredi possis.

1. *Merceri Specimen*, qui *Trium Rabbiorum* viz. R. *David Kimchi*, R. *Aben Ezra* & R. *Schlomoh Tarbhi* commentariorum in minores Prophetas priorrem partem edidit,

2. *Abarbanelis Præfatio in Leviticum*. Per *Ludovic. de Vieil*.

3. — *De Summa credendorum*. Per *Guliel. Vorstium*.

4. — *Commentar. in Hoseam*. Cui præmissum proœmium in XII. Prophetas minores cum interpret. & not. per *Franciscum ab Hussen*.

5. *De vita & morte Mosi libri tres*. Interprete *Gaulmino*.

6. *Jachiadæ in Danielelem Paraphrasis*. Interprete *Constantino L'Empereur*.

7. *Benjamini Itinerarium*. Eodem interprete.

8. *R. Abraham Ben Peritsol Epistola Viarum sive Tractuum mundi*, liber  
Geo-

## *Linguae Orientales.*    27

Geographicus: interprete *D. Hyde*, Linguarum Orientalium in Academia Oxoniensi nupero Professore.

9. *Trias Judaeorum de Ludo Schachorum*: interprete eodem.

10. *Mishle Shualim, Parabola Vulpium*, Latine versus & punctis ornatus Jussu *Athanasii Kircheri*.

11. *Josephi Ben Gorion Historia*, à *Sebastiano Munstero* edita, qui eam credit antiquam esse & genuinam: sed hanc ejus opinionem refutarunt *Scaliger* in *Elencho Trihaeresi*, & *Morinus* in *Exercitationibus Biblicis*.

12. *R. David Ganz Chronologia*, interprete *Gulielmo Henrico Vorstio*.

13. *Pirke vel Capitula R. Eliezer*, interprete eodem.

14. *Precationes Hebraicae*, per *Paulum Fagium*.

15. *Chronicon Hebraeorum majus & minus*, interprete *Meyero*.

16. *Series Mundi abbreviata*, interprete *Sebastiano Munstero*.

17. *Johannis Buxtorfii Institutio Epistolalis*.

18. *Tela ignea Satanae*; liber in quo continentur multa à blasphemis Judæis in



in Salvatorem nostrum virulenter dicta;  
quæ primus vertit & vulgavit *D. Wagenseil* Literarum Hebraicarum peritissimus.

Hos, quod cæteris faciliores sint præmisi, si in Judæorum ritibus & auctoribus Talmudicis versari cupis, legendus est.

1. *Maimonides*. Hujus Tractatus nonnullos verterunt

1. *D. Prideaux*, Ecclesiæ Norvicensis Decanus eruditissimus, & harum literarum peritissimus, cui multa debeo.

2. *Ludovic. de Vieil* plures.

3. *Dionysius Vossius*.

4. *Gulielmus Vorstius*.

5. *Georgius Gentius*.

2. *Johannis Buxtorfii F. Florilegium Hebraicum*.

3. *Plantavitii Florilegium Hebraicum*.

4. ——— *Florilegium Rabbinicum*.

5. *Drusii Adagia Hebraice*.

6. *Liber Jetzirah à Rittangelio* Latine versus, qui ex Judæo factus est Christianus.

7. *Clavis Talmudica*, quæ continet duos Tractatus, in quibus locutiones Mis-

na

*na* & *Gemara* explicantur. Has Latinitate donavit *Constantinus L'Empereur*.

Ad libros Grammaticos, Logicos, Philosophicos &c. intelligendos, legendi sunt,

1. *Maimonidis Moreh Nevochim*, interprete *Johanne Buxtorfio F.* Dignus est hic liber, qui saepius cum versione legatur, quod multae loquendi formulae & termini Logici & Philosophici Rabinis usitati in eo explicantur. Quo nomine etiam commendandus est qui sequitur.

2. *Cozzi*, Auctore *R. Jehuda Levita*, Arabice scriptus, postea vero in Linguam Hebraeam per *R. Aben Tybbon* conversus (qui etiam *Maimonidis More Nevochim* ex Arabico sermone in Hebraeam transtulit) cujus versionem Hebraeam Latine vertit idem *Buxtorfius*.

3. *Composita Verborum & Nominum Hebraeorum*, Auctore *R. Elia Levita*, interprete *Munstero*.

4. *Capitula Cantici, de Literis, Punctis &c.* Eodem interprete.

5. *R. Abraham de Balnes Grammatica Hebraica cum Latina versione*.

6. *Spha-*

6. *Sphæra Mundi*, Auctore R. *Abrahami Ben Hbaya*.

7. *Arithmetica secundum omnes species suas*, Auctore R. *Elia Mizrahhi*, i. e. *Orientali*, interprete *Oswaldo Schreckenfuchsis*, cum notis *Sebastiani Munsteri*.

8. *R. Simeonis Logica*, interprete *Sebastiano Munstero*.

Hæ sunt præcipuarum versionum nonnullæ; (qui plura cupit, adeat *Bartolucci Bibliothecam Rabbinicam & Imbonati Bibliothecam Latino-Hebraicam*) his diligenter lectis, tantum aberit ut versione amplius indigeas, ut ipse libros proprio Marte transferre possis. Nunc quomodo procedendum sit, ostendam. Primum vero de Rabbiniis & eorum scriptis nonnulla præmittam.

Innumera est Rabbinorum gens, & tamen ex toto acervo, ne decimus quisque liber dignus est qui inspiciatur, qui legatur vero ne centesimus quidem; tot nugis enim referti sunt, ut cordato Lectori nauseam creent.

Neque, qui aliter fieri poterat intelligo, cum plerique eorum in Talmudicis & Cabbalisticis nugis consenuerint, cum sua gente solum versati, omnem erudi-

## Linguae Orientales. 81

eruditionem respuentes & aliarum gentium societatem, unde aliquid discere poterant: exceptis forsan uno aut altero viz. Auctore *Cozri* & *Maimonide*, quibus addas *Abarbanelem* aliosque paucos, qui quod disciplinis essent imbuti, & regionibus peragrandis dediti maiorem cæteris eruditionem consecuti sunt, quemadmodum illorum opera legenti primo intuitu apparebit.

Extant apud ipsos libri *Medici*, *Mathematici*, *Logici*, *Physici*, *Arithmetici*, *Cabbalistici* &c. quorum nullum teruncio emerim: in omni disciplinarum genere multis parafangis à nobis superantur: non itaque Rabbinos legimus ad scientias discendas, sed quod S. S. nonnunquam dextre explicent, & quod eorum opẽ, nonnihil quod ad Judaicos ritus pertinet, assequi possimus. Alias res nonnunquam bene tractant, maxime *Maimonides* & *Abarbanel*.

Multi nihilominus ab his studiis deterrentur, quod sibi persuaserint, quodcunque in Rabbiorum libris occurrit, pura puta esse deliria; priusquam itaque ulterius progrediar, proferam unam aut alteram instantiam, ex  
F qui-

quibus lectori constabit, Rabbinos non semper in expositionibus suis delirare. De *Jephthis* filia, nota res est, & quæ plurimos adhuc torquet interpretes. Votum *Jephthis*, Jud. XI, 31. his verbis conceptum est, יהיה ליתהו והעליתיה עולה. *Et erit Domino, Et offeram illud in sacrificium.* Hinc, extra omnem dubitandi aleam positum esse volunt nonnulli, Jephthem, filiam suam Deo immolasse; ad hunc locum *R. David Kimchi* ר"ד בזה ידוע ואא"ל פיר' והעליתיהו ה"י במקום או ופיר' והיה ל"י הקדש אם אינו ראוי לעולה או העליתיהו עולה אם ראוי לעולה וכמו זה ה"י מכה אביו ואמו: i. e. Notum est quid de hac re senserint Rabbini nostri beatæ memoriæ, sed Pater meus B. M. interpretatur, non per ET, sed VEL, ut sensus sit. *Erit Sanctum Domino*, viz. si non sit sacrificio idoneum. VEL, *offeram illud in Sacrificium* viz. si huic usus aptum sit. *Vau* autem hoc sensui occurrit Exod. XXI, 15. מכה אביו ואמו percutiens Patrem suum ET matrem suam, pro, VEL matrem suam. Est autem interpretatio venusta. Hæc *Kim-*

## Linguas Orientales. 83

*Kimchius*, quibus si quis eorum, qui contrariam sententiam amplectuntur, assensum neget, ad rem tamen appositam esse, fateatur necesse est. II. Samuelis XXIV, 23. הכר נתן ארונה המלך למדך. ubi nostra versio, *All these things did Araunah as a King give unto the King*: i. e. Hæc omnia dedit Araunah tanquam Rex, Regi. Quod interpretantur nonnulli, *munifice, liberaliter* μεγαλοπρεπῶς: Male. Recte *Kimchius*, qui ad hunc locum Hæc habet, מלך היבוס היושב בירושלם היה כי אף בימי דוד היה היבוס בירושלם כמו שנשאר שם משכבשה בני יהודה כמו שכתוב וישב חיבוס את בני יהודה עד היום הזה: i. e. *Fuit Rex Jebusæorum Habitantium Jerusalem, nam adhuc etiam in diebus David fuerunt Jebusæi in Jerusalem, nam relicti erant, ex quo tempore ceperunt eam filii Jehudæ, quemadmodum scriptum est (Josue XV, 63.) & cohabitant Jebusæi cum filiis Jehudæ ad hunc usque diem.*

Inter scriptores *Rituales* primas obtinent *Moses Kotzensis* & *Moses Maimonides*. Quorum posterior, omnium quotquot à *Josephi* temporibus vixerunt Judæorum, longe fuit eruditissimus.

Omnia quæ scripsit (excepto stupendo illo opere יר הקוה *Yad Hhazakah* & epistolis nonnullis) idiomate Arabico vulgavit, quorum nonnulla à Judæis utramque linguam callentibus Hebraice redita sunt, at multa ejus opera nunquam versa sunt, ideoque Judæis occidentali-  
bus nunquam visa. Floruit ille teste *Abulpharagio* annis abhinc ultra quingentis, obiit enim Anno *Hegjræ* DCV. i. e. *Christi* MCCVIII. erat *Matheseos*, *Medices*, & disciplinæ *Peripateticæ* consultissimus : stupendi ingenii vir, qui etiam in *Talmude* adeo erat versatus, ut rudem istam molem, & inconditam far-  
raginem in suo יר הקוה optima methodo digesserit & explicarit.

*Grammaticos* quoque habent & *Criticos*, Quales *R. Aben Ezra*, *R. David Kimchi*, *R. Elias Levita*. *R. Abraham de Balmes* &c. Observandum est autem Judæos artem Grammaticam ex Arabum libris hausisse, unde fit, quod verbum פעל in Grammaticis suis pro verbi perfecti Paradigmate proposuerint, quemadmodum omnes Arabum Lexicographi & Grammatici فعل. At in hac re male imitati sunt scriptores Arabicos, פעל

## Linguae Orientales. 85

לעל<sup>ל</sup> enim mediam habet *Gutturalem*, quæ *Dagesch forte* non recipit, & proinde *Conjugationum Graviorum* affectiones explicare nequit, (Arabum autem *Gutturales* non minus per *Teshdid* duplicantur quam reliquæ literæ) hoc cum animadverterent recentiores Grammatici, loco לעל<sup>ל</sup> substituerunt פקל<sup>ל</sup> reservatis tamen conjugationum nominibus, quæ omnia ab antiquo Paradigmatе לעל<sup>ל</sup> Paal desumpta sunt, ut *Niph-al*, *Pi-el*, *Hiph-il*, *Hoph-al*. *Hithpa-el*.

Quod *Historicos & Chronologos* ipsorum attinet, non sunt optimæ notæ, ne quid iniquius dicam; apud eos celeberrimi Auctores sunt *R. David Ganz*, & Auctor libri *Fouchasin*, quos si quis consulat, verum esse quod dico statim reperiet. Solennes sunt ipsis ἀνιστορίαι & ἀναχρονισμοί, cujus testis est *Jachiadæ* in *Danielem* Paraphrasis.

Controversiam raro tractant, neque enim reliquas gentes ad suam religionem convertere ipsis curæ est, existant tamen nonnulli ipsorum tractatus, in quibus virus suum in Sadducæos & Christianos exspuunt: qualis est *Lipmanni Nizachon*. Extant præterea duo vel tres



*Nizachones* alii ejusdem fere farinæ, non enim tam argumentis quam probrosis verbis adversarios petunt. Unus qui recte disputare novit, est clarissimus ille Judæus, suæ gentis longe eruditissimus, qui *Amicam* cum *Limborchio Col-lationem* instituit; ille enim in hac re omnibus suis palmam præripuit.

Hæc dicenda duxi, ut aliqualem de *Rabbinis* notionem conciperes, & melius intelligeres, quinam sint, & quo loco habendi; nunc quo ordine legi debeant paucis expediam.

Aggrediendus est primo *Kimchius*, ejus enim stylus ad Biblicum proxime accedit; postquam in hoc paululum exercitatus fueris addas *Aben Ezram*. Hi duo Grammatica sæpe tractant, quæ caute imprimis legenda sunt, ut dignoscas vocum significationes, & plane scias, quando *Grammaticæ* usurpantur, quando vero aliter. Ex. gr. כִּכְר frequently in Rabbinorum scriptis occurrit, significat autem aliquid *Grave*, & etiam *Conjugationes* quas *Graves* appellant, i. e. quæ mediam *Radicalem* habent *Dagheschatam*, sunt autem *Piel* & *Pual*. Quod si lector minus attentus has significatio-  
nes

nes confunderet, in explicanda Auctoris sui mente misere laboraret.

*Salomonis Tarbhi* stylus maxime concisus est & brevis, unde Tyronibus lectio evadit difficilior; hæc itaque quæ præmissi, diligenter observentur.

*R. Levi Ben Gershom* mire luxuriatur, excurrit sæpe in *Ethica*, *Mathematica* & *Philosophica*; idcirco ejus lectio paululum differenda est, tantisper dum *Kimchium* & *Aben Ezram* legeris.

Absolutis Bibliorum Commentariis, quod est facillimum *Rabbinorum* genus, reliquos adeas Latina versione donatos, nondum enim sine cortice natare poteris: eorum lectionem repetas; qua absoluta, possis quosvis Rabbinos (exceptis Talmudicis, de quibus capite sequenti) legere.

Non tamen *Rituales Rabбини* (ne ipso quidem *Maimonide* excepto, etsi stylo adeo eleganti & facili mentem suam complexus est, ut à quovis Hebraice perito intelligi posse videatur) prius intelligendi sunt, quam aliquam saltem in Talmude consecutus sis peritiam; subinde enim ad *Talmudem* provocant, & obscure alludunt minime indicato lo-

co, unde ista verba sumpserint; unde magnus exsurgit in iis intelligendis labor.

Si de Judæorum *Cabbala* instrui velis, legas quæ *Johannes Picus Comes Mirandulanus* & *Reuchlinus* de hac re scripserunt. Quid sit hæc scientia ut intelligas, audi *Buxtorfium P.* qui de illa sic loquitur: "*Talis scientia est arcana mystice & ænigmatice proposita, de rebus Divinis, Angelicis, Theologicis, Cælestibus & Metaphysicis, de Angelis & Spiritibus, miris Symbolis & Arcanis docendi modis involuta.* Hæc ille: his adjicias *Cabbalam Denudatam* impressam *Sultzbacii*. † Tres autem sunt *Kabbalæ* species, de quibus Tyronem mone-re, operæ pretium duxi, in Commentariis enim Rabbinicis (maxime vero in *Baal Hatturim* & *Kimchio*) frequenter occurrunt, sunt autem merus *Rabbino-rum* in vocibus & literis, lusus: vocantur, נטריקון גמטריא תמורה *Notaricon*,

---

† De his *Cabbalæ* specibus consule *Buxtorf. Lexicon Rabbinic.* maxime vero *Schickardi Bechinath Happerushim p. 62.* ubi eas fuse & erudite explicat; dignus est iste liber qui à capite ad calcem prius legatur quam ad *Comment. Rabbinic.* lectionem te accingas.



י	10	מ	40
כ	2	ש	300
א	1	י	10
ש	300	ח	8
י	10		
ל	30		
ה	5		

358

358

Notandum est autem, in hac arte nullam haberi finalium rationem, 7 enim non denotat 500. sed 20. & sic de reliquis.

Altera *Gematriæ* species est, qua colligunt rerum vel verborum numerum antehac dictorum vel factarum, ex.gr. *Deut.* III, 23. occurrit hæc vox, ואתחנן *Et precatus sum*, numerus harum literarum simul additarum est 515. hinc colligunt Doctores *Gematrici*, precum numerum, quibus *Moses* Deum exorare conatus est, ut Terram Sanctam ingredi sibi permitteret, totidem fuisse.

*Temurab*, est *Cabbalæ* species, qua voces bisecando vel alio quodam modo mutando mysticum sensum exculpunt, quasi divideres hanc vocem *sustineamus*, in tres voces significativas *sus-tinea-mus*, sic ex בראשית faciunt בראשית filium ponam,

ponam, & ברא שיה *Creavit fundamentum.* De quibus consule *Schickardum* loco supra memorato.

Restant pauca de *Masora* dicenda, illorum opus quando inchoatum fuit, nequit facile determinari; noli putare totam *Masoram* in *Bibliis Buxtorfianis* vel *Venetis* esse impressam; longe aliter se res habet; extant multa & magna *Observationum Masorethicarum* volumina MSS. non omnia ab iisdem elaborata, sed diversis temporibus: illa quæ in *Bibliis Bombergianis* & *Buxtorfianis* extat, à quodam *R. Jacob Chajim* collecta fuit, continetque breves & succinctas in sacram paginam Adnotationes; ubi incredibili diligentia & labore improbo observarunt illi Critici quoties unaquæque vox occurrit, quoties singulæ voces scribuntur *defective* (i. e. *absque* 'aut') vel *plene* (i. e. cum illis.) Observarunt etiam non solum commatum, sed & literarum numerum; in nonnullis libris indicarunt, quænam sit illius libri litera media. Literas majusculas & minusculas quæ in Textu occurrunt, diligenter notarunt, omnia denique fecerunt quæ ad Sacrum Textum integrum conservandum quicquam

quam conferre ipsis visa sunt. Commendabilis revera est illorum industria, non tamen diffitendum est, magna ex parte esse inutilem: quod si *Masorethis* innotuisset conficiendarum *Concordantiarum* ratio, tanto labori magna ex parte pepercissent, cum ex solis *Concordantiis* quicquid ex *Masora* sperari possit, haurire queamus.

Qua ætate floruerint *Masorethæ*, inter eruditos nondum convenit, certum est, post puncta vocalia textui apposita: qui itaque Punctorum antiquitatem defendunt, *Masorethas* statim a diebus *Ezræ* opus suum inchoasse arbitrantur: qui vero Punctorum novitatem adstruunt, eos post Talmudicos Doctores vixisse affirmant; hanc opinionem strenue tueri nititur *Morinus* in *Exercitationibus Biblicis*, is enim *Eliam Levitam* sequitur, qui in tertia Præfatione libro quem מסרת המסרת *Masoreth hammaforeth* inscripsit, *Masorethas* recentes esse affirmat. Huic contrarius est *J. Buxtorfius P.* qui in *Tiberiade* sive *Commentario Masorethico* de hac re docte disseruit; hunc librum diligenter legas, in quo luculenter docere, quinam fuerint, quid de eorum

rum opere sentiendum firi, qua denique ratione, ad ipsius lectionem & intelligentiam facilis pateat aditus.

---

## C A P. VIII.

### *De Talmude.*

**H**oc penso absoluto, postquam jam in *Rabbinis* paulum profeceris, & in *Targumim* & *Masora* fueris aliquantisper exercitatus, vereor ne te omnibus numeris esse absolutum tibi persuadeas; at noli te decipere: restat alius labor adhuc exantlandus, qui omnes quos adhuc superasti simul sumptos exæquat saltem, si non superat; studium *Talmudis* intelligo, quod magnas quidem difficultates continet, sed tanto facilius superandas, quanto majorem in iis, quæ supra docuimus, diligentiam adhibueris.

Est autem *Talmud* traditio oralis, continens *ritus*, *sacrificiorum* *maestandorum* *rationem*, aliaque plurima, quæ in *Lege* *Mosaica* omittuntur; hujus originem ab ipsa



## 94 . . . *Introductio ad*

ipso *Mose* arcessunt *Judæi*, (*Pharisæi* nimirum, quales sunt omnes qui in his terris habitant, *Samaritani* enim & *Karraitæ* illud tanquam merum figmentum rejiciunt) ajuntque ab ipso Deo *Mosi* è monte *Sinai* fuisse traditum; censent siquidem absurdum esse *Mosen* recipiendæ legi, quæ tam paucis pagellis comprehensa est, totos quadraginta dies, totidem vero noctes incubuisse: minime, sed eo tempore Deus non solum illum docuit legem *scriptam*, sed & *oralem*, rationem sc. & modum, quo singula rite peragi deberent, ne quæ apud posteros demum oriretur dissensio; † *Josuem* vero defuncto *Mose Senioribus* istis reliquisse, de quibus dicit scriptura (*Jos. XXIV, 31.*) *Et omnibus diebus Seniorum qui post Josuem diu vixerunt*, illos vero suis posteris, sic deinceps per tot secula propagatas fuisse istas traditiones, usque ad tempora *Ezræ* & virorum *Synagogæ Magnæ*.

Quod si ista traditio divinitus *Mosi* tradita fuit, quare obsecro necesse fuit ipsi Deum consulere (*Num. XXVII, 5.*

---

† *Maimonides Præfat. in Seder Zeraim à Pocockio Latine versa*, & Editioni *Misna* *Surenhusii præfix.*

cum

cum filia *Zelophæ* de herciscunda hæreditate quererentur, prout recte objicit erudito Judæo D. *Limborchius*, ne plura adferam exempla? Certe istiusmodi traditionis ope, potuisset Moses istiusmodi litem, vel aliam quamvis, quæ inter Israelitas oritura esset, dirimere.

Sed hæc discutere non est hujus loci; dicemus itaque quid sit *Talmud* & quibus mediis legi possit & intelligi.

*Talmud* est Juris Civilis & Canonici corpus, juxta cujus decisiones peraguntur omnia Judæorum sacra, omnes dirimuntur lites: Constat autem duabus partibus, *Misnah* sc. & *Gemara*, de quibus sigillatim agemus.

*Misnah* est Textus super quo fundantur omnes *Ritualium Rabbiorum* disputationes, hunc nunquam scriptum fuisse (sed traditione orali à majoribus acceptum) volunt Judæi, donec tandem Annis post excidium Hierosolymitanum secundum † Judæos 120. (licet proba-

---

† *Leo Modena, Histor. de Gli Riti Hebraici, Pari. secund. cap. 2.* Circa l'anno 120. dopo la distruttion del tempio, fu' un Rabino nominato Rabi Juda, che per la santità della sua vita presso gl' Hebrei fu' cognominato Rabeno Acadas, che vol dire Maestro nostro santo, grand' amico d' Antonno Fio Imperator Romano, e richissimo, quale vedendo che per la tras-

verit

verit *Morinus*, cum longe recentiore  
 fuisse) ortus est quidam *R. Jehuda*, quem  
 propter vitæ singularem sanctimoniam  
 & morum integritatem *Rabbenu Hakka-*  
*dosh* i. e. *magistrum nostrum sanctum* no-  
 minarunt; erat autem vir stupendæ elo-  
 quentiæ, Lingux & rituum Hebræorum  
 longe peritissimus, opibus affluens, pie-  
 tatē insignis, qui veritus ne deletis jam  
 Hierosolymis, (quibus maxima rituum  
 pars erat alligata) Judæis extorribus &  
 inter alias gentes degentibus, tam pre-  
 tiosus intercideret Thesaurus & penitus  
 periret; has traditiones primus scribi  
 curavit, quarum scriptione nullum opus  
 erat, dum adhuc extarent Hierosolymis  
 Legisperiti & Sacerdotes, qui illarum tra-  
 ditionum, quibus quotidie assueti fue-  
 rant; & quas à patribus acceperant, æ-  
 que erant periti, ac nostri *Presbyteri* in  
 sui muneris officio obeundo. At ever-  
 sis jam Hierosolymis, magna ex parte  
 inutiles redditi sunt Judæorum ritus;  
 cui damno caute prospexit *R. Jehuda*,  
 ideo scribendæ *Misnæ* manum admovit,

migratione si andava dimenticando quelle legge a bocca, scris-  
 se tutti li pareri, e ordini e tradizioni de Rabini sin al suo tem-  
 po, in un libro assai compendioſo che chiamò *Misnâ*.

quam

quam scripsit stylo admodum puro & Hebræo, at brevi & conciso, unde magna oritur in ea intelligenda difficultas.

Hanc in sex ordines divisit, dividuntur præterea isti sex ordines in capita LX. quos Judæi *Masichtas* appellant. Habes rationem *Misnæ*, quæ ut primum à *R. Jehuda* vulgata est, apud omnes Judæos tam Orientales quam Occidentales magnam auctoritatem statim obtinuit, à quibus pro authentico traditionum suarum exemplari, semper habitata est & adprobata, adeo ut illam ipsi etiam Legi præferre non vereantur, licet multa contineat, quæ non solum nec voluminem nec vestigium in Lege habeant, sed quæ ipsius aperto & literali sensui palam vim ferant, propter quæ merito à Salvatore nostro ipsorum proavi sæpius erant reprehensi.

Priusquam ulterius progrediar, proferam viri Doctissimi & harum literarum peritissimi de *Misna* judicium, † qui sic scribit. “*Hoc tamen notandum nullum prorsus Purgatorii mentionem in scriptis Judaicis occurrere*” “*Gemara antiquiorem; quæ juxta ip-*

† *Winder. de Vita Funerum Scitu* p. 199.

" *forum annales condita est circa annum*  
 " *Æræ Christianæ quingentesimum. Nihil*  
 " *ea de re Targumim, nihil Philo, nihil Jo-*  
 " *sephus, nihil MISHNA, scriptum soli-*  
 " *dum atque antiquum, quod post sacras li-*  
 " *teras in summo pretio ab Ecclesiasticis*  
 " *merito haberi debet. Quamvis enim R. Je-*  
 " *huda Sanctus opus illud circa sesquicen-*  
 " *tesimum Christi concinnaverit, asserunt*  
 " *tamen Judæi, præsto illi fuisse majorum*  
 " *suorum Chartas in subsidium: quod quam*  
 " *sit verisimiliter dictum non different fa-*  
 " *teri qui illud opus perlegerunt; ejus enim*  
 " *pleraque pars istiusmodi est, ut omnino*  
 " *per meram traditionem sine scripti ul-*  
 " *lius adminiculo eousque conservari posse*  
 " *non opiner, sin quis objiciat, in istiusmo-*  
 " *di discrepare illum librum aliquoties à*  
 " *sacris literis & ipso Josepho, habebitur*  
 " *ejus ratio alibi.*

Hæc ille de *Misna*, quæ de *Zohare* se-  
 quuntur, quoniam instituto nostro alie-  
 na non sunt, adscribam. " *Extat fate-*  
 " *or Purgatorii luculenta mentio in loco*  
 " *Zoharis quem produximus, sed istum li-*  
 " *brum multo serius scriptum fuisse con-*  
 " *vincunt λέξις & πειράματα: ineptissime*  
 " *enim Chaldaïssat, recensitis subinde hi-*  
 " *storiis*

“*storiis rerum multo recentiorum, quam*  
 “*ut possit ad annum Christi quingentesi-*  
 “*mum pertingere. Liber ergo Juchasin*  
 “*illud opus R. Simeoni f. Jochai tribuere*  
 “*non est ausus.*

Eo unde digressus sum revertor. De-  
 functo R. Jehuda in hac Palæstra se exer-  
 cuerunt Rabbinii posteriores ut *Misnam*  
 brevi & obscuro locutionis genere invo-  
 lutam explicarent, & Notis ornarent; de  
 quibus *Maimonides* in *Præfat. Arabica*  
*Seder Zeraim* hæc habet, vertente Po-  
 cockio: “*Nullus interim erat cætus, qui*  
 “*non de ea disquireret, atque ex ea con-*  
 “*clusiones eliceret, sensusque ejus abditos*  
 “*rimaretur usque tempus Rabinæ & Rab.*  
 “*Ase, qui sapientum Talmudicorum multi-*  
 “*mi fuerunt, quorum Rab. Ase se ad*  
 “*scribendum accinxit, cum visum ipsi*  
 “*esset idem facere in verbis eorum qui po-*  
 “*steriores erant Rabbeni Sancto, quod*  
 “*ipse in eorum qui post Moysen fuerant,*  
 “*verbis fecerat. Omnia ergo eorum, qui*  
 “*aliquid [hoc in genere] protulerant, di-*  
 “*cta, de Lege disquirentium sententias,*  
 “*[eandemque] explicantium interpreta-*  
 “*tiones collegit, & traditionum verita-*  
 “*tem probavit, eisdem in unum reda-*

"etis, omniaque hæc scientia, pro ea  
 "quam ipsi concesserat Deus animi capa-  
 "cite, & amore scientiæ, comprehen-  
 "dit. Composuit ergo Talmud &c. Huc-  
 usque Maimonides. Scriptos autem R.  
 Ase solummodo triginta quinque tracta-  
 tus reliquit, at Mar Emar & Mar filius  
 R. Ase † inde ubi Raf Ase substiterat,  
 laborem suum orsi sunt, & rem totam ad  
 umbilicum perduxerunt. Hos Commenta-  
 rios Gemaram appellant; his additur alius  
 R. Schlome Tarkhi Commentarius & Dis-  
 putationes, quæ ab ipsis תוספות *Tosaphot*  
 five *Additiones* appellantur, ex his omni-  
 bus conflatur illud corpus *Talmudicum*,  
 quod vulgo circumfertur. Hoc est illud  
*Talmud*, quod apud Judæos tanti æstima-  
 tur, cujus lectioni quotidie incumbunt, &  
 in quo Rabbinulos suos erudire satagunt.  
 Ubicunque vel apud *Rabbinos* vel *Chri-*  
*stianos* scriptores, *Talmudis* mentio fit,  
 ibi intelligendum est *Talmud* hoc de  
 quo locuti sumus viz. *Babylonicum*, nisi  
 speciatim indicetur *Hierosolymitanum*.  
 Quod ut melius capias, sciendum est, post  
*Misnam* à Rabbi Jehuda scriptam Ju-

---

† Buxtorf. *Synag. Judaic.* c. 3.

## Linguas Orientales. 101

dæos Occidentales i. e. *Hierosolymitanos* idem fecisse in ea explicanda quod fecerunt *Babylonici*; horum explicationes collegit *Rab. Ase* quemadmodum jam docuimus; illorum vero *R. Jochanan* (sive *Johannes*) *Hierosolymitanus*, inde *Talmud Hierosolymitanum*. Hoc *Talmud* non eam apud Judæos consecutum est auctoritatem, quam *Babylonicum*, est enim liber intellectu admodum difficilis & obscurus. Præterea *Rabbini Hierosolymitani* post *R. Jehudæ* obitum, ob eruditionem inter Judæos non tam celebres fuere quam *Babylonici*.

Hucusque quid sit *Talmud* & unde originem derivarit expendimus, restat explicanda methodus, quam si iniveris, ejus lectionem assequi possis. Ante omnia memento *Talmudis* lectionem minime illi esse aggrediendam, qui in *Rabbinis* & *Lingua Chaldaica* non bene fuerit exercitatus; caveas itaque & diligentiam adhibe, ne his mediis destitutus, onus insuperabile in te suscipias.

Quemadmodum ubi de *Rabbinorum* lectione superius egi, Latinas versiones te adire monui; ita hic quoque idem consilium repeto, alioquin absque his



subsidiis tardum admodum & difficilem  
& sæpe interruptum senties progressum.

Agam itaque imprimis de *Misnah*.

Hujus versionem tam diu ab erudito  
Orbe expetitam nobis dedit Clariss.  
*Shurenbusius*; cum integris *R. Maimo-*  
*nidis* & *Obadiæ Bartenoræ* Commenta-  
riis, opus auro contra non charum.

Sed quoniam multi sunt qui his lite-  
ris operam dant quibus desunt faculta-  
tes ad tam pretiosam supellectilem com-  
parandam, interim ne nihil agas, eos  
tractatus compares, qui seorsim excusi  
sunt, & quorum sumptui ferendo esse  
possis. Hi sunt qui sequuntur.

1. *Misnæ Pars, Ordinis primi ZE-  
RAIM Tituli septem* cum interpre-  
tatione & Notis *Gulielmi Guisii*.
2. *Traëtatus Middoth*, interprete *Con-*  
*stantino l'Empereur*.
3. *Codex Joma*, interprete *Shering-*  
*hamio*.
4. *Sota*, interprete *Wagenseil*.
5. *Sanhedrin & Maccoth*, interprete  
*Cocceio*.
6. *Codices Schabbat & Eruvin*, cum  
notis *R. Mosis Maimonidis* & *R.*  
*Obadiæ Bartenoræ* interprete *Se-*  
*bast. Schmidt*. &

& si qui alii tractatus occurrant, quibus diligenter lectis, in legenda *Misnah* satis expeditus evades: hoc solummodo observes, *Misnæ* stylum adeo concisum & obscurum esse, ut sine *Commentarii* ope ægre intelligi possit. *Criticorum Commentatorum* optimus est *R. Schem Tob*. Auctoris autem mentem & sensum dextre explicant *R. Obadiah Bartenora* & *R. Moses Maimonides*. Horum duorum commentaria cum textu simul impressa sunt in Fol. *Bartenora* vero, & *Schem Tob* una cum Textu 3. Vol. in 4to. Scriptum autem fuit *Maimonidis* Commentar. Arabice, ideoque plenius & melius ejus sensum percipies, si eum, ea qua scripsit lingua, legeris, quam si versioni Hebraicæ fidem habueris, quæ sæpe ab auctoris scopo aberrat.

Extat editio *Misnæ* in 8vo. *Amstelodami* impressa An. MDCXLVI. quæ puncta vocalia habet adposita, quæ Rabbini quidam in suæ gentis usum addidit, in qua licet sæpius erratum sit in punctis, possit tamen istiusmodi subsidium hærentem sæpe expedire.

His instructo indices facilius evadet *Misnæ* lectio, cujus sensus ut melius af-

sequi possis, diligenter legas *Constantini l'Empereur Clavem Talmudicam*, eam quoque difficilem, sed cujus lectio multum lucis legendæ *Misnæ* possit affundere.

Hæc de *Misnah* dicta sunt; Restat *Gemara*: est vero *Gemara* omnis ineptiæ officina, tot ridiculæ in ea continentur fabulæ, tam egregia mentiendi licentia, tam absurdæ traditiones, ut si quis natus eam inspexerit, videbitur in *Augeæ* stabulo versari; verum utut hæc se res habeat, possit etiam ex hoc sterquilinio aliquid lucri elici. “† *Multæ enim illic*  
 “*historiæ admiscentur, ex quibus sacra*  
 “*scriptura aperiri, & temporum series*  
 “*illustrari possit, multa item vaticinia,*  
 “*quibus Judæorum pertinacia frangi &*  
 “*refelli queat, cum ex illis Messiam du-*  
 “*dum venisse, eundemque non alium quam*  
 “*Christum fuisse, possit evidenter demon-*  
 “*strari.* Non itaque indignam censemus *Gemaram* de qua pauca moneantur.

Scripta est magna ejus pars *Lingua Chaldaica*, corrupta admodum & à primitivo decore & elegantia flexa, qua usi sunt sequioris ætatis Rabbini, ejus stylus admodum difficilis est & conci-

---

† *Sheringham. Prefat. in Cod. Joma.*

sus, nonnunquam turbatus & interruptus, ut lectorem maxime attentum postulet, & preterea Linguæ Chaldaicæ cum primis gnarum: quod particulares vocum formas attinet, quæ à *Talmudicis* usurpantur, illæ nullo negotio disci possint, modo adhibeas *Buxtorfii Lexicon Chaldaicum & Rabbinicum*, itemque ejusdem *Grammaticam Chaldaicam*, quibus addere possis *Adriani Relandi Analecta Rabbinica*.

Parva pars est *Gemaræ*, quæ Latine vertitur; ideo dum legendis libris incumbis qui de *Rabbinis & Talmude* agunt, si quæ loca occurrant Latine versa, ea notula quadam distingueas, quæ diligenter lecta, te in *Gemaram* paulatim introducent.

In fine *Sanhedrin & Maccoth* Tractatum quos edidit *Cocceius* habes excerpta *Gemaræ* Latine versa; in aliis quoque libris multa ejusmodi reperires.

Quod si compendiosam & facilem discendi viam cupias, lectis diligenter *Bibliis, Targumim*, & iis de quibus supra egi *Rabbinis*, frequentanda est Judæorum Synagoga, conducendus est eruditus quidam Judæus, quo prælegen-

te brevi tempore eas difficultates superare poteris, quæ proprio Marte pergentibus infinitam pariunt molestiam. Hinc quoque prompte & expedite legendi (imo etiam loquendi) rationem, & veram pronunciationem assequeris: at cum *veram* dico, non eam intelligo, qua usi sunt Judæi florentibus adhuc Hierosolymis (eam enim à Judæis exulibus & in diversas plagas sparsis mutatam esse vix quispiam dubitare potest) sed eam qua utuntur hodierni Judæi & harum literarum periti; alioquin si vel loquaris vel legas coram Judæo aut extero quovis non possis intelligi, neque tu illius pronunciationem vicissim capies; hoc Anglis meis præcipue dictum esto, quorum pronuntiatio, (cum quod Gutturallium usum ignorent, tum quod Accentum in penultima vel etiam antepenultima plerumque collocent) nisi viva voce doceantur, à pronuntiatione Hebraica quam maxime differt.

Quatuor sunt *Talmudis* editiones, *Veneta*, *Basileensis*, *Amstelodamensis*, & *Francofurtensis ad Oderam* verum omnes castratæ, priores dux à Censoribus: Tertia ab ipsis Judæis, qui reseçant quæ in Chri-

Christianam Religionem & Salvatorem nostram blasphema sunt, nec audent in nostris regionibus vulgare. Posterior *Francofurtensis* cæteris magis integra est. Narravit mihi *R. Abendanon* hodie Londini habitans, se audivisse editionem à Judæis *Theſſalonicæ* (hodie, *Salonicæ*) esse impressam, quæ omnia quotquot ad *Talmudem* pertinent, contineret. Sed illa editio (si modo talis uspiam extitit) in nostris Bibliothecis nusquam comparet.

---

## C A P. IX.

### *De Judaicis Antiquitatibus.*

**D**E Græcis & Romanis Antiquitatibus multi multa scripserunt, quorum exemplum alii imitati, *Judaicas* quoque *antiquitates*, scribere aggressi sunt, at longe dispari successu.

Longe enim dispar est horum ratio; Græcorum enim & Romanorum auctores antiqui, & qui florente adhuc utroque imperio scripsere, supersunt; restant præ-

præterea innumeri nummi, statux, ædificiorum ruinæ, monumenta, inscriptiones, aliaque id genus innumera, ex quibus multa erui possunt, quæ ad veterum Græcorum & Latinorum mores penitus investigandos plurimum conferre possunt.

At Judæorum veterum (illos intelligo qui ante Captivitatem *Babylonicam* vixerunt) nihil exceptis Bibliis superest, imo ne illorum quidem recentiorum qui à temporibus *Ezræ* & *Nehemiæ* usque ad deletas à *Tito Hierosolymas* superfuerunt. Nam ex quo tempore funditus everse sunt *Hierosolymæ*, per universum fere orbem sparsa est Judæa gens, quæ sive quod innumeris malis esset oppressa, sive quod sui lucri quam conservandæ majorum memoriæ magis studiofa fuerit, quicquid librorum vel rerum antiquarum penes se fuit, non sine ingenti Reip. literariæ damno interire passa est. Nonnulla traditionum rudera apud se servant, ex quibus quicquid Judæicarum Antiquitatum hodie scriptum est, conflatur. Unde facile conjicere possimus in quali caligine circa veterum Judæorum mores & ritus versetur.

Nihil.

## Linguas Orientales. 109

Nihilominus multi hodie adeo sunt animati, ut si *Godwinum*, *Spencerum*, *Lightfootium*, *Cunæum*, *Bertramum*, *Sigonium*, *Buxtorfii Synagogam Judaicam*, aliosque id genus auctores legerint (multo vero magis si *Mishnam*, vel *Rabbinos Rituales* semel inspexerint) putant se in veterum *Judæorum* ritibus adeo accurate versari, ut cum ipso *Mose* & *Aharone* modo revixerint, possint contendere; cum certo certius sit, hos quos supra laudavi auctores, licet eximii viri fuerint & harum rerum, quatenus fieri potuit, consultissimi, nihil de his rebus scripsisse, quod non ex *Rabbinorum* hauserint libris, horum autem nullus (quod sciam) annos octingentos superat, quæ res eos Antiquorum rituum testes reddit prorsus inidoneos.

Quid si *Misnah* annis Christi circiter CCCC. scripta esset (vel etiam circa Annum Christi CXX. ut volunt *Judæi*, vel secundum alios, CL.) norunt omnes jam ante Christum natum, *Herodis* tempore (& etiam ante eum) Dei cultum, à *Mose* præceptum, mirum in modum fuisse mutatum, & à primæva puritate deflexisse, multas quoque *Pharisæorum*  
opinio-



opiniones & ritus veterum Judæorum praxi fuisse superinductos: quod si florentibus adhuc Hierosolymis multa fuerint immutata, quale damnum passa est harum rerum memoria, Judæis jam ex-  
torribus & ad extremas orbis plagas agi-  
tatis?

His addi possit, maximam Judæorum rituum partem Templo Hierosolymitano fuisse adligatam, hos autem una cum Templo interire necesse fuit; quomodo itaque iis Rabbinis fidem adhibere possimus quorum ne proavi quidem templum unquam viderunt?

Erant autem Judæorum ritus adeo minuti & exacti, ut parum abfuerit; quin aliquid omitteretur, etiam dum adhuc quotidie essent usurpati; quanto vero magis probabile est, eos oblivioni fore tradendos, cum jam illorum nulum esset opus?

Ne verò censeas in *Talmude* reperiri posse vel in *Ritualibus Rabbinis* illud quod periisse ego prorsus existimo, considerata sunt, quæ de *Talmudis* ætate supra dixi, ubi etiam monui, multa etiam in *Mishnah* extare, quæ purus putus sunt Rabbiniſmus, nec ullum in Lege habeant funda-

## *Linguas Orientales.* III

fundamentum, ea nihilominus est Traditionum Judaicarum pars defæcatissima; quid itaque de *Gemara* sentiendum, cujus ineptiæ quamvis pudere & pigere possit? Neque enim decisiones *Gemariæ* tam quæ à patribus acceperunt referunt, quam quæ fuerint Rabbiorum istius ætatis sententiæ: nam post scriptam à *R. Jehuda Mishnam*, Judæorum Doctiores in Academiis suis *Pumbeditha*, *Nahardea* & *Sora* de rebus in *Mishna* contentis disputare soliti sunt: convenire nonnunquam solebant seniores & Rabbini, & quæstiones de Lege & Ritibus Mosaicis proponere, ubi acriter res fuerit utrique ventilata, tandem in hanc vel illam partem determinabant, ex quibus decessionibus conflatum est corpus Talmudicum.

Hos longo intervallo subsecuti sunt Rabbini rituales qui lectis priorum disputationibus rem totam in meliorem methodum & formam redigere conati sunt; horum maximus est *Maimonides* (qui quod supra monui circa Annum Christi MCC. floruit) cujus solius opera Rabbiorum Bibliothecæ toti præstant.

Jam

Jam judicare possis, qualis ex horum scriptis veterum Judæorū erui possit cognitio, qui post deletum templum & dispersam gentem multis seculis vixerunt; qui non tam quid res fuerit, quam quid ipsi sentiebant, scripserunt: & tamen hi sunt quibus unice innituntur illi, qui de rebus Judaicis scribunt, qui tamen avide à nonnullis leguntur, quasi totos Judæorum mores & consuetudines, prout se antiquitus haberent, describerent; at longe falluntur istiusmodi lectores. Junonem nimirum quærunt, amplectuntur nubem; fingunt sibi se legere Judaicas Antiquitates, cum revera legunt Rabbīnorum nugacium offutias.

Modeste itaque Doctissimus ille Judæus *Leo Modena* librum suum inscripsit, *La Vita, Costumi, Riti, & Osservanze de Gl' Hebræi* [DI QUESTI TEMPI] *i. e. Hujus ætatis*, non ausus sc. asserere, omnes illos ritus quibus assueti sunt hodierni Judæi ab antiquis Judæis fuisse usurpatos; etsi enim Judæi videantur suorum rituum tenacissimi, multas tamen habent *seniorum* traditiones quibus ipsi Legi vim inferunt, quod etiam ab ipso Salvatore nostro docemur; multas quoque

## *Linguas Orientales.* 113

que omittunt quæ ab antiquis Judæis frequentissime usurpabantur, cujus rei ipse *Leo Modena* indicium fecit *Part. IV. Cap. 7.* ubi de *Leviratu* agens hæc habet, *Soleva già esser piu lodato il pigliare &c. i. e. Olim laudabilius fuit Leviram ducere quam ab ea liberari: nunc vero crescente malititia hominum, liberationem quærunt propter fines quosdam humanos, ut vel formosam vel dotatam magis, ducant. Paucissimi sunt, maxime inter Germanos & Italos qui eam ducant.*

His omnibus simul sumptis, planè apparet subsidia quæ ex *Rabbinorum* libris petuntur, non omnino sufficere ad *Judaicas Antiquitates* investigandas. Quod si quis mihi in hac re fidem adhibere nolit, expediat mihi obsecro quid sit *Urim & Thummim* de quo toties loquuntur *Rabbini* & scriptores alii: magnam profecto apud me gratiam inibit. Quod si nequit, quemadmodum probe novi non posse, agnoscat mecum *Rabbinos* non tam res ipsas, quam suam proferre hariolationem.

Nihilominus, utcumque ad *Judaicas antiquitates* scribendas non suppetant

H idoneæ

idonea auxilia; minime tamen eo nomine negligenda est *Rabbinorum* lectio, aut aliorum Auctorum qui de his rebus egerunt, & qui *Rabbinorum* opera abusi sunt; multa enim utilia continent, multos Majorum suorum ritus omni procul dubio servarunt: sæpe etiam fæliciter conjiciunt, unde ex eorum scriptis multa S. scripturæ loca lucem fœnerari possint.

Scriptit *Car. Sigonius Rempublic. Hebræorum*, erat autem vir rei Politicæ peritissimus, cujus etiam scripta teste Doctiss. *Graevio* plus ad Romanas antiquitates & leges intelligendas conferent quam cujusvis alius. Hic in summa Litterarum Hebræarum imperitia, Judæorum tamen res quatenus fieri potuit fæliciter affecutus est.

*Cunæus* quoque edidit *Rempublic. Hebr.* Hic fuit acerrimi ingenii vir, in legendo *Maimonide*, *Tacito*, *Polybio*, *Josepha* aliisque optimæ notæ auctoribus versatissimus, his addidit Jurisprudentiam; ejus liber scriptus est stylo eleganti & conciso, in quo multa ab aliis ommissa fæliciter supplevit.

His addendi sunt *Spencerus*, *Bertramus*,

## *Linguas Orientales.* 113

*mus*, Schickardi *Mishpat Hammelek*, Buxtorfii *Synagoga Judaica*, (qui tamen liber crebris scatet ineptiis & videtur ad irridendos Judæos scriptus) *Leö Modena*, qui brevem quidem & succinctam at plenam & ab omnibus eruditis approbatam hodiernorum Judæorum rituum reddidit rationem.

---

## C A P. X.

### *De Lingua Arabica studio & ejus usu.*

**H**ACTENUS in fonte & rivulis fuisse versatus, nunc in Oceanum tendes, ubi neque profunditatem bolo metiendi, neque conspiciendi littoris dabitur facultas. Linguam intelligo *Arabicam*, quam non immerito Oceanum dixerim, quippe quæ alias Linguas Orientales in se recipit; non fecus ac fluvios absorbet Oceanus.

Noli expectare te nunquam in hac

H 2

Lin-

Lingua eam promptitudinem fore adsecuturum quam in aliis adsequuntur multi, (nisi Orientem visas vel saltem Arabice magistro usus fueris) fieri possit ut eam in Lingua Habraica obtinere possis peritiam, ut quemvis Rabbinum nullo negotio legere possis; idem fieri possit in Lingua *Chaldaica* & *Syriaca*, item in *Græca*, licet admodum copiosa sit & vocibus compositis abundet. Non ita se res habet in Lingua *Arabica*, tot enim occurrunt voces & multiplices significationes: adeo ut cum hujus Linguae studio decem annos impenderis, plurimosque auctores legeris, in nonnullos scriptores incurrere possis, quorum ne tres quidem lineas simul sumptas prompte & expedite legere possis & intelligere. Noli tamen deterreri; quemadmodum enim Oceani profunditas non obstat quo minus pretiosissimos ejus Thesauros & Margaritas expiscari possimus, ita neque Linguae Arabicae immensa copia lectori diligenti erit impedimento, quo minus ea assequi poterit, quæ & sibi & reipublicæ literariæ erunt emolumento. Hoc quomodo fieri possit, plana & facili methodo docebimus.

Præf-

## Linguas Orientales. 117

Priusquam tamen hujus Linguae discendae rationem tradam, æquum est, ut explicem qualis sit ejus usus, & quamobrem aberuditis excoli tantopere meruerit.

1. Sciendum est multas Hebræarum *Radicum* significationes deperditas in Lingua Arabica esse repertas, quæ res interpretandæ Scripturæ multum confert: cum enim Græcos vel Latinos Auctores legimus, in quibus aliquid difficilius occurrit, quod vocis alicujus vera & genuina significatio ignoretur, in promptu est alios ejusdem gentis scriptores, qui eadem voce usi sunt, adire, unde lucem fœnerari possimus & alicujus vocis vel *Phrasæ* significationem investigare. Longe aliter se res habet in Lingua Hebraica, in qua unica Biblia exstant, in quibus multa sunt ἀπαξ λεγόμενα, aliaque obscura, quorum sensus, si modo adhibeatur acere judicium ex Lingua Arabica erui possit. Lingua enim Arabica, idiomate licet & flexione ab Hebræa differat, plurimas tamen vocum radices cum Hebræa habet communes, (cujus rei sexcenta exempla proferre possem, modo opus esset) quarum radicum significationes plurimas



quæ adhuc in Arabismo obtinent, apud Hebræos olim in usu fuisse omnino est verisimile, maxime vero si consideremus has significationes textui magis esse congruas quam quæ ex Hebræis Lexicographis petuntur. Quod etiam *Rabbinarum* doctiores animadverterunt, maxime *Aben Ezra*, qui hujus Linguae ope in suis commentariis frequenter usus est, ex quo apparet quantus sit Linguae Arabicæ in S. Scriptura interpretanda usus, quod ne cui dubio esse possit, adeat *Clariss. Pocockii, Portam Moysi* à se editam, ubi in explicandis S. Scripturæ textibus Lingua *Arabica* adeo feliciter usus est, ut nemo amplius dubitare possit, quin magnum huic rei hæc Lingua adminiculum subministret.

Addo multas in Hebræis Lexicographis extare voces *derivativas*, quæ cum *Primitivis* nullam omnino habent affinitatem, eo nomine quod *Primitivarum* significatio ab ipsis Linguae Arabicæ nescius ignoretur: cujus rei, quod brevitati consulam, quatuor solummodo exempla proferam. I. in Hebræis Lexicographis scribitur Radix שׁמל cujus significatio apud ipsos ignoratur. Inter voces ab hac radice

## Linguas Orientales. 119

radice derivatas occurrit שמלה *vestis*, at hujus vocis origo manifesto constat ex voce Arabica شمل quæ significat *comprehendit undique, continuit, cinxit & circumdedit*, quod vestis proprium est.

2. אנש Apud Hebræos significat *Hominem* a radice נש qui significat *egrum esse, ægritudine affici*. Perperam; vera hujus vocis origo à Lingua Arabica accessenda est, nempe à Radice انس *Anasa, Societatem iniit*. Horum cum his studiis operam primum navare cæpi indicium fecit D. *Martinus Eagle*, quondam in his literis præceptor meus, vir indefessæ industriæ, meliore sorte dignus.

3. חרף apud Hebræos significat *exprobrare, probris afficere &c.* hinc derivant חרף *Hyems, quasi probrum terra dicta*, at חרם *Hhoreph hyems* originem habet in Lingua Arabica; nempe à خرف *chrapha* decerpfit, ideo quod *Hyems* folia arborum & fructus superstites decerpat.

4. אליה Apud Hebræos significat *caudam*, hujus vocis derivationem ar-

cessunt ab אלה *execratus est, juravit, pejeravit*. Quomodo cohæreat vox primitiva cum sua derivativa non video; longe meliora te docebit Lingua Arabica in qua الى *significat carnosos clunes habuit*, آلية *Alyah* vero *caudam Ovis vel arietis*; non omnem, sed duntaxat *magnam illam & adiposam* quales in ovibus Orientis spectare est, quarum minimæ X vel XII libras nostrates pendunt, nonnullæ etiam XL libras pondere excedunt. De quibus Vide *Golii Lexicon* in voce الى & *Ludolph. Historiam Æthiopicam*.

Hinc abunde liquet, quantus sit linguæ Arabicæ in interpretandis Hebræis usus: nihilominus caute in hac re procedendum est, ne dum Scripturam interpretari conemur, plano ejus sensui vim inferamus; proferam itaque quæ de hac re scripsit vir doctissimus *Joan Clericus* (*Art. Critic. Part. I. cap. 4. Sect. 3. §. 10.* ubi ait, “ Verum hic cavendum, ne putemus hasce Linguas ita εκ παλαιας “ sibi invicem respondisse, ut eadem radices eandem in omnibus, aut affinem “ semper

## Linguas Orientales. 121

semper significationem habuerint. Sæpe evenit ut una eademque vox in Linguis affinis varia significet, ut ex Linguis hodiernis satis constat. Exempli causa, Linguæ Anglicæ & Belgicæ multa habent affinia, quæ idem significant; sed non pauca quæ plane diversa, quorum unicum exemplum afferam, unde de cæteris iudicium ferri poterit. Apud Anglos, *understand* significat *intelligere*; apud Belgas, *onderstaan* moliri, *niti*, item *subsistere*. Eadem voce prognata *understanding* *intellectum* Anglis sonat; Belgis *onderstand* est *auxilium*, *adminiculum*. Anglis *understanding* est *solers etiam & peritus*; Belgis *onderstandig* est *auxiliarius*. Si interiisset Lingua Anglicæ, sique unicuique superesset liber Anglicus, & paulo plures Belgici; hi quidem sui sæpe essent intelligendo Anglico, sed possent etiam in errorem interdum incautos conjicere; ut si vox allata locistantum aliquot extaret, quorum series tam ferret significationem *auxilii* ex Belgica Lingua, quam *intellectus*, facile eo delaberentur, qui Belgicæ scirent, ut *auxilium* interpretarentur:

“in

“ in *Psalm.* CXIX. 34. leguntur hæc  
 “ verba in Translatione Anglica, *Give*  
 “ *me understanding and I shall keep thy*  
 “ *Law*, cum hæc verba significant, *Da*  
 “ *mihi intellectum, & ego observabo legem*  
 “ *tuam*; verti ex Belgica Lingua posset,  
 “ *geeft my hulp, da mihi auxilium*. Idem  
 ulterius explicare possum ex Lingua  
 Italica (si modo meum pannum viri e-  
 ruditi purpuræ intextere liceat) quam  
 ex Latina originem suam derivasse om-  
 nes norunt; sunt tamen in ea multæ  
 voces, quas easdem esse cum Latinis  
 certum est; longè tamen diversam ob-  
 tinent significationem. ex. gr. *Tristo*  
 idem est cum *tristis*; vox Latina *tristis*  
 est mœstus, at Italica *Tristo*, est *pravus*,  
*veterator*, *vaser*, *versutus*. Sic *Mor-*  
*bido* derivatur à Latina *Morbidus*, at  
*morbido* est *mollis*, *lævis* &c. Pergit  
 vir doctissimus. Itaque si quid simile  
 “ in interpretandis Hebraicis tentetur,  
 “ magna attentione utendum; nec quic-  
 “ quam affirmandum quasi exploratum,  
 “ quod non res ipsa & series orationis  
 “ manifestissimum faciat.

2. Secunda Linguae Arabicæ utilitas  
 in hoc consistit, quod præstantissimi  
 Rab-

## *Linguas Orientales.* 123

Rabbini in hac scripserunt; sciendum est autem Orientales Judæos quibus hæc Lingua est vernacula, illa magis uti quam Hebraica, ideo quod copiosior sit, & ad exprimendos sensus accommodatior. Hinc *Maimonides* omnia sua Arabice scripsit, nisi excipias ר' ח'י'י' quod Hebraice edidit. Auctor quoque *Cozri*, *Abu Zachariah*, *R. Joseph*, *Maimonidis* discipulus, *Auhhad'zzaman Abu'l Baracat*, *R. Tanchum*, *R. Abraham Ben Dior*, aliique plurimi Arabice scripserunt, qui plerumque etiam doctiores fuerunt quam Rabbini occidentales.

3. Alius hujus Linguae usus est ut *Alcoranum* legamus, qui liber cum Θεοπνευσίας summam præ se ferat, & ingentem Orbis partem sibi subjecerit, minime indignus est qui à Theologo legatur, cujus est non solum vera nosse, verum etiam falsa, eaque refellere & redarguere posse. Cui etiam curæ esse debet illarum animarum salus quæ ab hac impostura fascinantur; sed cum de hac re in præfatione satis fuse egerim, nolo quæ ibi dixi hic repetere.

4. Sed neque contemnendum subsidium conferet hæc Lingua ad mendas quæ

quæ in Chartis nostris Geographicis occurrunt corrigendas; possemus multa emendare ex collatione Geographorum Arabum cum antiquis, & nostris. Profecto mire sibi plaudit hæc ætas, quasi Chorographiæ summum apicem attigerit, at noli falli, longe aliter se res habet; ubicunque enim nostri Geographi de *Africa* & *Asia* agunt (nisi pauca loca excipias omnibus nota) non tam illud quod pro comperto habent profertur, quam quod somniant. Multo facilius est ipsos adire harum regionum incolas, quibus rerum & locorum suorum cognitio non est deneganda, quales sunt *Abulpheda*, Auctor Nobilissimus *Hamae* in *Syria* Princeps: *Ebn Edris*, perperam vocatus *Geographus Nubiensis*; aliosque plurimos, ex quorum collatione multæ locorum *Longitudines* & *Latitudines* corrigi possint.

5. Præterea, res populorum Orientalium minime negligi debent, quæ enim tam pace quam bello fecerunt, cognitu admodum digna sunt, sive stupendam illam & Christianæ religioni pestiferam rerum mutationem consideremus, cum grassante *Mohammedanismo* brevi tempore

## *Linguas Orientales.* 125

pore non solum *Palæstinam*, *Persiam*,  
*Syriam* &c. verum etiam *Ægyptum* &  
magnam *Africæ* partem usque ad fre-  
tum *Gaditanum*, totam fere *Hispaniam*,  
*Rhodon* etiam occuparint *Saraceni*; si-  
ve insignes illos quos in humaniori-  
bus literis fecerunt progressus regnan-  
te *Almamune* eique succedentibus *Cha-  
liphis*. Profecto quod *Arabum* aliorum-  
que Orientalium res gestas attinet,  
in magna caligine versamur; Euro-  
pæi enim illorum res non prout debue-  
rant resciverunt: operæ pretium foret;  
illas ex Arabicis libris erucere: nam *Mô-  
hammedanismi* ortum & progressum, &  
*Chalipharum Mahometem* succedentium  
nemo quod sciam accuratam pertexuit  
historiam. (cujus specimen me editurum  
spero, modo Deus vitam, otium & fa-  
cultates largiatur) scripsit *Fullerus* no-  
ster *Belli Sacri Historiam*, cujus maxi-  
mam partem *Gulielmo Tyrio* debet; at  
neque *Gulielmus Tyrius*, neque *Fullerus*  
quicquam rerum aut literarum Arabica-  
rum intellexerunt, unde necesse est eos  
in multis fuisse hallucinatos. De *Mem-  
lucorum* in *Ægypto* Imperio, de *Jengis*  
*Chan*, & *Hulacu* (qui vix minores de O-  
riente



riente quam ipse *Alexander* triumphos egerunt) vix audivimus.

Notum est *Tamerlanem* (*Timurum* vocant Arabes) *Bajazethem* [*Abu Yezid*] cavea ferrea inclusum secum circumtulisse; sed unde ortus fuerit, & quomodo res tantas gesserit, ignotum est; quæ omnia notu digna ex libris *Arabicis* (ad dam & *Persicis*) erui possint. Sed & mira sentiunt Europæi de *Mohammede*, quæ in libris Arabicis nec volam habent nec vestigium; multas etiam recipiunt de eo traditiones quæ nulli innituntur fundamento; quibus etiam deceptus est vir summus & de Rep. literaria optime meritus *H. Grotius*: is enim librum scripsit nulla ætate delendum *De veritate Religionis Christianæ*, cujus sexta pars *Muhammedanismi* refutationem continet, in qua inter alia refert *Mahometem* columbam cicurem ita instruxisse, ut ejus auri advolaret, quo medio plebs ejus sequax persuaderi possit, istam columbam Spiritum esse Dei, forma corporea cælitus delapsum; qua re nihil falsius est aut à veritate magis alienum; minime enim illud omisuri essent scriptores *Muhammedani*, qui nihil commi-

nisci

nisci verentur, quo Pseudoprophetae suo auctoritatem conciliare possint. Cum itaque Cl. *Pocockii* versionem Arabicam *Veritatis Christianae Religionis* legerem, miratus sum illum hanc rem Arabice non vertisse; postea vero incidi in ejusdem *Specimen Historiae Arabum*, ubi ait, se *Grotium* ipsum interrogasse, utrum hanc fabulam ex Arabum libris, an vero ex Christianis hauserit; *Grotium* vero confessum fuisse, se nihil istiusmodi in Arabicis scriptis unquam reperisse, sed Christianis solis in hac re fidem habuisse; visum est itaque Cl. *Pocockio* hunc locum omittere, ne Arabibus ludibrium deberemus.

Quinetiam plurima alia habemus, quae de populis Orientalibus perperam referuntur; omnino itaque operae pretium foret ipsos *Arabum* libros adire, ex quibus aliquid certius discere queamus.

Restat alius Linguae Arabicæ usus; scilicet ut Græcos auctores ab Arabibus eruditis versos corrigere possimus; nam *AlMamunis* tempore qui circa Annum Christi DCCCXX. floruit, multa Græcorum auctorum exemplaria corrasa sunt, & in Linguam Arabicam versa; at nemo inficias

cias ibit, tunc temporis multo correctiora Græcorum auctorum extitisse exemplaria, quam quæ doctorum manibus hodie teruntur; unde sæpe fæliciter corrigi possint in nostris editionibus admissa menda. Non hoc dico quod Paraphrastes Arabicos, ubicunque à Græcis exemplaribus dissentiant quempiam sequi velim; nam abunde patet illos quod in Lingua Græca non satis Criticæ & accurate versati fuerint, in multis fuisse hallucinatos: nihilominus quivis acri iudicio præditus, ex codicum diversis lectionibus auctoris sui sensum adsequi possit, & locos alias deploratos fæliciter corrigere.

Libet de hac re *Salmasii* sententiam proferre; qui in Præfat. Tabulæ *Cebetis* ab *Elichmanno* ex Arabico Sermone Latine versæ (cum de mendis quæ in Græcorum auctorum versionibus Arabicis occurrunt, paulo ante disseruisset,) hæc habet: *Non propterea tamen avocare velim studiosos ab Arabica lingua perdiscenda eo maxime nomine quod Arabum de Græco translationes tam vitiosæ ac prave reperiantur. Habet illa lingua quo utilitatem suam commendet, etiamsi illi stultæ*

## *Linguas Orientales.* 129

*stuleris translationum fidem. Ne istæ quidem, quamvis aliquammultis partibus parum fidæ, tamen contemnendæ sunt. Explicant enim multa vocabula τεχνικά Græca quorum expositionem in nostris Lexicis Græcis frustra hodie quæras. Ut reapse multis locis comperi in conferenda versione Arabica Dioscoridis, quæ apud Ebenbeitarem extat, cum Græco textu. Præterea cum ante octingentos plus minus annos illæ versiones procuratæ sint, melioribus libris & antiquioribus earum auctores sæpe usi videntur, quorum ope multa emendari in melius possunt in nostris libris. Quod etiam ex eodem Dioscorido Arabice verso plus mille locis deprehendi. Non raro quippe etiam ubi male mentem auctoris expresserunt, cognovi tamen, rectiorem lectionem in libris suis eo tempore invenisse, quam quæ hodie in nostris extant.*

*Hæc de Arabicæ Linguæ utilitate dicta sunt. Est autem hæc lingua omnium quotquot extant longe copiosissima; infinita fere sunt ejus vocabula, quæ quoque multiplices obtinent significationes; tredecim habet conjugationes quæ diversam plerumque significationem habent; ejus anomalix sunt paucissimæ;*

I

nam

nam in Grammatica Arabica plurimi Canones occurrunt, quibus nulla est exceptio: idcirco licet à nonnullis propter immensam verborum copiam omnium Linguarum habeatur difficillima, nihilominus quod Grammaticas regulas attinet, omnium (excepta forsan Persica) facillima est & simplicissima.

## C A P.    X I.

### *Quomodo instituendum sit Linguae Arabicae studium.*

**D**E Arabicæ Linguae utilitate & genio satis diximus, restat explicare, quibus subsidiis aliquis instructus, hujus linguae studium aggredi debeat.

Quod Grammaticam attinet, ejus generis optima sunt quæ scripsit *Erpenius*, qui Europæorum primus fuit qui in his literis aliquid serio præstitit, licet ante eum extiterint multi, qui Arabicorum auctorum versiones Latinas edidere, pleraque tamen illarum tot mendis sca-

tent,

## *Linguas Orientales.* 131

tent, ut nesciam utrum auctores vertē-  
rint an vero potius corruerint.

Scriptis ille primo *Linguae Arabicae Rudimenta*, cui subjunxit etiam brevem praxin in Caput *Alcorani* decimum octavum; postea edidit *Grammaticam Arabicam*, cui subjunxit nonnullas Arabum sententias, & *Locmani fabulas* Latine versas: hujus Grammaticae optima editio est quam curavit D. Golius, qui praeter praxin ab *Erpenio* editam, multa ipse addidit, quae hujus Linguae studiosis magnum adferent adjumentum.

Extant quoque *Guadagnoli Rudimenta Linguae Arabicae*, Romae impressa, Fol. *Erpenius* hujus linguae Thesaurum promissit, in quo omnia quae ad Linguae Arabicae pleniorē institutionem desiderari videbantur exhibere decreverat; quod opus ad umbilicum jam ante obitum perduxerat, at immaturo fato correptus illud nunquam edidit.

Huic Grammaticae addas ejusdem auctoris *Alphabetum Arabicum*, (in quo, scribendi modum ab Arabibus in libris Manuscriptis usurpatum explicat, & abbreviationes indicat) est enim Linguae Arabicae lectio Tyronibus difficilis propter

literarum nexus & notas Orthographicas; huic Alphabeto praxin addidit in Caput *Josephi*, hoc est XII. *Alcorani*.

Postquam in legendis Characteribus satis fueris exercitatus, totam attente percurras *Erpenii* Grammaticam, antequam vero ad praxin accedas, formæ nominum & Verborum memoriæ tenaciter infigantur; discas etiam *Canones* eadem ratione quam præscribit *Erpenius* in suo *Consilio*, his expeditis ad Praxin te accingas, hoc quod sæpius monui semper observato; illa Tyroni primum esse aggredienda quæ Latine versa sunt; multas enim difficultates & idiomata continet hæc Lingua, quæ nisi in ea bene fueris exercitatus, Lexici & Grammatices ope expediri nequeunt. Legas itaque quam attentissime poteris; idiomata & obscuriores loquendi formulas, *Proverbia*, allusiones ad res & mores Orientalium diligenter excerpas, & in libro in hunc finem compacto recondas; neque quæ punctis vocalibus & notis Orthographicis destituuntur prius legere aggrediaris quam in iis libris qui eas notas habent appositas bene fueris versatus.

Auctor itaque sum ut post lectam  
quam

## *Linguas Orientales.* 133

quam dixi praxin in manus sumas Veteris & Novi Testamenti versionem Arabicam quæ in Bibliis nostris Polyglottis imprimitur, quæ tam vocalibus & notis Orthographicis ornatur, (quas summa diligentia adscripsit *Gabriel Sionita*) quam versione Latina: fateor in hac versione nonnunquam desiderari purum Arabismi idioma (*Christiani* enim & *Judei* qui in Orientalibus plagis degunt, & à quibus hæ Sacra Scripturæ Versiones exaratae sunt, licet ipsis quoque Lingua Arabica vernacula sit, non tamen tam castigate & correcte scribunt quam ipsi *Mohammedani*) nihilominus magno usui erunt notæ Orthographicæ & Latina versio; præterea hinc eam verborum copiam haurire possis quæ ad faciliorem auctorum lectionem te introducent; Linguae nitorem, idioma & elegantias ex aliis auctoribus posthac percipies. His addas *Carmen Tograi à Pocockio* Latine versum, cujus etiam singulas voces secundum regulas Grammaticas examinavit.

His probe intellectis totum *Alcoranum* legas, in quo multa occurrunt difficilia, ne dicam inexplicabilia; nihilomi-



nus propter frequentes ejusdem rei repetitiones quæ in illo occurrunt, maxima ejus pars nullo negotio possit intelligi.

Binæ sunt *Alcorani* editiones impressæ, prima *Hinckelmanni* impressa *Hamburgi*, altera *Maraccii* impressa *Patavii*. *Hinckelmannus* Textum solum edidit, *Maraccius* vero integram versionem cum *Refutatione* : Capita nonnulla vertunt viri eruditi, nempe *Christianus Ravivius*, *Erpenius*, *Goliush*, alique quæ seorsim comparare possis; antiquæ versioni à *Bibliandro* editæ minime inniti possis, neque *Gallicæ* à *D. du Ryer* editæ, multo minus *Anglicanæ* ex *Gallica* factæ; is enim interpres quæ ex *Arabica* in *Gallicam* male versa accepit, ex *Gallica* in *Anglicam* multo pejus transtulit; nihilominus non omnino diffiteor illam versionem in plurimis locis hærentem posse expedire.

Lectæ semel *Alcorano*, ejus lectionem repetas, ut voces & idiomata memoriæ altius inhæreant, observandum est autem, *Alcoranum* apud Orientales pro *Arabismi* norma semper fuisse habitum, quem stylo adeo eleganti scriptum esse cre-

credunt Arabes; adeo ut impium, vel saltem mente captum eum arbitrentur, qui ejus elegantiam æmulari audeat; hinc plerique *Arabum* auctores ad *Alcorani* styllum, suum quoque conformant & componunt, & ad illum (nullo citato loco) frequenter adludunt, unde ejus intelligentia ad legendos auctores reliquos plurimum conferet. Hæc autem illorum de *Alcorano* opinio, superstitionem magis *Mohammedicam*, quam acumen redolet Criticum. Fateor *Alcoranum* stylo non invenuto esse scriptum, sed plures in Lingua Arabica auctores vidi, qui eum saltem æquant, nonnullos etiam qui superant.

His diligenter lectis alios auctores punctis vocalibus destitutos aggredi possis, maxime vero si Latinam habeant versionem: incipiendum est autem à facilioribus, quales sunt *Evangelium Infantiae*, *Eutychie Annales*, *Abulpharagius* &c. de quibus in sequenti capite: operæ pretium foret, tam in hac quam in aliis linguis, quas accurate intelligere velis, te frequenter scribendo exercere: magis in alicujus Linguae cognitione proficies, modo horam unam scribendo

I 4 dede

dederis, quam si duas vel tres in legendo absumpseris. Exscribas itaque caput aliquod *Alcorani* sine punctis, eique puncta adscribe; quod scripsisti cum correcto *Alcorani* exemplari confer; menda, corrige &c. prout in Hebraicis supra docui; nonnunquam caput aliquod *Alcorani* Latine vertas, versionem tuam apud te serves paucis diebus interpositis; ex tua versione idem caput in Linguam *Arabicam* transfer & cum *Alcorano* confer, hinc fiet ut Linguæ genium penitus percipias; eaque perquam familiariter uti, nullo negotio assuescas.

Adagia vero & Proverbia quotquot unquam in Scriptoribus *Arabum* occurrunt, in penu recondas, absque his enim sæpissime hallucinaberis; frequenter apud ipsos occurrunt Proverbia, quæ cum ad res Orientales nobis prorsus incognitas relationem habeant, difficilis admodum evadit Auctoris sensus; si itaque in hac lingua insignem aliquam peritiam adsequi cupias, adeas *Meidani* scriptoris celeberrimi Proverbia, quæ Cl. noster *Pocockius* Latine verterat & edere decreverat, quod ejus opus his studiis plurimum contulisset, at iniqua  
fors

fors hoc commodum orbi literato invidit; neque scio quid de ejus versione sit.

Lexica quibus in his studiis utendum est duo sunt, *Golii* nimirum & *Giggeii*, utrumque ex Arabum Lexicographis translatum; at longe dispari ratione & methodo: *Giggeius* enim cum *Camusum* nobilissimum Arabum Lexicon vertendum fuit, verbum verbo reddidit, nullo adhibito judicio, neque mutata methodo. Omnia eodem fere ordine quo in suo exemplari occurrebant, transcripsit & Latine vertit; unde non æque utile lectoribus evasit ejus opus, ac fieri potuisset, si majorem consecutus fuisset eruditionem & Judicium.

*Golius* vero, alterum Orientis Lexicographum *Al Gieuharium* nempe, vertendum sibi proposuit; at non auctoris sui vestigiis adeo presse institit, quin alios quoque, modo ita ferret occasio, in subsidium vocaret: infinita ex aliis excerptis quo Lexicon suum ditavit, totum vero adeo docte & methodice digessit, ut non tam versio, quam suum opus esse videatur; est autem omnium in hoc genere absolutissimum, li-

cet tamen non diffitendum est, multa in eo deesse quæ in *Giggei* Lexico reperiuntur.

Hi Duo (*Giggeius* sc. & *Goli*) vel solus *Goli* aut *Castellus* qui eum compilavit tibi sufficient, si mediocriter in hac lingua erudiri cupias; quod si ulterius procedere velis, & in Arabismi intimis penetralibus versari; non impressis Auctoribus & Lexicis solummodo inhærendum est, sed adeunda sunt MSS. ipsos inquam *Al Firuzabadium* & *Al Fauharium* (quorum singulorum extat pulcherrimum exemplar inter MSS. *Erpenianos* in Archivis Bibliothecæ publicæ Cantab.) *Zamachsharium*, aliosque innumeros, qui ad omnia quæ in hac lingua difficilia sunt eruenda, facem præferent, & quasi manu ducent.

## C A P. XII.

*De Nonnullis Arabicis Auctoribus hactenus editis.*

**N**E quid deesset, quod hujus Linguae ulteriori cognitioni quicquam possit

possit conferre; visum est Catalogum Auctorum Arabicorum præcipuorum hætenus impressorum subjicere, & de eorum stylo paucis differere.

1. *Alcoranus*. A *Muhammede* Pseudo-propheta editus (cujus Æra incipit Anno Christi DCXXII.) Totus non simul prodiit; nam prout oblata fuit occasio, caput aliquod tanquam divinitus traditum, suis obtulit. ex. gr. si inter ejus sequaces orta fuisset aliqua dissensio, ex templo eos adiit *Muhammed* quasi revelatione cælitus delapsa fretus, ad compescendam litem: hoc modo scriptum est *Surato'l Anphâl*; idem de reliquis sentiendum est, quæ pro rei natæ occasione prolatæ sunt.

Non autem in unum volumen compacta sunt *Alcorani* capita, *Muhammede* adhuc superstite; *Abu Becr* vero, immediatusejus successor veritus, ne aliqua ejus pars (continebatur enim in solutis & laceris chartis) intercideret & periret, totum in unum volumen congestit.

Scriptus autem est *Alcoranus* stylo non invenuto, utcunque *Mohammed* se vocaret *نبي الامي Nebiya'lOmmia*, i. e.  
Pro-

*Prophetam simplicem, idiotam, illiteratum*; usus est omnino opera nonnullorum hujus Linguae peritissimorum. Quæ de *Sergio* quodam, Monacho Hæretico fabulantur Christiani nonnulli meras nugas credo, neque ulli (quod sciam) Arabicorum auctorum testimonio inniuntur.

Illum tamen cum Judaicæ tum etiam Christianæ Religionis non fuisse ignarū, cuius facile patebit, qui *Alcoranum* semel inspexerit : quem librum cum attente legam, minime mihi persuadere possum, *Muhammedem* vel *Bibliorum* ope, vel cujusvis eruditi Judæi aut Christiani usum fuisse; (non enim sacras historias ita confudisset quivis harum rerum peritus) sed potius quæ ex cum utrisque conversatione (cujus frequentem in peregrinationibus suis occasionem habuit) hauserat, & memoriæ infidæ commiserat, chartis mandasse; nisi forsan (quod non est omnino improbabile) impostor versutus & versipellis, res quas probe noverat, de industria confundere & miscere studuerit; ne si *Bibliorum* vestigiis nimis presse insisteret, majorem quam sui interesset, Religioni Judaicæ vel  
Chri-

Christianæ, in quarum locum suam substituere decreverat, auctoritatem conciliaret.

Utcunque hoc se habuerit, (quod eruditiorum judicio permitto) à Judæis plurima sumpsisse certum est; non ea solum intelligo, quæ in Bibliis reperiuntur, sed Talmudicas etiam fabulas & historias futes & ineptas; adeo ut quanto melius in Judæorum traditionibus & Talmude aliquis versatus sit, tanto melius verum *Alcorani* sensum eruet; sunt enim in *Alcorano* quæ Judaicas traditiones adeo redolent, ut ne ovum quidem ovo sit similis. Ex. gr. Tradunt Judæi, (refragante nihilominus S. Scriptura) *Pharaonem* cum suis minime fuisse mersum, sed singulari Dei providentia liberatum. Sic liber *de Vita & Morte Moysi*, à *Gaulmino* edita: ויבאו בני ישראל בתוך הים כיבשה ויבאו אחריהם פרעה וכל חילו וטבעו בים ולא נותר מהם איש וזלתי פרעה מלך מצרים אשר נתן ה' הוראה לאל חי ויאמן בו וכומ' i. e. Vertente *Gaulmino*. ille (i. e. *Pharoh*) ingentibus copiis ad mare persequutus, fluctus simul cum *Israele* ingreditur, quos dum *Judæi* siccis perambulant vestigiis, totus  
Regis



*Regis exercitus illis obruitur. Solus super-  
fuit Pharaon, qui demum Deo gloriam  
confessus &c. Huic suavissime succinit  
Muhammedes, qui in Capite Jonæ hæc  
habet, وجاؤنا ببني اسرائيل  
البحر فاتبعهم فرعون وجنوده بغيا  
وعدوا حتى اذا انركم الغرق قال  
امنت انه لا اله الا الذي امنت به بنو  
اسرائيل وانا من المسلمين \**  
 الان وقد عصيت قبل وكنت من  
المفسدين \* فاليوم ننجيك ببدنك  
لتكون لمن خلغك اية وان كاثيرا  
من الناس عن اياتنا لغافلون \*

*Quæ sic verto. Duximus autem Israe-  
litas per mare, quos persecutus est Pha-  
roh cum exercitu suo, iis malefaciendi  
studio: cum autem mergi periclitaretur,  
dixit, credo nullum esse Deum præter il-  
lum in quo credunt Israelitæ. (Tum Deus)  
etsi antehac rebellasti, & fuisti improbus:  
nihilominus hac vice eripiemus te, ut  
fias posteris exemplum, plurimi enim sig-  
na nostra negligunt.*

Cre-

## Linguas Orientales. 143

Crebris scatet *Alcoranus* repetitionibus unde facilior evadit ejus lectio: nonnulla habet quæ adfectatam sapiunt obscuritatem (quæ inseruisse videtur *Muhammedes* quo majorem inter rudes & imperitos Arabes sibi conciliaret auctoritatem) Abbreviaturas nempe Symbolicas, quæ nonnullis ejus capitibus præfiguntur; plura item alia perquam obscure expressa; de quorum explicatione nondum convenit inter Arabum interpretes. Hæc de *Alcorano* sufficiant.

2. *Ebn Sina*, vulgo *Avicenna*: ejus magna pars *Romæ* impressa est; major tamen in libris MSS. adhuc delitescit: insignis erat Medicus & Philologus & Naturalis Philosophiæ (quatenus ferebat ista ætas) cum primis peritus: vir indefessæ ingenii, qui nulli labori perpercit, ut quod sibi proposuerat, obtineret. Dicitur sedecim horas quotidie studiis impendisse: scripsit non solum de re Medica; sed Logica etiam, Physica & Metaphysica tractavit. Omnia illius opera stylo admodum eleganti scripta sunt. Illa pars quæ *Romæ* impressa est, mendis abundat: veterem Latinam hujus Auctoris versionem mendosissimam esse

esse cuius facile innotescet, qui eam cum Arabico textu semel contulerit. *Fortunatus Plempius*, vir Doctissimus, Medicæ Professor *Lovaniensis* veteris Interpretis errores fæliciter sustulit, in prioris partis quam edidit versione. Præter illa quæ in Medicis & Philosophicis scripsit *Avicenna*, librum quoque edidit de *Resurrectione* in quo multa profert, propter quæ à *Moslemiis* pro Heterodoxo & Hæretico censetur; iste liber nunquam Arabice excusus est, at extat ejus versio in 4to ab *Andrea Bellunensi* edita.

3. *Elmakin*. Hic *Abu Jaafar Tabariensis* (vulgo *Tabari*) in Epitomen redegit; in qua maximi momenti actiones, plana & distincta methodo & stylo eleganti accurate complexus est: ejus historia pertingit ad Annum *Hegiræ* DXXI. id est, Christi MCXXVII. Hunc auctorem Latine vertit *Erpenius*, at non satis correcte; quod tamen illi condonare possimus; maxime si consideremus, illum primum fuisse, qui has literas, prout excoli debebant, aggressus est: nihil autem simul inventum est & perfectum. Hujus versio impressa est in 4to, item in *Folio* una cum Textu Arabico

bico. Textus Arabicus solus impressus est in 8vo.

4. *Sharif Ebn Edris*. Vulgo *Geographus Nubiensis*; at perperam: non enim fuit *Nubiensis*; iste liber qui *Romae* impressus est, quem *Gabriel Sionita* & *Joannes Hefronita* Latine verterunt, est solummodo Majoris operis Epitome. Ratio quæ *Sionitam* induxit ut crederet & affirmaret hunc auctorem esse *Nubiensem*, fuit, quod mendoso quo usus erat exemplari deceptus erat: quod ipse deprehendi, qui duo hujus auctoris MSS. exemplaria in Bibliotheca Bodleiana contuli: nam de *Nilo* locutus Geographus hæc habet ديل مصر التي تشق أرضها i.e. *Nilus Aegypti qui dividit terram ejus*. At in illo exemplari quo usus est *Sionita*, scribitur أرضنا *Terram nostram*; quod interpretes fefellerit; exinde enim conjiciebant hunc auctorem fuisse *Nubiensem*, prout in Præfatione versionis suæ præfixæ, ipsi affirmant.

Hujus libri stylus est facilis, concisus & elegans; cujus lectio (modo adjungatur Latina versio,) reliquis historicis

& Geographis legendis plurimum conferet.

5. *Abu'lpheda*. Nobilis *Hamae* in Syria princeps, qui Geographiam summa cura & diligentia elaboravit, adjectis Longitudinum & Latitudinum tabulis. Hujus operis nihil (quod sciam) adhuc editum est, præter binas Tabulas à *Gravio* editas: totam Latine verterat *Schickardus*, at illius versio nunquam edita est.

6. *Evangelium Infantiae*. Liber junioribus propter styli facilitatem commendandus; hunc versione eleganti & fida, & notis appositis illustravit D. *Henricus Syke* Linguae Hebraeae apud *Cantabrigienses*, Professor ornatissimus.

7. *Eutychie Annales*. Horum nonnullam partem vertit *Seldenus*, quod Episcopos & Clerum oderat; at in versione sua sæpe lapsus est; qua data occasione, strenue eum fugillavit *Abrahamus Echellensis*, Maronita; qui licet acri judicio minime polleret, potuit tamen alienos errores melius reprehendere, quam suos corrigere.

Totos vero annales optime vertit clarissimus noster *Pocockius*, qui in hujus Linguae cognitione, ne ipsis quidem cessit

cessit Arabibus. Cujus laboribus plus debent Orientalium rerum studiosi quam cujusvis alius. Stylus *Eutychie* non tam accuratus & castigatus esse habetur, quam ipsorum *Muhammedanorum*: est autem simplex & facilis, & dignus qui a Tyronibus legatur; non tam propter res in eo contentas quam propter Linguam discendam.

8. *Specimen Historiæ Arabum*. Opus vere aureum *Cl. Pocockii* studio elaboratum. Vertit ibi sectionem quandam *Gregorii Abu'l Pharagii*, ubi de Sectis *Muhammedanorum* agit; unde occasionem sumit editor, de Orientalium religione, libris & moribus docte differendi. Dignus est hic liber qui sæpius legatur, est enim quasi clavis ad quoscunque auctores Arabicos intelligendos, perquam necessaria.

9. *Gregorii Abu'l Pharagii Historia compendiosa Dynastiarum*, Latine versa & supplemento aucta per *D. Pocockium*; Hic liber bene lectus & intellectus ad reliquos auctores Orientales intelligendos portam aperiet; nec verborum copia huic auctori deest nec castigata expressio: apud Orientales sem-

per magni fiebat, cum propter styli nitorem, tum quod in iis quæ tradit fide dignus habeatur, non solum à Christianis verum etiam à *Judeis & Muhammedanis*: in hoc auctore maxime attendenda est nobilissima illa *Sultani Abmedis* Mogulensis, epistola ad *Sultanum Egypti* (pag. 554.) una cum *Sultani Egypti* responso. Scriptæ enim sunt stylo admodum Arabico, & notius tibi reddent inflatum illud & tumidum scribendi genus, quo utuntur Asiatici, præsertim vero Principes. Operæ pretium foret has Epistolas memoriæ committere, proxime enim accedunt ad *Historiæ Timuri* stylum, de qua mox locuturus sum.

10. *Josephicæ Egyptii Proæmia & Paraphrasis Arabica*, in quatuor priorum *Generalium Conciliorum Canones*. Interprete D. *Beveregio*, nunc Reverendo Episcopo *Asaphensi*.

11. *Porta Mosis*, à *Pocockio* edita, continet iste liber *Præfationes* nonnullas *Maimonidis* in quosdam *Talmudis* tractatus; item *Præfationem* in totum *Talmud*, Lingua quidem Arabica, at Characteribus Hebræis, (quæ à *Judæis Orient-*

## *Linguas Orientales.* 149

Orientalibus, odio *Mohammedanorum* usurpantur) versionem addidit editor & eruditas notas, in quibus demonstrat, qualis & quantus sit Linguae Arabicæ in interpretanda Sacra Scriptura usus, variisque exemplis comprobat. Multa quoque profert, quæ ad Orientalium dogmata & mores illustrandos conducunt.

12. *Philosophus Autodidactus*, à D. *Pocockio* F. Latine versus. Hic liber mihi semper fuit in deliciis, scribitur enim stylo suavissimo & elegantissimo; liber est utilissimus, in eo enim videre possis, qualis fuerit literarum status apud Arabes; qui cum scripsit, non fuit vulgaris ingenii vir, sed in rebus Philosophicis aliisque disciplinis bene versatus, unde jucundam adeo & elegantem pertexit historiam, ut neminem, eum legere, tædere possit. Operam do, ut liber pulcherrimus, qui in reliquas Europæas Linguas transferri meruit, ex Arabico Anglice versus brevi prodeat.

13. *Euclides*. Arabice versus per *Choja Nasiroddinum Tusensem*; Romæ in Folio impressus. Floruit hic *Nasiroddinus* circa Annum Christi MCCLX. Teste



# 150 ··· *Introductio ad*

*Gregorio Abulpharagio* qui de eo hæc ha-

bet: وفي هذا التاريخ توفي خواجه

ناصر الدين الطوسي الفيلسوف

صاحب الرصد بمدينة مراغة حكيم

عظيم الشأن في جميع فنون الحكمة

واجتمع اليه في الرصد جماعة من

الفضلاء المهندسين وكان تحت

حكيم جميع الأوقاف في جميع

البلدان التي تحت حكم المغول

وله تصانيف كثيرة منطقيات

وطبيعيات والأهليات وأوقاليديس

والمجسطي وله كتاب أخلاق

فارسي في غاية ما يكون من

الحسن جمع فيه جميع نصوص

افلاطون وأرسطو في الحكمة

العملية كان يقوي أمر المتقدمين

و يحل شكوك المتأخرين

والمواخذات التي قد اوردوا

في مصنفاتهم \*

Quæ

## Linguas Orientales. 151

Quæ sic vertit D. Pocokius, *Hoc tempore diem obiit Chojah Nasiroddinus Tusensis Philosophus, qui observationes Astronomicas in urbe Maraga fecit, sapiens, insignis in omnibus Philosophiæ generibus, quem ad observationes faciendas convenit magna Geometrarum præstantissimorum multitudo; sub ejus arbitrio fuerunt omnes scholarum reditus in omnibus quæ sub imperio Mogulensium erant, regionibus, multos composuit libros Logicos, Physicos, Metaphysicos, nec non Euclidem & Almagestum [i. systema Geometricum & Astronomicum,] est illi liber de moribus, Persice scriptus summa qua fieri potuit elegantia in quo omnia Platonis & Aristotelis de sapientia practica collegit, sententias veterum confirmabat, recentiorum dubia & objectiones quas in scriptis suis attulerunt, solvebat.*

14. *Timuri Historia à D. Golio edita. Omnium difficillima. Videtur sibi qui hunc authorem legit, nonnunquam inter rupes fragosas & senticeta versari, alias fluminis violento & rapido decursu deorsum ferri, nunc inter nubes rapi, nunc in Tartarum præcipitari, adeo varius est & nun-*

K 4

quam

quam sibi constans hujus auctoris stylus; nonnunquam adeo inflato & sublimi dicendi genere utitur ut Enthei cujusdam instar videatur; aliis in locis nude & simpliciter res gestas narrat. Frequentes in eo sunt obscuræ adlusiones, voces Poeticæ, Proverbia &c. unde ferre insuperabilis exurgit legendi labor; oportet vel in Arabia natum fuisse, adcoque omnes illorum mores intellexisse, & authores legisse, vel saltem magnam ætatis partem his literis impendisse, qui hunc prout debet explicare velit. Promissit *D. Golius* Latinam versionem, quam etiam ad umbilicum perduxerat, at nescio quibus negotiis occupatus, ejus publicationem proh dolor! sero nimis distulit. Nihilominus noli exanimari, nam tametsi hunc authorem nunquam legeris, possis tamen ex aliis magis utilis uberrimum studiorum tuorum reportare fructum.

Hi sunt authores præcipui qui in hac Lingua editi sunt, excudebat etiam *Erpenius Pentateuchum & Novum Testamentum Arabicum*. Extat quoque *Psalterium Arabicum Romæ* impressum Characterē nitidissimo, item quatuor *Evan-*  
gelia

## *Linguas Orientales.* 153

*gelia* cum versione Latina interlineari: alii quoque nonnulla Arabismi specimina edidere: his lectis, vel majore eorum parte, ad libros MSS. legendos te recipias, quorum characteres ut melius & citius discas; compara librum MSS. cujus exemplar habes impressum, singulas voces confer, & literarum nexus diligenter observa; unde fiet, ut brevi tempore eam in legendis Arabicis MSS. consequi poteris peritiam, ut æque prompte & expedite eas consulere possis, ac nos Epistolas legimus lingua vernacula scriptas.

Linguae Arabicæ pronuntiatio parum (exceptis gutturalibus) ab Anglicana differt. Accentum more nostro in penultimam & antepenultimam fere rejiciunt, nisi occurrat una ex **اوي** quiescentibus, ista enim syllaba longa est, ac si esset circumflexa. Hoc mihi observasse videor, Orientales, **قنوين** five *Nunnationem* de qua consule Grammaticam raro pronunciare, non enim dicunt **نهار** *Nahâron*, sed *Nahar*: sic aiunt **عاشق و معشوقة** *Amans* (vir) & *ama-*

# 154 · *Introductio ad*

*ta* (mulier) *Ashik wemeshoukah*, in illis vocibus quæ ʾ habent finalem, in nonnullis vocibus ʾ pronuntiatur cum *Nunnatione*, quasi dixeris ʾ صلاة *salâton*, *precatio*, alias absque *Nunnatione* ut ʾ سنة *Sunnèt*, liber traditionum, non *sunah* & *sonnah* quemadmodum legunt nonnulli. Alias nude tanquam *He* pronuntiatur ut ʾ معشوقه *Meshoukah*. Hæc me primum docuit vir Reverendus D. *Luke* Linguae Arabicæ in Academia *Cantabrigiensi* professor nuperus. Non autem ad certas regulas exigi possunt, sed ex observatione & hominum Orientalium colloquio petenda sunt.

## C A P. XIII.

### *De reliquis Linguis Orientalibus.*

**D**E reliquis Linguis Orientalibus, *Persica* nimirum, *Æthiopica*, *Arme-*

## Linguas Orientales. 155

*Armeniaca, Ægyptiaca* sive *Coptica*, & *Turcica* parcius loquar, quod in iis minus versatus sim, neque tanti fiunt apud eruditos, quanti hæc de quibus supra dixi; idcirco de his breviter.

1. *Persica* quidem facilis est & venusta, in qua etiam multa extant quæ ad Orientalium Historias dilucidandas plurimum conferent, multi quoque *Alcorani*, non infimæ notæ interpretes. Plurimæ in hac Lingua occurrunt voces *Teutonicæ*, multæ etiam admixtæ sunt *Arabicæ*, cujus Linguae minime ignarum esse oportet, qui Persicam discere velit. Hujus Rudimenta edidit *Ludovic. De Dieu* verum imperfecta; melior est *Gravii* Grammatica, sed ne illa quidem suis numeris absoluta; nihilominus adeo facilis est hæc Lingua ut quivis Orientalium reliquarum cognitione imbutus, & qui libros Persicos habet apud se Latine versos, Grammatica carere posse videatur.

Hoc unicum est, quod in hujus Linguae studio ægre fero, nempe quod desit satis completum & absolutum Lexicon. Illud enim quod edidit D. *Castellus*, minime sufficit, licet in eo conficiendo

ficiendo multum defudarit vir optimus: adeundi sunt Orientales Lexicographi, & *Pharhangh* sive Lexica de quibus loquitur D. *Hyde* p. 422. *Histor. Relig. Vet. Persarum*. Interim quoniam his subsidii adhuc destituimur, utenda sunt quæ habemus, speranda reliqua. Præter hos autem quos memini, sunt etiam alia ex Idiomate Persico in Latinum versa, ea nempe quæ sequuntur.

1. *Evangelia Persica* à D. *Wheloc* harum literarum peritissimo, Latine versa & notis illustrata; opus suum nondum absolverat, cum diem supremum obiret. Postea vero sub auspiciis *Thomæ Adams* Equitis Aurati, & de harum literarum studiosis bene meriti in lucem prodiiit.

2. *Pentateuchus Persicus Tarusi*. Characteribus Hebræis *Constantinopoli* à Judæis primum impressus, postea in Bibliis nostris Polyglottis, Characteribus Persico, cum versione Latina recusus.

3. *Ulug Beig Tabulæ Astronomicæ*. per D. *Hyde* Latine Versæ.

4. — *Epochæ celebriores*, Editore Joanne Gravio.

5. *Astronomica quædam ex traditione Shah*

## *Linguas Orientales.* 157

*Shah Cholgii Persæ*, eodem interprete, una cum *Anonymo Persæ de Siglis Arabum & Persarum Astronomicis*.

6. *Historia Christi*, Auctore *Hieronymo Xavier* missionario, quam una cum *Historia Petri* (ejusdem ut videtur auctoris) Latine vertit *Ludovic. De Dieu*.

7. *Rosarium Persicum* interprete *Georgio Gentio*.

8. *Levini Warneri Proverbia Persica*.

9. *Historia Religionis Veterum Persarum*, auctore *D. Hyde* Linguae Persicæ peritissimo, in qua multa occurrunt excerpta ex Persicis auctoribus Latine versa, præterea *Magorum liber SADDER* Latine quidem versus at sine Textu Persico.

10. *Liber Muraccabât* sive *Dispensatorium Persicum ab Angelo à S. Josepho* Latine versus, qui videtur quidem Linguae Persicæ non fuisse ignarus, hoc tamen minime prætereundum est, eum convitiandi studio abreptum, in Præfatione sua ineptissime & nulla oblata occasione digressum fuisse, ut *Briano Waltoni*, *Thomæ Gravio*, & *Samueli Clerico* viris summis, & de repub. literaria & Christiana optime meritis, obloque-



queretur. Mire siquidem indignatur, quod illi Bibliorum Polyglottorum curatores doctissimi, versionem Evangeliorum Persicam imprimerent, in qua occurrit *جان پاک Tchân Pék anima pura* pro *روح القدس Rouhho'l kodous, Spiritu Sancto*, Hinc occasionem sumit de Editorum memoria male merendi; considerasse debuit, illam culpam non fuisse Editorum, sed *Paraphrastis Persæ*; nostri autem nondum eam sibi auctoritatem arrogarunt, ut aliena vineta expurgatoria falce cadere sibi permittant; religioni potius ducunt, sua verba, eorum loco quæ scripsit auctor interponere. At forte culpandi sunt quod malam versionem edere voluerunt! Profecto, quod potuere præstiterunt; si meliorem versionem habuissent, omni procul dubio edidissent, quod cum non haberent, videbantur sibi Linguae Persicæ studiosis nec inutilem nec injucundam operam fore navaturos, si istam versionem imprimi curarent. Quod & fecerunt. Debet autem *Ecclesia Anglicana* Deo sempiternas agere gratias, & sibi quam maxime gratulari quod in mediis afflictissimæ

## *Linguas Orientales.* 159

atissimæ Insulæ miseriis, nebulonibus & Regicidis rerum potientibus, veraque Religione & pietate exulante, tantos viros habuerit, qui ad opus illud arduum aggrediendum animos sumere ausi sunt, & incredibili diligentia ad umbilicum perducere. Hoc ad calumnias amolien- das dictum esto. Hæc vero de Lin- gua Persica sufficient.

In *Turcica* Lingua scripta sunt multa Religionem *Muhammedicam* spectantia, nonnullæ etiam Historiæ, Ad hanc di- scendam comparandi sunt qui sequuntur auctores.

1. *Seamanni Grammatica Turcica.*
2. -- *Novum Testamentum Turcice ver- sum.*
3. — *Catechismus Turcicus.*
4. *Bernardo da Parigi Vocabolario Ita- liano-Turchesco.*
5. *Francisci à Mesgnien Meninski The- saurus Linguarum Orientalium.* 4 vol. Fol. impress. *Viennæ.*

Lingua *Æthiopica* non multa conti- net quæ Reip. literariæ multum conferre possint; non enim ista gens humaniori- bus disciplinis incumbit; habemus in hac Lingua *Psalms* & *Evangelia*; & in

## 160 *Introductio ad*

in libris MSS. *Liturgias* quasdam &c. Præcipuus hujus Linguae usus est, quod in interpretanda S. Scriptura, vocum Hebræarum & Arabicarum significationes sæpe ex illa petantur, ex. gr. ملاك *Mal-âk* *Angelus* non derivatur ab Arabico ملك *Malaka* possedit, Dominatus est &c. (non enim istæ significationes congruunt,) sed ab Æthiopico Layka, misit, legavit. Sic in *Alcorano* Apostoli vocantur حواري *Hhawwâri*, cujus vocis originem in Lexicis Arabicis frustra quæras, derivatur autem ab Æthiopico Hawyra ivit, incessit, quod Apostoli proprium est. In hac voce *Ludolphus*. *Nota hic, Originem Arabici* حواري *nuspian alibi quærendam quam in hac nostra Lingua. Debet qui huic Linguae operam dare instituit, Arabicæ peritum esse, tanta enim est inter has cognatio, ut quot Arabicas voces didiceris, tot fere Æthiopicas disces. Ut quæ Postellus, Potkenius & Wemmerus de hac Lingua dixerunt, vel in ea præstiterunt omittam, omnibus in hac materia palmam præripuit Doctissimus Ludolphus, cujus Lexicon & Grammatica Æthiopica (omnium Orientalium*

## *Linguae Orientales.* 161

lium teste D. Castello optima) & *Historia Ethiopica*, de his ulterius inquirenti, abunde satisficient.

Lingua *Coptica* sive *Aegyptiaca* conflatur ex Antiqua *Aegyptiaca*, *Arabica*, & *Græca*. Prodrumum *Coptum* edidit *Athanasius Kircherus* & *Scalam* magnam sive *Lexicon*, noli tamen ipsi fidem habere, fuit enim homo inaccuratus, & in omnibus fere quæ edidit, singularem prodidit incuriam; extat in Bibliotheca *Bodleiana* MS. Novi Testamenti *Copticum* cum versione Arabica ad latus. Hunc librum si quis legere velit, possit ope versionis Arabicae Textum *Coptum* explicare & *Grammaticam* & *Lexicon* sibi componere.

*Armenicae Linguae institutiones Grammaticas & Logicas* edidit *Clemens Galenus Romæ*. 4to. Ubi etiam impressa sunt *Biblia Armenica*: & *Catechismus*. *Dictionary Armeno-Latinum* impressum est *Parisiis*: magnam Anglicæ nostræ partem ex Lingua *Armena* fluxisse affirmat D. *Bernardus Oxoniensis*; hanc Linguam si discere velis præter hos quos recensui libros, alios MSS. & impressos suppeditabunt Bibliothecæ; possis etiam

L

am

am *Armenum* conducere (multi enim sunt *Londini*) qui veram literarum pronuntiationem, & scribendi rationem docebit.

ثم الكتاب واحد لله \*

INDEX *Auctorum tam illorum quorum in hoc libello mentionem fecimus, quam aliorum qui harum rerum studiosis usui esse possint.*

## A

A Barbanel  
A Aben Ezra  
Abrahami de Balmes Grammat. Hebr.  
R. Abraham Ben Dior  
Abulpharagius  
Abulpheda  
Alcoranus  
Alferganus  
Amira (Georgius)  
Angeli a S. Josepho *Pharmacopœa Persica*  
——— *Dictionary Universale della Lingua Italiana & Persiana*  
Arias Montanus

## B

R. Bartenora  
Bartolocci Bibliotheca Rabbinica  
Bellunenſis (Andreas)  
Bertramus

Beyerregii

- Beveregii Grammatica Syriaca  
 — Interpret. Latin. Josephi Ægyptii  
 Bibliander  
 Bocharti Phaleg  
 — Hierozoicon  
 Bootius (Arnoldus)  
 Buxtorfii P. Biblia Rabbinica  
 — Lexicon Chaldaico-Rabbinico-Talmudicum  
 — Tiberias, seu Commentarius Masorethicus  
 — Thesaurus Grammaticus Linguae Hebraeae  
 — Synagoga Judaica  
 — Concordantiae Heb. Chald.  
 — Lexicon Hebraic. & Chaldaic.  
 — Institutio Epistolaris Hebraica  
 — De Abbreviaturis Hebraicis, recensio operis Talmu-  
 dici, & Bibliotheca Rabbinic.  
 Buxtorfii F. Versio & notæ ad librum Cozri  
 — Anticritic. seu Vindic. veritat. Hebraic. contra L. Capell.  
 — Lexicon Chaldaicum & Syriacum  
 — Dissertat. de sponsalibus & Divortiiis  
 — Abarbanelis Dissertatio de excidii Penae  
 — Dissertationes de Lingua Hebraica  
 — Florilegium Hebraicum  
 Bythnerus

## C

- Calonymus (R. David)  
 Capelli (Ludovic.) Critica Sacra  
 — Arcanum Punctuationis revelatum  
 — Diatriba de Antiquis Hebraeorum literis contra Bux-  
 torfium  
 Caphia, Grammat. Arab. impress. Roma  
 Castellus  
 Clerici (Samueli) Profodia Arab.  
 Cocceii *Sanhedrin & Maccab.*  
 Cooperi (Josephi) *Domus Mosaisca clavis sive, Legis Sepi-  
 mentum*  
 Cunæus

## D

- De Dieu (Ludovic.) *Historia Christi Persice*  
 — *Historica Petri*  
 — *Rudimenta*

- *Rudimenta Linguae Persicae*
- *Grammatica Hebr. Chald. Syr.*
- *Apocalypsis S. Joannis, Syriace, Græce, & Latine cum Annotat.*

*Dilheri Eclogæ Sacræ*

*Drufius*

## E

- Ebn Edris* (vulgo *Geograph. Nub.*)
- Echellenfis* (*Abrahami*) *Speculum mundum representans, Arab. Latin.*
- *Chronicon Orientale*
- *Verſio & Notæ ad Abdurrahmanum, de Medicis Virtutibus Animalium, Plantarum & Gemmarum*
- *Eutychius Vindictus* (contra *Selden. & Hotting.*)
- *Verſio & Notæ ad Catalogum librorum Chaldaic. & Syriac.*
- *Rudimenta Linguae Syriacæ, Syriace*
- Elias Levita*
- Elichmanni Verſio & Notæ ad Benjaminî itinerarium*
- L' Empereur* (*Constantin.*) *Comment. ad Bertram. de Rep. Heb.*
- *Verſio & Notæ ad Joſephi Jachladæ Paraphr. in Daniel.*
- *Clavis Talmudica Heb. Latin.*
- *Bava Kama Heb. Latin.*
- *Tractatus Middoth Heb. Latin.*
- *Oratio Inauguralis de Linguae Hebrææ Dignitate & Utilitate*
- *Notæ ad M. Kimchi aduocatus ad Scientiam*
- Erpenii Grammatica Arabica*
- *Rudimenta Linguae Arabicae*
- *Alphabetum Arabicum*
- *Novum Testament. Arab.*
- *Pentateuchi verſio Arabica*
- *Grammatica Syriaca.*
- *Giarumia, cum Tractatu de Centum Regentibus*

## F

- Fagius* (*Paulus*)
- Ferrarii Lexicon Syriac.*
- Franciſci à Meſguien Meninſki Theſaur. Linguar. Oriental. Gaul.*

## G

Gaulminus  
 Gentius (Georgius)  
 Giggei Lexicon Arabicum  
 Golii (Jacobi) Lexicon Arabico-Latin.  
 ——— Ahmedis Arabiadæ Historia Tamerlanis  
 ——— Erpenii Grammatica cum versione & notis.  
 Glassius (Salomon)  
 Godwini Moles & Aaron  
 Gravius  
 Grotius  
 Guadagnoli (Philippi) Rudimenta Linguz Arabicæ  
 Guisius  
 Guthbieri Edit. Nov. Testam. Syr.

## H.

Hackspan (Theodor)  
 Helvicus (Christophorus) de Paraphrasibus Chaldaicis  
 Hinckelmannus  
 Hottinger. (Johan. Henric.) Thesaurus Philologicus  
 ——— Historia Orientalis  
 ——— Dissertatio de Heptaplis Parisiensibus  
 ——— Exercitationes Anti Morinianæ  
 ——— De Nummis Orientalium  
 ——— De Monumentis, Mensuris & Inscriptionibus Orientalis  
 ——— Cippi Sepulchrales Hebraici. Heb. Lat. cum Notis  
 Hussen (Francisci) Interpret. Abarbanelis in Hoseam  
 Hyde (Thomæ) Historia Shahiludii  
 ——— Abraham Ben Peritfol Heb. Latin.  
 ——— Tabulæ Ulug Beig Astronomicæ  
 ——— Historia Religion. Vet. Perf.

## I.

Imbonati Bibliotheca Latino-Hebræa

## K.

Kabbala Denudata  
 Kimchius. (R. David)  
 Kircheri (Athanasii) Prodrromus Coptus  
 Kirstenius  
 Kotzenlis (Moses)

## L.

Ledeburnii (Casparis) Catena Scripturæ

Leo



Leo Africanus

Leo Mutinensis

R. Levi Ben Gershon

Limborchii Amica Collatio, cum erudito Judæo

Lipmanni Nizachon

Lightfoot (Joannes)

Ludolphi (Jobi) Grammatica Æthiopica cum Lexico

———Historia Æthiopica

M.

Maimonides (R. Moses)

Mafius (Andreas)

Meibomius

Mercerus

Meyeri interpret. Latin. Chronic. Hebr. maj. & min.

*Mishle Shualim* cum interpret.

Mishnah

Montanus (Arias)

Morinus (Joann.) Exercitationes Ecclesiasticæ in utrumque  
Samaritanorum Pentateuchum

———Exercitationes Biblicæ

———Diatriba de Sinceritate Hebræi Græc. Text. &c.

———Commentar. de Ordinationibus Ecclesiæ secund.

Græc. Syros &c.

———Opuscula Hebræo-Samaritica

———Epistola ad Nihusum de libris Hebræorum

De Muis (Simeon).

Munsterus (Sebast.)

Myricæi Grammatica Syriaca

N.

Nasiroddini Thufæi Euclides Arabicus.

———Tabula Geographica a Gravio edita

P.

Pagninus (Santes)

Picus Mirandula

Plantavitius

Plempii (Fortunati) Versio prior. part. Avicennæ

Pocockii (Patris) Epistolæ quatuor Syriacæ in Edit. Nov. Te-  
stamenti Syriaci desideratæ.

———Carmen Tograi Arabice cum Versione & Notis

———Specimen Historiæ Arabum

———Historia Dynastiæ Gregor. Abulpharag. Arab.

Latin. cum supplem.

———Poeta

- Porta Mosis Arab. Latin. cum Notis
- Eutychii Alexandrini Annales 2 Vol. 4to Arab.  
Latin.
- Versio Arabica Grotii de Veritat. Rel. Christian.
- Pocockii (Ed. Filii) Philosophus Autodidactus, i. e. Epistola  
de vita Hai Ebn Yokdhan Arab. Latin.
- Postellus
- Prideaux, Maimonid. Tract. de jure pauper. & peregrini  
R.
- Ravius Christianus
- Relandi (Adriani) Analeſta Rabbinica, in quibus continentur
1. G. Genebrardi Iſagoge Rabbinica
  2. Meditationes & Tabulæ Rabbinicæ
  3. Cellarii Inſtitutio Rabbinica
  4. J. Drufius de Particulis Rabbinicis
  5. Index Commentariorum Rabbinicorum qui in Sacrum  
Codicem aut partes ejus conſcripti ſunt
  6. Julii Bartolocci vitæ celebrium Rabbinorum
  7. R. Davidis Kimchii Comment. in decem Pſal. priores  
Davidicos, cum verſione Latina
- Reuchlinus
- Robertſoni (Gul.) Manipulus Lingux Sanctæ.
- Lexicon Concordantiale  
S.
- Salmaſii (Cland.) Præfat. ad Ceb. Tab. Arab.
- R. Salomon Yarhhi
- Scaligeri (Joſeph.) Elenchus Trihæreſii
- Schickardi (Gul.) Tarich ſeu ſeries Regum Perſiæ
- Horologium Hebræum
- Jus Regium Hebræorum
- Bechinath Happeruſhim
- Eclogæ Sacræ Heb Latin.
- Oratio de Feſto Purim
- Schindlerus (Valentin.)
- Sciadrenſis (Iſaac.) Rudimenta Lingux Syriacæ
- Schreckenſuchſius (Oſwaldus)
- Seldenus De jure Naturali & Gentium juxta diſciplinam  
Hebræorum
- De Succeſſionibus in Bona defuncti ſecundum  
Leges Hebræorum
- De Succeſſione in Pontificatum Hebræorum
- De

————De Diis Syris

————Uxor Hebraica

Sheringhami (Robert.) Versio Codicis Jomæ

Sigonius

Simonii (Richard) Notæ in Gabrielem Philadelphiensem

Sionita (Gabriel) Interpret. Geograph. Nub.

Sixtinus Amama

Spencerus

Surenhusius

Syke (Henric.) Evangelium infantiz, Arab. Latin. cum Notis

T.

Talmud { Hierosolymitanum  
Babylonicum

Trostii Edit. Testam. Syriac.

————Lexicon Syriacum

V.

Vorstii (Gul. Henrici) Lat. Vers. Abarbanel. de Summa Cre-  
dendorum

R. David Ganz Chronol.

Vossii (Dionysii) Latine. Ver. Maimonid. Tract. Idolatr.

Vossius (Isaacus) de LXXII Interpret. & eorum Translatione

W.

Wagenfeil

Waltonus

Warneri (Levini) Proverb. Persica cum Notis

————Epistola de Stylo Histor. Timuri

Waserus (Caspar)

Wasmuth

Wemmerus



Whelocus (Abraham)

Windet de vita functionum statu

Z.

Zohar

FINIS.



00565437

